

歷代道學統宗淵源問對

歷代道學統宗淵源問對卷之六

後學

臨川

恕軒

黎溫

編集

後學

臨川

徹軒

黎清

謄正

魯齋許氏

問許氏之出處如何

對曰按元鑑記云許氏名衡字仲平懷

州河內人生有異質幼端慤與群兒嬉戲即畫坐作進退周旋之節群兒莫敢犯年七歲受學於師過目輒不忘一日問其師曰讀書欲何為師曰應舉取科第耳曰如斯而已乎師大奇之謂衡父母曰此兒穎悟非常他日必有過人者及稍長嗜學如飢渴然遭亂且貧無書可讀避難岨峽山中始得王弼易常晝誦夜思身軀而力踐之言動必揆諸義嘗暑中過河陽道有梨果衆爭取之衡獨坐樹下不取或問之曰非其所有而取之則不可也衆曰山無主矣衡曰梨無主吾心

未嘗無主也往來河洛間從姚樞字公茂廣西柳州柳城人

計至仲得程朱遺書所見益高所造益深嘗曰小學四書吾

信之如神明敬之如父母矣居蘇門與姚樞字實默許衡字子平

肥鄉人以經術著當相講習經傳子史禮樂名物星曆兵刑

食貨水利靡不究通慨然以道爲己任嘗曰綱常之在天下

不可一日無在上者無以任之則在下之任也衡居家勤儉

強於自治公愛兼盡不嚴而整閭門之內若朝廷然夫婦相

待如賓凡喪葬嫁娶一遵古制必徵諸禮以倡其鄉人治喪

不用佛老懷孟之間化之家貧常躬耕食雖蔬食飲水處之

泰然人或有遺非義則弗受之也

魯齋許氏小學大義其畧曰自始皇焚書以後聖人經籍不全

無由考較古人爲學之次第班固字孟堅漢史雖說小學大學規

模大畧然亦不見其間節目之詳也蓋千有餘年學者各以

已意爲學高者入於空虛卑者流於功利雖苦心極力博識
多聞要之不背於古人者鮮矣近世新安朱文公以孔門聖
賢爲教爲學之遺法參以曲禮少儀內則弟子職諸篇集爲
小學之書其綱自有三曰立教曰明倫曰敬身次稽古所以
載三代聖賢已行之迹以實前篇立教明倫敬身之言其外
篇嘉言善行載漢以來賢者所言之嘉言所行之善行其綱
目亦不過立教明倫敬身也衍內篇之言以合外篇則知外
篇者小學之枝流約外篇之言以合內篇則知內篇者小學
之本源合內外而兩觀之則小學之規模節目無所不備矣
魯齋嘗作感興詩有曰萬物備吾身身貧道未貧觀時知性理
處世得天真氣爽星辰夜情忻草木春自憐斲喪後能作太
平人又作觀物之吟二首有曰物產天地間精粗擾兩偏
兩偏互倚伏一氣常周旋善善不可緩安安貴能遷人生喻

此意自當心乾乾 又曰事物形雖同中間勢各異推遷無
寧期倏忽幾易位智者識幾微安焉處平易人生貴無私莫
使聞見累

問魯齋娶某氏還有幾子 對曰按元鑑記云魯齋娶敬氏封
魏國夫人生子名師可爲懷孟路總管以便侍養

問魯齋生於何年而仕於何時 對曰按宋元鑑記云魯齋生
於

宋寧宗嘉定二年考之即

元太祖四年己巳

憲宗五年乙卯春二月召爲京兆儒學提舉二不至時年四十
有七矣

世祖中統二年辛酉夏五月召爲國子祭酒既至遂稱疾還
懷孟教授諸徒常與學者言人心猶印板然板本旣不差雖

墓千萬紙亦皆不差板本既差則墓之於紙未有不差者矣
至元七年庚午春三月召爲集賢大學士兼國子祭酒進爲
中書左丞

至元十年癸酉秋七月乞致仕許之既歸懷孟謝絕人事常
居山下課僮僕事耕種而已

問魯齋卒於何年而葬幾何 對曰按元鑑記云魯齋卒於
世祖至元十八年辛巳春三月年七十三嘗語其子曰我平
生爲虛名所累竟不能辭官死後慎勿請謚勿立碑但書許
衡之墓四字使其子孫識其處足矣及卒從其始命葬而無
碑朝野莫不哀傷以爲斯道斯民之不幸也

問封謚始於何年而從祀始於何時 對曰按元鑑記云

成宗大德二年戊戌正月 特加贈祭祿大夫大司徒

追封魏國公 賜謚文正

仁宗皇慶二年癸丑夏六月

詔升從祀夫子朝廷

延祐元年甲寅夏五月立魯齋書院降璽書旌之

牧庵姚氏曰魯齋先生之學一以朱子之言爲師窮理以致其知反躬以踐其實始而行其家中而及之人故于魏于輝于秦振衣其門所在林立盛德之聲昭聞于時官諸胄學其教也入德之門始惟由於小學而至於四書講貫之精而後進于易書詩春秋耳提面命者莫不以孝弟忠信爲本四方化之雖更爲師刀筆之流父以之訓其子兄以之勗其弟者亦惟以是爲先若語述作固不及朱子之富而扶植人極開世太平之功不慚其德焉

耶律有尚曰雪齋姚樞隱於蘇門傳伊洛之學於南士趙復仁甫魯齋先生即詣蘇門訪求之得伊川易傳晦庵論孟集註

大學中庸章句或問小學等書讀之深有默契于中遂一一
手寫以還聚學者謂之曰昔所授受殊孟浪也今始聞進學
之序若必欲相從當悉棄前日所學章句之習從事於小學
洒掃應對以爲進學之基不然則當求他師衆皆應唯遂取
悉向來簡帙焚之使無大小皆自小學入先生亦日夕精讀
不輟篤志力行以身先之雖隆寒盛暑亦不廢也 又曰魯
齋先生天資弘毅卓然有守自得伊洛之學冰釋理順美如
膏梁嘗謂終夜以思不知手之舞之足之蹈之其恭儉正直
出於天性雖艱危窮阨之際所守益堅而好學不倦及其聞
一善言見一善行不啻如飢渴於名利紛華畏若探湯誠心
自然人皆信之建元以來十被召旨未嘗不起然卒不肯枉
尺直尋而從每入對則衆皆注意而聽之衛士或舉手加額
曰是欲澤被生民者也

圭齋歐陽氏曰魯齋先生自謹獨之功充而至於天德王道之
蘊故告世祖治天下之要惟曰王道及問其功則曰三年有
成是以啓沃之際務以堯舜其君堯舜其民爲已任由其真
積力久至誠交孚言雖剴切終無以忤至於其身之進退則
寧若萬夫之勇苟可以利祿誘而威武屈也晚年義精仁熟
躬備四時道出萬物之表無事而靜則如太空晴雲舒卷自
如應物而動則如雷雨滿盈草木甲拆事至而不凝事過而
無迹四方之人聞之而知敬望之而知畏親之而知愛遠之
而知慕求其所以然則惟見其胸中磅礴浩大人欲淨盡天
理流行動靜語默無往而非道之著形也 又曰先生天資
之高固得不傳之妙於聖賢之遺言然光霽似周濂溪剛果
似張橫渠英邁似邵康節淳篤似司馬君實窮理致知擇善
固執似二程與朱晦庵至於体用兼該表裏洞徹超然自得

於不動而敬不言而信之域者又有濂洛數君子之所未發者焉宜夫抗萬鈞之勢而道不危

擅四方之名而行無毀也

邵庵虞氏曰南北未一魯齋許公先得朱子之書伏讀而深信之持其說以事世祖而儒者之道不廢許公實啓之是以世祖以來不愛名爵以起天下之處士雖所學所造各有以自見其質諸聖賢而不悖俟乎百世而不惑者論者尚慊然也剛齋陳氏曰魯齋先生既出學者翕然師之其學尊信朱子而濂洛之道益明使天下之人皆知誦習程朱之書以至於今者皆先生之功也

廣信祝氏曰朱子既沒中州豪傑惟魯齋許先生出焉稟不世之資負高明之見而得其傳爲當時明道之真儒矣

臨川梁氏孟敬曰許公善於訓導其言煦煦雖與童稚語如私

傷之故所至無貴賤賢不肖皆樂從之隨其才之昏明大小
各有所得所去人不忍捨服念其教終身不敢忘聽其言者
雖武夫異端之徒無不感悟翰林承旨王磐王磐字文補許
平人衡曰先生神明人也

臨江張氏美和曰嘗竊幼稟穎敏深意求學常患無從師傳受
且艱得典籍父母亦以值世方亂欲使知占候之術為避難
之計遂令與日者游因於推步占候之家見尚書疏義皆散
亂毀缺魯齋三仕就宿皆手錄之由是刻意鑽典考求古者
為治為學之序操心行己之方一言一行必質之於書故雖
亂離之際人亦稍稍從學焉已而隱居大名竄默深加敬遇
每相見則危坐終日出入經傳泛博釋老旁及醫卜諸子百
家兵形魯齋先生為河內典義先生為吳縣典義今名
考求立法明刑之原則深探於李矣貨殖
水利筭數之類靡不研究毅然惟以道自任篤志力行每以

身先之雖初寒暑雨亦不憚諸生出入惴慄惟謹客至則
懽然延接使之惻然動念漸流善意而去嘗與其子書曰小
學四書吾敬信如神明能明此書則他書雖不治亦可也既
而移家蘇門依姚樞以便講習及樞被徵先生獨處蘇門懽
懽而有誨人之志由是中州名士皆仰慕之又曰魯齋嘗
言於世祖曰三代所以歷數長久風俗純粹者皆自設學養
士所以致方今宜建學立師傅選貴族子弟教之以示風化
之本張文謙繼以爲請至是命先生爲之先生自設學以來
家事悉委其子師可賓客來學中者皆謝絕之嘗曰學中若
應接人事諸生學業必有所妨外人謗怒是自己事諸生學
業是上命也每謂蒙古生質淳朴未敢視聽專一苟置之好
伍曹中涵養三五年將來必能爲國家用乃奏舊弟子散居
四方如韓思永蘇郁耶律有爲孫安高疑姚燧姚燁等皆驛

致館下爲伴讀欲其夾輔匡弼薰陶浸潤而自得之也又欲
令蒙古生習學弄術乃自唐堯甲辰距至元壬申九三十六
百五年編其世代歷年爲一書令諸生誦其年數而加減之
又教諸生習頌魯公字復選蒙古生年長者習拜及受宣拜
詔儀釋奠冠履小學生書卷則令習跪拜揖讓進退應對之
節或投壺習射負者罰之讀書若干遍每說書不務多惟懇
款周折若未盡領解則引證設譬必使通曉而後已嘗問諸
生此章書義若推之自身今日之事有可用否大凡欲其踐
行不貴徒談也每謂書中無疑却看得有疑有疑却看得無
疑方是有功嘗曰敬敷五教在寬則是爲教者當以寬容存
心也今日學中大體雖要嚴密然就中節目須且寬緩蓋人
品不一有早成者有晚成者有可成其大者有可成其小者
且一事有所長必一有所短千萬不同遽難以強之也且

教人不止各因其材又當隨其學之所至而漸進之教人與用人正相反用人當用其所長教人當於其所短故先生之教人也恩同父子義若君臣因其所明開其所蔽而納諸善時其動息而施張之慎其萌蘖而防範之日漸月漬不自知其變也日新月盛不自知其化也以是凡爲先生弟子皆能自立而爲世用矣先生又言爲學者治生最爲先務苟生理不足則於爲學之道有所妨彼旁求妄進及作官嗜利者殆亦窘於生理之所致也士君子當以農務爲生商賈雖爲逐末亦有可爲者果處之不失其義理或以姑濟一時亦無不可若以教學與作官規圖生計恐非古人之意也

臨汀魯氏曰當元之初魯齋許先生爲中州大儒近考程朱之遺緒遠窺周孔之大道蓋年至三十有四而始得讀程朱之書則其求道也可謂難矣與諸門人日夜淬礪或躬墾山田

以給日食則其任道也可謂篤矣至於姚竇二公之薦而被
徵命佐中書則其行道也亦可謂遭遇其時矣

當時文臣贊之有曰氣和而志剛內圓而外方隨時屈伸與
道翱翔或躬耕于太行之野或判事于中書之堂布葛蓬茅
不爲荒涼主組軒冕不爲輝光斯可以見其出處之大節矣
其名繼道統而從祀於孔廟之庭也豈不宜哉

草廬吳氏

問吳氏之出處如何 對曰按元史列傳記云吳氏名澄字幼
清撫州臨川人高祖據曾祖燁祖基父鎮母夫人周氏初居
咸口里當華蓋臨川二山之間望氣者徐覺言其地當出異
人異人非澄生前一夕鄉里父老見有異氣降其家隣媼復
夢有物蜿蜒降其舍傍池之中旦以告子人而澄已生三歲
穎悟日發教之古詩讀口成誦五歲日受千餘言夜讀書至

且母憂其過勤節其膏火而不多與澄候母寢燃火復誦習
九歲從群子弟試鄉校每中前列既長於經傳悉皆貫通深
知用力於聖賢之學性溫厚嘗舉進士不第

世祖至元十三年丙子鄉民初附盜賊所在蜂起樂安鄭松招

澄居布水谷乃著孝經章句校定易詩書春秋儀禮及大小

戴記因侍御史程鉅夫名文海字雪樓建昌南城人初爲集賢掌書士復爲翰林承旨終於侍御史

告老南還居五年卒南起澄至京師未幾以母老辭歸鉅夫請置澄所著書於江

南起澄至京師未幾以母老辭歸鉅夫請置澄所著書於國

子監以資學者朝廷命有司即其家錄上

成宗元貞元年乙未澄初遊龍興按察司經歷郝文迎至郡學

日聽講論錄其問答凡數千言時元明善爲行省掾以文學

才質自負嘗問澄易詩書春秋奧義退而嘆曰與吳先生言

如探淵海遂執弟子禮終其身左丞董士選延之於家親執

饋食曰吳先生天下士也既入朝薦澄有道以擢應奉翰林
文字召之有司敦勸久之乃赴而代者已至官澄即日南歸
未幾除江西儒學副提舉居三月以疾去官

武宗至大元年戊申召爲國子監丞先是許文正公衡爲祭酒
始以朱子小學四書授於弟子久之漸失其舊澄至旦燃燭
堂上諸生以次受業日昃始退燕居之室執經問難者接踵
而至澄各因其材質反覆訓誘之每至夜分雖寒暑不易也
仁宗皇慶元年壬子陞爲國子監司業用程純公學校奏疏胡
文定公六學教法朱文公學校貢舉私議約之爲教法四條
一曰經學二曰行實三曰文藝四曰治事而未及行又嘗與
學者言朱子於道問學之功居多而陸子靜以尊德性爲主
夫問學不本於德性則其弊必偏於言語訓釋之末故問學
必以德性爲本庶幾得之議者遂以澄爲陸氏之學非許氏

尊信朱子本意然亦莫知朱陸之爲何如也澄一夕謝去諸生有不謁告而從之南者甚衆俄拜集賢直學士特受奉議大夫俾乘驛至京師次真州以疾作不果行

英宗至治三年癸亥春正月召除翰林學士進授太中大夫是時有旨詔集善書者粉黃金爲泥寫浮屠藏經

帝在上都使左丞速速詔澄爲序澄曰主上寫經爲民祈福甚盛舉也若用以追薦臣所未知蓋福田利益雖人所樂聞而輪囷之事彼習其學者猶或不言不過謂爲善之人死則上通高明其極品則與日月齊光爲惡之人死則下淪污穢其極下則與沙蟲同類其徒遂爲薦拔之說以惑世人今列聖之神上同日月何庸薦拔且國初以來凡寫經追薦不知幾舉若未効是無佛法矣若已効是誣其祖宗矣撰爲文辭不可以示後世請候駕還欲奏止之會帝崩而止

泰定元年

甲子春二月初開經筵首命集賢直學士吳澄與平章政事張珪國子祭酒鄧文原爲講官所講者帝範資治通鑑大學衍義貞觀政要諸書而有貞觀政要集論序見於文集之內三年丙寅復徵澄辭疾不起先時在至治間詔作太廟議者習見同堂異室之制迺作十三室未及遷奉而國有大故有司疑於昭穆之次命集議之澄議曰

世祖混一天下悉攷古制而行之古者天子七廟廟各爲宮太祖居中左三廟爲昭右三廟爲穆昭穆神主各以次遞遷其廟之宮頗如今之中書六部夫省部之設亦倣宋金豈以宗廟叙次而不攷古乎有司急於行事竟如舊次云時澄已有去志會修

英宗實錄命總其事居數月實錄已成未上即移疾不出中書左丞許師敬奉旨賜宴國史院仍致朝廷勉留之意宴罷即

出城登舟而去中書聞之遣官驛追不及而還言於

帝曰吳澄國之名儒朝之舊德今請老而歸不忍重勞之宜有所褒異詔加資善大夫仍以金織文綺二匹及鈔五千貫賜之澄身若不勝衣正坐拱手氣融神邁答問疊疊使人渙若冰釋初弱冠時嘗著道統之說而曰道之大原出於天神聖繼之伏羲神農軒轅繼天立極是謂三皇道統之傳實

始於此軒轅而後少皞顓頊高辛繼之通於唐堯虞舜謂之五帝堯舜禹臯君臣也而並此唐虞之際所以爲盛也成湯伊尹生於商之初興而傳說生於商之中世文武周召生於周之盛際而夫子生於周之既衰夫子以來始不得其位而聖人之道不行於是始設教於洙泗之間以授於弟子而惟顏魯得其傳顏子蚤死曾子傳之子思子思傳之孟子孟子既沒而不得其傳焉至於宋朝周子始有以接乎孟子之

傳於千載之下其時有邵子溫公者亦非常人也二程則師於周子張子則友於二程而傳其學中興以後又有朱子集周程張邵之大成是皆得夫道統之傳也聖賢繼作前後相承吾道正脉賴以不墜統而一之則

堯舜而上道之元也堯舜而下道之亨也魯鄭洙泗道之利也濂洛關閩道之貞也分而言之

上古之統則羲農其元乎堯舜其亨禹湯其利而文武周公其貞也

中古之統則夫子其元乎顏曾其亨子思其利而孟子其貞也

近古之統則周子其元乎程張其亨而朱子其利也况孰爲我朝今日之貞乎未之有也然則其可以終無所歸哉不可也嗚呼蓋有不可得而辭者矣其早以斯文自任如此故出

登朝署既退歸于家與郡邑之所經由士大夫皆迎請受業而四方之士不憚數千里躡屨負笈來學山中者常不下千數百人少暇即著書至將終猶不置也於易春秋禮記各有纂言盡破傳註穿鑿以發其蘊修歸紀叙及易纂言外稽其而精明簡奧卓然自成一家之言復作學基學統之論二篇使人知爲學之本與爲學之序尤有得於邵子張子之學校定皇極經世書與正蒙經學皆所以啓大道之堂奧開示來學之聰明傳之百世而無弊者也又校正老子道德經莊子南華經與揚子太玄經於樂律及八陣圖郭璞葬書蓋朝廷屢起之廼就國子監丞捐進司業一言不合即自解組而去後屢徵復起亦不久於位凡進退之際綽然有餘裕矣在元之正學大儒惟許衡及吳澄二人衡遭際世相力在朝廷澄在朝之日雖少其職論司教成均勸講學廷咸積誠意預大議

論大事皆引古道而功在於學者尤多至於我

國朝崇重儒道大明四書五經及性理之旨凡道所言皆見采錄以惠後學蓋澄學問之功自朱子以來莫或過之初澄所居有草屋數間程鉅夫過而題曰草廬故學者稱之爲草廬先生

吳先生嘗曰大學一書舊來只雜於禮記之中河南二程子生於千餘載之後獨得聖道之傳故能識此篇爲聖人之書并中庸一篇皆自禮記之中取出表而顯之二程皆有更定傳文次第則又不如晦庵之當經文一章渾然如玉豈可折破

第一節三句說三綱領之工夫綱者以大綱言如網之有綱綱舉則目張領者以要領言如裘之有領領挈而裘順明德爲下文格物致知誠意正心脩身之綱領新民爲下文齊家

治國平天下之綱領止於至善又爲明德新民之綱領明德爲修己新民爲治人工夫重在止於至善之一句至善直是要人行那明德新民道理到十分至極纖悉無一毫不盡處而後止

第二節五句覆說上文綱領之效驗

第三節四句總結上文三綱領之工夫與效驗之意此以上三節爲前半章經文

第四節六箇先字言八條目並推之工夫謂旣欲如此則必先如此與上文第一節相對各有明德二字爲證

第五節七箇后字覆說條目順推之效驗謂旣有此效則必有此驗與上文第二節相對各有而后二字爲證

第六節兩段總結八條目之工夫與效驗之效驗與上文第三節相對各有本末二字爲證此以上三節爲後半章經文凡

二百餘字語意簡古真聖筆也與傳文全然不同今迺折破經文第二節第三節以補格物致知之傳豈不識經傳文體之不同乎而此兩節欲解作格物致知之義亦且不通況徒見有一物字有一知字而欲以爲格物致知之傳無迺不識文義之甚乎且經文除了此兩節豈復成文譬如一玉盤打破而去其一角但存其三角豈得爲渾全之器乎先生嘗採撫經傳格言補大學傳文之畧以全程朱之意其傳文四章云

子曰聽訟吾猶人也必也使無訟乎無情者不得盡其辭大畏民志末也道之以德民日遷善焉此謂之本自末也至善焉凡十一字

其傳文五章云

所謂致知在格物者窮理也有物必有則物至而知之焉學

以聚問以辨於時習之日新之聞見博知益明矣思之思之
慎思之思之弗得弗措也思曰睿睿作聖聞一以知二聞一
以知十及其至也通一而萬畢明於無物察於人倫知言則
知人知性則知天窮理盡性以至於命語小而盡精微語大
而登高明此謂物格此謂知之至也自窮理至高明凡一百
十一字味斯二章之辭則見先生有資於世教者矣

又曰論語山梁雌雉當在色斯舉矣之上三嘆而作當作三
嘆而作亦篆文之誤也

又曰論語有馬者借人乘之七字是史冊之文前後皆闕文
止有此七字孔子自謂昔者吾猶及見史冊之闕文有七字
云有馬者借人乘之今則併此七字而亡之矣

先生又嘗爲勤謹之二箴

其勤箴曰

夏而不扇冬而不爐思則微曉得則疾書我思古人閑洛之

儒勤哉勤哉無替厥初

其謹箴三

生而請事動言聽視死而知免戰兢臨履我思古人洙泗之
子謹之謹之一如其始

又嘗作自警之詩二首

其一曰

氣昏瞶即害非輕 纔到更初困倦生 必有事焉常恐恐
直教心要強惺惺 縱當慮思沉如醉 打起精神坐到明
着此一鞭能勇猛 做何事業不能成

其二曰

元來一片虛靈府 埋沒經年滓穢場 不特動時多走逸

更於靜處亦飛揚 晝間常被事牽引 夜後猶隨夢擾攘

喚起主人翁警省 自家三徑不容荒

又作勉學首尾之吟四首 其一曰

三十年前好用工 為師不 過發其蒙 十分底蘊從人說

百倍工夫在已充 舊學每加新學養 今朝不與昨朝同
拳拳相勉無他意 三十年前好用工

其二曰

三十年前好用工 日間莫只恁從容 從頭狂廢青春日
牛角俄成白髮翁 加緊當除嬰孺志 居今貴學古人風
拳拳相勉無他意 三十年前好用工

其三曰

三十年前好用工 男兒何者是英雄 世間有事皆當做
天下無堅不可攻 萬里行方由足下 一毫非莫入曾中
拳拳相勉無他意 三十年前好用工

其四曰

三十年前好用工 過時雖只強求通 後成諸態皆因富
挫過流光只為慵 人不修為何異哉 蛇能變化尚成龍

拳拳相勉無他意 三十年前好用工

又作敬和之二銘

其跋錄曰

維人之心易於放逸操存舍亡或入或出敬之一字其義精
密學者所當服膺弗失收斂方寸不容一物如入靈祠如奉
軍律整齊嚴肅端莊靜一戒慎恐懼兢業戰慄如見大賓罔
敢輕率如承大祭罔敢慢忽視聽言動非禮則勿忠信傳習
省身者悉把捉於中精神心術檢束於外形骸肌膚常令惺
惺又新日日敢以此語鑲于虛室

其和銘曰

和而不流訓在中庸顏之愷涕孔之溫恭孔顏往矣孰繼遐
縱卓彼先覺元公純公元氣之會厚德之鍾瑞日祥雲霽月
光風庭草不除意思冲冲天地生物氣象融融萬物靜觀境
與天通四時嘉興樂與人同泯若圭角春然心實如玉之潤

如酒之醲醉面盎背辭色雍容待人接物德量含洪和粹之
氣涵養之功敢以此語佩于厥躬

又作顏冉之銘曰

我思古人明發不寐卓彼先覺顏冉二子主一持敬克己復
禮出門如賓使民如祭非禮勿言非禮勿履非禮勿聽非禮
勿視蟬蛻人欲春融天理彼何人哉晞之則是斬絕自新從
今以始自然自艾處仁遷義指天爲誓鑠心爲記吾雖不敏
事斯語矣

又嘗自佩誦周子巧拙之賦曰

巧者言拙者默巧者勞拙者逸巧者偷拙者德巧者凶拙者
吉於戲天下拙刑政徹上安下順風清弊絕

愚嘗三復先生之遺文則深知先生之學用功親
切而極乎道德性理之精奧誠爲

千古由是以來

聖朝

列聖相承而

道統之傳雖至於

萬萬世而無窮矣

歷代道學統宗淵源問對卷之六

歷代道學統宗淵源問對卷之七

後學

臨川

趙軒

黎溫

編集

後學

臨川

徹軒

黎清

勝正

小學總論訂疑

問古者小學何謂也

對曰古昔夏商周之時有此小學之書

小學者小子之學也三代盛時王宮國都以及閭巷莫不有學人生八歲則自王公以下至於庶人之子弟皆入小學而受教焉以收其放心養其德性而為大學之基本及其長而進之於大學以察其義理措諸事業而收小學之成功此古者小學大學之教莫不有序所以治隆於上俗美於下而非後世之所能及也

問入小學大學之教亦有次第歟

對曰閭巷之學教厥人之

子弟八歲入小學擇其俊秀者十五歲則入大學國都之學

教公卿大夫元子之適子八歲入小學十五歲則入大學至
之學教天子之元子衆子八歲入小學十五歲則入大學
皆有次第矣

問小學教之以收其放心養其德性大學教之以察夫義理措
諸事並未何謂也 對曰小學教之以洒掃應對進退之間禮
樂射御書數之習是則謂之收其放心養其德性矣大學教
之以窮理正心脩己治人是則謂之察夫義理措諸事業矣
問小學大學之別 對曰按朱子云小學大學只是一箇事小
學是學事親長且慈地大學便就上而講究委曲其所以
事親事長是如何

問教人以灑掃應對進退之節何謂也 對曰此書教訓小子
所學之人必先以用灑掃者是播水於地以浥其塵掃者是運
帚於地以去其塵即內則所謂雞初鳴灑掃室堂及庭布席

曲禮所謂凡為長者奠之禮必加帚於簋上以袂拘而退其塵不及長者以簋自鄉而扱之之類是也應者是親長呼之而唯諾對者是親長問之而答述即內則所謂在父母之所

有命之應唯敬對曲禮所謂長者負劔辟咎詔之則掩口而對之類是也進者而進事於親長退者既見親長而退出即

內則所謂在父母之所進退周旋慎齊曲禮所謂凡與客入

者每門讓於客之類是也如此之有次第故曰品節也

問愛親長隆師親友之道何謂也

對曰此書教小子之所學

在於愛事父母之親以盡其孝如曲禮所謂凡為人子之禮冬溫而夏凊昏定而晨省之類是也恭敬尊長以盡其禮如

曲禮所謂見父之執不謂之進不敢進不謂之退不敢退不

問不敢對之類是也隆尊師傳以盡其恩如曲禮所謂從於

先生不越路而與人言遭先生於道趨而進正立拱手先生

與之言則對不必少言則趨而退之類是也親近朋友以盡其義如論語所謂君子以文會友以友輔仁之類是也如此之有定向故曰方道也

問即與道二字亦有以異乎

對曰先灑然後掃先應然後對

先進然後退故謂之節如愛親則盡於孝敬長則盡於禮隆師則盡於恩親友則盡於義故謂之道以此推之安得而無異乎夫節者如上下前後之有次序道者如東西南北之有定向節則一日行之能畢道則終身用之有不能盡者矣

問皆所以為脩身齊家治國平天下之本何謂也

對曰此言

上文灑掃應對進退之節與愛親敬長隆師親友之道盡皆故所以用為作也日律脩己身齊家室理治邦國平定天下之根本也

問朱子之言凡有所以故所是以三者亦有微意歟

對曰所

以故所二者是推原其本來之辭如是書題皆所以為脩身齊家治國立天下之本與大學序所以教人之法論語故所記多務本之意之類是以者是質明上文之辭如大學序是以不能皆有以知其性之所有而全之類愚嘗佩誦朱子之言有曰其所著述下字與秤上秤來無異也不高此也不低些也不偏些也添一字不得也減一字不得也不多一箇字也不少一箇字學者且須仔細看思每讀之凜然悚懼慨歎恨不生於當時而親炙之尚幸遺書見於諸書況小學大學序文之題其辭精密其理簡嚴渾然猶經乃朱子晚年之筆深有微意焉誠在讀者詳之

問本字與上文道字節字其義如何

對曰節字細密道字廣

闊本字深厚盡節者只是次序道者所包甚廣而難見惟由於脩齊治平之事行之而觀則見道之本體矣

問必使其讀熟實之於幼穉之時何謂也 對曰而者是使

句端之辭必者決然也俾使其學者讀論上文所知之理而

習熟上文所行之事於幼小童穉八歲入小學之時也

問而字之釋亦有異乎 對曰在上為句端之辭在中為承上

起下之辭即此句而必使其讀而習之可明矣

問欲其習與智長化與心成而無扞格不勝之患何謂也 對

曰將欲其學者習熟上文所行之理與智識至於年長十五

入大學之時融化心習自然成就而無些子扞格抵拒不能

勝當其教之病患也

問前兼讀且後獨言習者何也 對曰讀屬知習屬行後舉習

者獨以行而言且前幼穉專指小學後智長則兼大學至於

年長入大學之時則知之固明而但務於行之熟矣

問扞格何謂也 對曰按海虞王氏云扞拒也格陳氏謂猶如

陳洛之客言如地之凍堅難入也先聖有曰少成若天性習
慣如自然夫豈有扞格堅強難入不勝其教者哉

問今其全書雖不可見而雜出於傳記者亦多讀者往往直以
古今異宜而莫之行殊不知其無古今之異者固未始不可
行何也 對曰此朱子自謂於今隆宋之時其三代小學教
人之全書因遭暴秦坑焚之禍雖是不可得而親見而混雜
出於六經四書之傳書記載者亦多矣往往猶每每也言後
來讀書之士每每直假以有古今異別宜合之不同而莫之
能行殊絕也如嘗也言絕不知其傳記中無古今之異別者
固實未嘗有不可行也按海虞莫氏云無古今之異即朱子
菟集以成此言者是也

問坑焚之事在於秦之何年 對曰謹按通鑑綱目記云秦始

始皇三十四年戊午燒詩書百家語按實治通鑑記云秦相李

此上書秦焚書籍有偽語詩書者棄青

藥市也以古非今者焚其法也所不去者醫藥卜筮種樹之

書若欲有學法令以吏為師制曰可按通鑑綱目記云三十

五年已丑坑諸生四百六十餘人按資治通鑑記云侯生盧

生相與譏議因亡去始皇聞之大怒於是使御史悉案問之

諸生傳相告引乃自除犯禁者四百六十餘人皆坑之

問典籍出於漢之何時對曰謹按通鑑綱目記云漢惠帝四

年庚戌始除挾書之律自是經籍漸出矣

問往往者亦有所釋乎對曰如趙氏作孟子之題辭往往撫

取而釋之以紛紛也與此不同

問今頗蒐集以為此書授之童蒙資其講習庶幾有補於風化

之萬一二云爾何也對曰此朱子自謂於今頗畧蒐索傳記

所載而集聚以為此小學之書授教之於童幼蒙昧初學之

士資助其學者講論習熟隨掃應對進退之節與夫愛親敬
長隆師親之道庶或幾近有補益於國家風声教化萬中一
句之云言爾此朱子自謙之辭嗚呼味斯言也則朱子之於
世教豈惟有利於當時實則有功於千萬世也至哉

問蒐當作搜而以是蒐何謂也

對曰按春秋左傳記云蒐事見

五年

春獵曰蒐蒐索也擇取其數之不孕者而用之朱子集

是書者亦取其聖經賢傳嘉言善行可爲法戒者類編入之
故蒐字取此之義也

問此講習二字復合而置之何也

對曰此亦專指小學之教則

兼以知行之並言矣

問晦庵者何謂也

對曰晦隱也庵草居之稱乃朱子之自號

也按年譜記云朱孝宗淳熙二年乙未秋七日朱子築室於

洋陽盧峯之巖號曰雲谷老人因初章堂等書閑居扁以晦

庵故曰晦庵也於是晦庵之名顯于世矣

問書題者何也

對曰書題者乃標題小學書之大要而為初

學入道之門也按海虞吳氏云此書朱子於卷首已題有餘言直述小學所以教人之意是也

問是書之題教人之大要亦有序乎

對曰愚嘗考諸先儒皆

未有說至我

聖朝海虞吳氏始為之訓釋其為明備然析其大要之旨亦未及焉愚自童蒙受學於師伯父雲泉常曰小學書題當分為四段自古者小學至平天下之本為第一段乃朱子叙三代小學教人之本原以開其端而為初學入道之門自而必使其講而習之至不勝之患也為第二段乃朱子勉幼學之士及時循序務進而無躡等難成之病自今其全書至固未始不可行也為第三段乃朱子論三代小學教人之書被秦坑

焚而雜出於傳記於今類聚而成而無古今之異實可行於世矣自今頗蒐集至風化也萬一二爾乃朱子自言所以爲書之意也而致謙辭以告於後學也須大學序木之意同讀者詳之

問小學大學之源流可得聞其大旨歟 對曰自伏羲神農黃帝堯舜所以繼天立極爲君爲師三代之隆其法寢備至於吾天子之聖而不得君師之位以行其政教於是取法詔後及顏曾思孟沒而其傳遂泯焉至宋河南兩程夫子出以續不傳之緒考亭朱子蒐集經傳彙成是書補其大學之闕遺定爲章句而人始知古昔小學大學之有教也

問小學題辭何謂也

對曰按雙饒氏云小學者小子之學也

古者人生八歲則入小學而教之以灑掃應對進退之節禮樂射御書數之文所以收其放心養其德性以爲他日大學

惟其修業之基古今傳記所存由微小者內則弟子職諸篇
是其遺法也晦庵先生病古書殘缺而不全俗學鹵莽而失
正乃取古今聖經賢傳嘉言善行類聚而成此書以續古者
小學之教欲便後之初學有所肄習而不失其正也題辭者標
題書首之辭蓋序之異名也朱子既集於小學之書而又自
序其所以述作之意於書首以漢趙氏序孟子有題辭之說
故以名之按朱子文集有曰小學書別為題辭韻語庶便童
習按海虞吳氏云此書朱子於卷首已題百餘言直述小學
所以教人之意至此則首叙天道性情之本原以及大小學
培養充廣之事體用兼該小大畢舉且括成韻語以便為師
為弟子者之所教讀其開示學者深矣善乎勉齋黃氏有曰
灑掃應對雖至小亦由天理之全體而著見於事物之節文
聖人之所以為聖人者初不外乎此理嗚呼讀者其可以其

近小而忽之乎

問元亨利貞天道之常仁義禮智人性之綱何謂也 對曰元
亨利貞此朱子引易經之乾卦彖文而言元者萬物之始於
時爲春春屬木主於東方發生之氣亨者萬物之通於時
爲夏夏屬火主於南方長養之氣利者萬物之遂於時爲
秋秋屬金主於西方肅殺之氣貞者萬物之成於時爲冬
冬屬水主於北方收藏之氣此四者乃上天之道亘古今不
易之常行之序所以終始乎萬物者也仁義禮智仁者愛之
理即天道之元元主於人倫五典父子之親配於人身五臟
之肝肝屬木木即春之令故春主於發生而仁主於溫和慈
愛義者宜之理即天道之利利主於人倫五典君臣之義配
於人身五臟之肺肺屬金金即秋之令故秋主於肅殺而義
主於嚴制殺制者恭之理即天道之貞貞主於人倫五臟

長幼之序配於人身五臟之心心屬火火即裏之金故裏主
於長養而禮主於恭敬樽節智者別之理即天道之貞貞主
於人倫五典夫婦之別配於人身五臟之腎腎屬水水即冬
之令故冬主於收藏而智主於分別是非此四者人所稟於
天以為德而具於身乃為性理之綱維也蓋在天則為元亨
利貞在地則為木火金水在於四時則為春夏秋冬故人稟
於陰陽五行四氣以生配於天地則為仁義禮智學者當知
天有元亨利貞四者之德而我亦有仁義禮智四者之德并
除私欲保養正性則吾之一身而與天地並立為三矣按朱
子語錄云性以賦於我之分而言天以公共之道理而言吾
之仁義禮智即天之元亨利貞凡吾之所有者皆自彼而未
也故知吾性則自然知天矣

問上聖至利貞是順四時而言下以仁義禮智配於上似其

義禮二者有所不順四時何也 對曰按朱子云元亨利貞猶東南西北是周圍從一邊說仁義禮智猶東西南北是橫直以相對說東南西北是五行之相生東西南北是五行之相克五行相生以成其始五行相克以成其終生而不克則無以裁制克而不生則幾乎滅矣故二者體用之不可偏廢也

問此言凡此厥初後言乃復其初何也 對曰復初者復此仁義禮智之性而已

問藹然四端隨感而見何謂也 對曰按雙峯饒氏云感者自外而動於內也見者自內而形於外也按朱子云性之所以為靜者不過乎仁義禮智四者而已方其未發漠然無形象之可見及其發而為用則仁者為惻隱義者為羞惡禮者為恭敬智者為是非所謂情也孟子謂之四端皆指有物在

中而不可見必因其端緒發見於外然後可得而尋也云
如赤子入井之事感則仁之端便應而惻隱之心於是乎形
於外如過朝過朝之事感則禮之端便應而恭敬之心於是
乎形於外蓋由其中間裝理渾具各各分明故外邊所遇隨
感而應所以四端之發各有面貌之不同如此則性之善可
知矣

問上文言仁義禮智性之綱此言愛親敬兄忠君第長何也

對曰舉其五倫之目大者而言是

問愛而言秉何也

對曰按西山真氏云渾然天理具於吾心

不可移奪若秉拊然故曰秉義也

問安此暴棄何也

對曰安此物欲之交蔽而自暴害猶棄其

仁義禮智之綱按熊氏云自暴剛惡也自棄柔惡也饒氏云

暴甚於棄矣

問昔非不足今豈有餘何也 對曰昔日之安於暴棄也此性

固非不全足今日之德崇業廣也此性亦非有餘裕但昔為
氣稟物欲之所蔽今則復乎其本然爾

問蒙養弗端長益浮靡何也

對曰此言前世相去既遠遠堯

舜禹湯文武周孔之聖人亦皆亡沒六經因遭秦火而聖人
之教亦弛廢矣蓋自小學之教廢故學者自童蒙之時而涵
養之弗得其端正自大學之教廢故及其年長則所習日益
輕浮華靡而無重厚所實之風矣

問紛拏喧呶二者出於何書也

對曰按熊氏標題云紛拏語

出前漢霍去病傳漢匈奴相紛拏喧呶語出杜牧之詩云松
澗渡喧呶

問匪我言耄朱子編是書之時而壽幾何

對曰按邵武李氏

方子云先生年五十八編次小學書成切先生既廢擲於大

學以開悟學期又慎其失序無本而不原以有遺也乃集此書以訓家士使培其根以達其知內篇有三曰立教曰明倫曰敬身外篇有二取古今嘉言以廣之善行以實之雖已進乎大學者亦得以兼補之於後脩身大法此畧備焉北溪陳氏云朱子小學書綱領甚好最切於日用雖至大學之成亦不外是魯齋許氏小學大義曰古者民生八歲上自王公下至庶人之子弟皆令入小學教之以灑掃應對進退之節及其十有五歲則字夫子之元子衆子公卿大夫元士之適子與凡民之俊秀者皆入於大學教之以窮理正心脩己治人之道此小學大學之所以分也當其幼時若不先習之於小學則無以收其放心養其德性及其年長若不進之於大學則無以察夫義理措諸事業故先之以小學者所以立大學之基本進之於大學者所以收小學之成功也三代盛時賢

材輩出風俗醇厚蓋由盡此道也自始皇焚書以後聖人經籍不全無由考校古人為學之次第班孟堅漢史雖說小學大學規模大畧然亦不見其間節目之詳也千有餘年學者各以己意為學其高者入於空虛卑者流於功利雖苦心極力博識多聞要之不背於古人者鮮矣至唐韓文公始引大學節目以為為治之序及前宋伊洛諸先生又表章大學一篇發明古者教人之法近世新安朱文公以孔門聖賢為教為學之遺意參以曲禮少儀弟子職諸篇集為小學之書其綱目有三立教明倫敬身次稽古所以載三代聖賢已行之迹以實前篇立教明倫敬身之言其外篇嘉言善行載歷代以來賢者所言之嘉言所行之善行其綱目亦各有三立教明倫敬身此外篇也衍內篇之言以合外篇則知外篇者小學之支流約外篇之言以合內篇則知內篇者小學之本原合

內外而兩觀之則小學之規模節目無所不備矣文公集

學之書大意如此

附此論朱子著小學之功

問來裔亦有所據乎 對曰來裔按熊氏標題饒氏石洞紀聞云朱子註楚辭以裔為衣襟之末是也

問題辭番場饒氏分為十節亦有序乎 對曰按熊氏標題石洞紀聞云自元亨利貞以下為第一節首原天道以明人性之有此四德也自凡此厥初以下為第二節言性之發於情者然也自愛親敬兄以下為第三節言性之見於行者然也自惟聖性者以下為第四節言聖人之所以盡其性也自衆人蚩蚩以下為第五節言衆人之所以汨其性也自惟聖斯惻以下為第六節言聖人所以興學設教以開下文兩節之意也自小學之方以下為第七節以小學之教而言大要實涵養德性之事即上文所謂以培其根者也自窮理脩身以

下爲第八節以大學之教而言大要皆充廣德性之事即上文所謂以達其支者也自世遠人亡以下爲第九節言後世教學不明之害以起下文之意也自辛茲秉彝以下爲第十節自言所以爲書之意以告後學而丁寧之也按建安何氏云饒氏雖分爲十節若舉一篇之要而約言之似不出乎中庸性道教三者之旨首一節乃天命之性次四節乃率性之道後五節乃脩道之教也

問立教者何也 對曰按魯齋許氏云立教者明三代聖王建立所以教人之法也蓋人之良心本無不善由有生之後氣稟所拘物欲所蔽任其私意妄作始有不善聖人設教使養其良心之本善去其私意之不善其上者可入聖其次者可爲賢又其次者不失爲善人也此先王之時所以民用和睦上下無怨而比壽考封也然所謂教者非出於先王之私意義

天有是理先王使順其理天有是道先王使行其道天有是命之自然爲人事之當然乃所謂立教也

問首引中庸之言何也 對曰此爲立教一篇之小序以明聖人教人之法按魯齋許氏云爲教而不本於聖人之道則非教也爲學而不本於聖人之道則非學也

問性道者何謂也 對曰五倫五常之性道也五倫五常乃天命本然之性人事當然之道知此則爲師者知所以教人之本爲弟子者則知所以進學之本矣

問小學書首舉列女傳者何也 對曰此章言古者胎教之法列女傳漢劉向所編按熊氏標題云劉向一名更生採詩書所載賢妃貞婦興國顯家者序次八卷故名列女傳

問不食邪味何也 對曰按本註云邪味不正之味謂六畜之外山禽野獸之類六畜謂牛馬猪羊犬雞是也

問割不正不食何也 對曰按朱子云割切肉也切肉不方正者不以嗜味而苟食也或曰割猶割烹也謂割烹不以正則不食也

問夜則令瞽誦詩道正事何也 對曰按本註云瞽盲者無目之樂師也不能視者精於聲詩所以導性情之正道言也詩如二南之類正事如二典之類按朱子云古者採民俗歌謠之詩以貢于天子天子受之而列於樂官乃周公制禮作樂被之箎箎以爲房中之樂又用之鄉黨邦國所謂瞽矇誦詩者此也

問本註言姙娠之時必慎所感感於善則善感於惡則惡何也 對曰如醫書所謂若要生男須常着綠翠即此意也

問內則何謂也 對曰內則禮記篇名按唐孔氏云以其所載皆墜門之內執範可則故曰內則按熊氏標題云內則記男

女居室事父母舅姑之禮則適人

問始教之讓有三何也

對曰按纂疏云出入門戶則欲其行

之讓也即席則欲其坐之讓也飲食則欲其食之讓也

問學書計何也

對曰按方氏云書即周官保氏所謂六書者

是也計即所謂九數是也以數必計其多少故又謂之計是也
自學書計而下皆就外傳所學是也

問周禮記禮樂射御書數先禮樂射御而後書數內則先學書

數然後學樂學射御始學禮何也

對曰周禮是記六藝之

條目內則是教六藝之次第蓋書數幼學之所當先次學樂

以涵養其氣質之性射御非童幼所能乃先教其儀式也二

十而冠始學禮夫冠而後備服服滿而後可以行禮故曰始

學禮九言始者自今始爾其餘不言有前此者矣

問衣不帛襦袴何也

對曰按張子云襦今之襖子袴今之下

衣也不用帛則用布用帛謂太溫恐傷陰氣也

問恐太溫傷陰氣何也 對曰按朱子云今醫家亦說小兒子不要太暖內則亦是小兒不要着好物事

問小學載樂一段不知今人能用得否 對曰按朱子云姑使知之古人自小即以樂教之乃是人執手提論到得大來涵養已成稍能自立便可今人既無此非志大有所立因何得成立

問此是作樂便之聽抑或其自作歟 對曰按朱子云自作若自理會不得自作何益之有

問二十可以衣裘帛何也 對曰按熊氏云二十成人血氣強盛可以衣裘帛也

問六代之樂獨言舞大夏何也 對曰按賈氏云二十舞大夏者年二十加冠成人而舞大夏大夏夏禹之樂雖樂大夏

寶靈門已下六舞皆在其中必其自夏以卜相讓帝是天子
自夏以下征伐而得天下夏為文武中可以燕前後也天下
之理自其成而觀之易知也故十三舞勺自其兆而觀之難
知也故十五舞象大夏則舞之文武中者有干戚有羽籥文
武之道備矣故二十而後舞大夏也按方氏云十有三年經
勺則有文而無武成童舞象則有武而無文二十成人然後
舞備文武乃其稱矣

問惇行孝弟博學不教內而不出何也 對曰按本註云惇為
也博廣也善事父母為孝善事兄長為弟人之行莫大於孝
堯舜大聖人也其道不過孝弟而已禹湯文武周公傳之孔
子一是此道所以居人倫之首故孝弟為百行之本上自天
子下至庶人皆當行之近之閭閻妻子兄弟長幼遠之天地
鬼神四海百姓皆自此而推之故先務篤行孝弟而後廣

習學也不慙恐所學未精不可為師以教他人也內而不出
言蘊畜其德美在於內而不自表見其能於外而為人之謀
慮也按方氏云教讓於八年學幼儀於十年則孝弟之道固
已知之矣及成人然後篤而行之以期於熟焉學所以為已
教所以為人故志乎內而無事乎外有所入而無所出者也
問遜友視志與書之所謂惟學遜志務時敏同歟對曰然內
而不出所以蓄之也遜友視志所以證之也出謀發慮所以
行之也不可則去處之以義也

問方物出謀發慮按本註云物猶事也方物出謀則謀不過物
方物發慮則慮不過物何謂不過物歟對曰按朱子云方
物出謀大槩只是隨事謀慮方猶對也比方以窮理比並那
物如窮理一般按饒氏云方猶比方之方如方田方量之類
按方氏云四十則強仕之時也蓋仕則與物接而有事焉

故謀不得不出有患可思故慮不得不殫然謂慮豈以殫
加之乎亦比方事物以應之而已

古者四十而纔出仕何也

對曰按程子云古之為士自十

五入學至四十始仕中間自二十五年有事於學又無利可
趨則其志可知此所以成德故古之人必四十乃仕然後志
定業成後世立法自董稚自有汲汲利祿之談何由向善

問道合則服從不可則去何也

對曰按本註云服謂服其事

從謂從其君也如微子諫紂不聽微子曰父子有骨肉而臣
主以義屬故父有過子三諫不聽則隨而號之人臣三諫不
聽則其義可以去矣於是遂行又如伯夷叔齊義不食周粟
隱于首陽山採薇而食之所謂道合則服從不可則去之意
也子子曰立乎人之本朝而道不行恥也是矣按真氏云內
則一書古者學校教人之法也自其始學之初即知此義是

以出而從仕也道合則服從不可則去無貪位慕祿之私其視後世摩挲之教專以利禄誘人者異矣

問女子十年不出何也 對曰按本註云不出謂年漸長常居

閨門之內當知男女之界限如畫不遊庭是也

問本註引曹大家黯何也 對曰按熊氏標題云曹大家名昭

字懿惠乃曹世叔之妻班彪女班固之妹作女戒七篇成漢

書八表及天文志東漢和帝時召入宮為皇后諸貴人師事

之宮中稱大家本註引之言其精通經術論議可為閨門之

姆法矣

問本註引二程之母何也 對曰按伊川程子云先母夫人侯

氏七八歲時誦古詩曰女子不夜出夜出秉明燭自是日暮

則不復出房閤既長好文而不為詞章見世之婦女以文章

筆札傳於人以為樂以為非本註引之亦為閨門之法也

問女子至十年而始有教何也 對曰按海虞虞氏云小學之道在於早諭以教非惟男子為然而女子亦莫不然也故自能言即教以應對之緩七年即教以男女異席而早其別八年即教以出入飲食之讓至于十年則使不出閨門朝夕聽受姆師之教教以女德教以女子教以相助祭祀之禮九所聞見無一不出於正而柔順貞靜之德成矣迨夫既笄而嫁故能相助君子而宜其家人也

問十有五年而笄何也 對曰按本註云笄今簪也此謂應年將嫁者女子許嫁而笄字之未許嫁則二十而笄按方氏云三五而圓者成也故女子之年至是數而笄笄乃婦人之首飾蓋成人之服也夫男子冠則有成人之禮女子笄則當許嫁之時然嫁止於二十娶必止於三十陰以少為美陽以壯為強故也然經亦舉其大畧耳

問二十而嫁有故二十三年而嫁何也 對曰故謂父母之喪

按朱子云內則之說亦大槩言之耳少遲不過一年二十四而嫁亦未為晚也按方氏云女子非二十而後可嫁以為二十而不嫁則非禮也蓋男子三十而娶四十而強仕推此可知醫書云陰陽七八之數七少陽也八少陰也互相感而流通女子二七而天癸至故二十而嫁男子二八而天癸至故三十而娶也易曰歸妹女之終也未濟男之窮也蓋男子之終必至於濟而女之終止於歸而已故內則男子之事必至於官女子之事止於嫁也

問聘則為妻奔則為妾何也 對曰按本註云聘問也猶今之

納采問名也妻之為言齊也以禮聘問則得與夫之敵體妾之為言私也不以禮聘問僅得接見於君子而不得伉儷也奔趨也按方氏云聘者由彼而問此奔者由此而趨也按

真氏云朱子小學之書先載胎教之法而後以此章繼之合列女傳與內則一篇而觀之則始終之教畧備矣

問曲禮何謂也

對曰曲禮乃禮記篇名言其節目之委曲也

問幼子常視毋誑何也

對曰按本註云毋禁止辭視與示同

狂欺也幼子未有知識常示之以正事不可欺誑者教之以聖人之言動欲其習於誠也按楊氏云人之生也直是以君子無所往而不用其直直則心得其正矣古人於幼子常示毋誑所以養其直也按朱子云古人只從幼子常示毋誑以上灑掃應對進退之間便是做涵養底工夫了此豈待先識端倪而後加涵養哉但從此涵養中漸漸體出這端倪來則一一便爲己之物又只如平常地涵養將去自然純熟

問立必正方不傾聽何也

對曰按本註云幼子教之立必端

正尚一方所不得傾頭側耳屬聽左右者習於正也如徐節

孝初從安定胡先生學退而頭容少偏安定忽厲責云頭容
直節孝自思不獨頭容直心亦要直自此不敢有邪心其意
與此相通也按京兆李氏云古者立保傅之教始自胎教而
繼之以此蓋男女至於致仕女子至於有室又示之以母誼
以誠其心則小學始終之教大槩具矣

問學記何謂也 對曰學記乃禮記篇名所記三代學校教人
之事也

問古之教者家有塾黨有庠術有序國有學何謂也 對曰按
本註云古昔三代之時教訓者二十五家為閭閭共一巷巷
首有門門側有塾里中之老有道德者為左右師坐於兩塾
民在於家之時朝夕恒受教於塾焉五百家為黨黨之學曰
序則教閭塾所升之人也術首遂當作州二千五百家為州
州之學曰官則教黨序所升之人也天子所都及諸侯國中

之學皆謂之國學以教元子殺子及公卿大夫元士之適子與州序所升俊選之士焉按程子云古者家有塾黨有庠州有序蓋未嘗有不入學者八歲入小學十五擇其俊秀者入於大學不可教者歸之于農三老坐於里門出入察其長幼進退揖讓之序觀其所習安得不厚也

問天子五學何所分也 對曰按陸氏佃云禮記天子設四學蓋天子立四學并中學而五於一處並建周人則辟雍居其中其南為成均其北為上庠其東為東序其西為瞽宗學禮者就瞽宗學書者就上庠學舞干戈羽籥者就東序學樂德樂語樂舞者就成均惟辟雍天子承師問道養三老五更又出師受成等事天子入大學則四學之人環水而觀之是謂辟雍按大戴禮曰帝入東學上親而貴仁東序是也帝入南學上齒而貴信成均是也帝入西學上賢而貴德瞽宗是也帝

入北學上賓而尊爵上庠是也。帝入太學承師而問道辟雍是也。總而言之四學亦大學也。

問辟雍何謂也。對曰辟與璧通玉也。雍澤也。四面水環如璧。四出為橋。橋各有門。周其外以節觀者。乃天子承師問道之所。故謂之辟雍也。

問諸侯之為泮宮何也。對曰按春秋正義云諸侯曰泮宮泮之言半也。蓋以東西為門以南通水其北無門也。所以降殺於天子。按王制云諸侯止有泮宮。一泮魯之所立非獨泮宮。明堂位曰米廩有虞氏之庠也。曰序夏后氏之學也。曰瞽宗殷學也。曰泮宮周學也。是皆得立四代之學。信公脩之示存古法也。

問本註術音遂當作州何以知之歟。對曰因上文黨有庠而推之則知下文黨為州也。

問孟子曰人之有道也飽食暖衣
而無教則近於禽獸也
對曰此言人之性分之內皆有秉彝之道也若但飽食
而不飢暖衣而不寒安逸居處於怠惰之失而無師以教訓
於人倫之道如此則無禮無義相近於禽獸不遠矣如釋氏
之徒不知人倫之道上不拜君王下不拜父母棄家絕續而
終日自求安居放逸飽食暖衣禮胡人以為傳教即孟子所
謂無父無君是乃禽獸也

問孟子之言人倫與經傳之同歟
對曰按真氏云春秋傳曰
舜舉八元使布其五教於四方父義母慈兄友弟恭子孝夫
和妻柔孟子所稱即其事也人各有秉彝之性則所謂親義
別序信亦因其性之所有而導之耳非強之以所無也經傳
論人倫之道非一各以一言而盡其要則未有若孟子者嗚
呼成哉愚按書曰天叙有典勅我五典五惇哉孟子之言蓋

本諸此然天叙即所謂固有也勅而厚之即所謂導之也

問父子有親君臣有義夫婦有別長幼有序朋友有信何謂也
對曰父子之倫則教之有親愛如爲人父止於慈爲人子止
於孝君臣之倫則教之有義宜如君使臣以禮臣事君以忠
夫婦則教之有配偶之分別而不相亂也長幼則教之有次
序之禮使卑不得訕尊尊不得陵卑也同門之朋合志之友
則教之有誠信而不相欺誑也

問舜命契爲司徒敎敷五教命夔爲典樂以敎胄子竊謂古人
敎學不出此兩者契敷五教是欲使人明於人倫曉得這道
理夔典樂敎胄子是欲使人養其德性而實有諸已歟對
曰按朱子云固是如此按京兆李氏云小學大學之禮雖備
於成周五品五敎之道實原於堯舜歷夏及殷雖忠質異尚
而五敎未治下同至孔孟之時周禮亂亡已不能一一自復

矣況今數千載而下欲求舊章遺體之全得乎蓋當其時
正其原來無失古人之意也夫立教者所以立此五典而已
明倫者明此五典而已若敬身一篇豈在五典之外哉實屬
乎父子之親耳故引孔子之言曰身也者親之枝也敢不敬
與此朱子小學書綱目有自來矣而堯舜司徒之職所以繼
天立極爲萬代教化之本原而敬之一字又爲教教化之根
本也嗚呼盛哉

問命夔曰命汝典樂教胥子直而溫寬而栗剛而無彘簡而無
傲何也對曰此教之以樂德也夔舜臣名典主也命主以
音樂之事按海虞吳氏云胥長也胥子自天子之元子至公
卿大夫之適子也溫和厚也栗莊敬也彘殘酷也傲忽慢也
上二無字與母尚按九峯蔡氏云九人直者必不足於溫
其溫寬者必不足於栗故欲其栗所以慮其偏而輔翼之也

剛者必至於害故欲其無害簡者必至於傲故欲其無傲所以防其過而戒禁之也

問詩言志歌永言蓋依永律和聲八音克諧無相奪倫神人以和何也 對曰此教之以樂語也按九峯蔡氏云教旨子者欲其如此而其教之之具則又專在於樂如周禮大司樂掌成均之法以教國子而孔子亦曰興於詩成於樂蓋所以蕩滌邪穢斟酌飽滿動盪血脈流通精神養其中和之德而救其氣質之偏也心之所之謂之志心有所之必形於言故曰詩言志既形於言必有長短之節故歌詠其詩之義以永長其言既有長短則必有高下清濁之殊故以宮商角徵羽五聲依附而長求大抵歌聲長而濁者為宮以漸而清且短者則為商為角為徵為羽所謂聲依永也既有長短清濁則又必以十二律呂而調和其五聲乃能成文而不相亂

鍾為宮則太簇為商姑洗為角林鍾為徵南呂為羽並以五
分道益隔八相生而為之餘律皆然即禮運所謂五聲六律
十二管還相為宮所謂律和聲也人聲既和乃以其聲被之
於金石絲竹匏土革木之八音而為樂則克能諧和而無相
侵奪亂失其餘次可以奏之朝廷薦之郊祭天地廟之廟而
神人神應郊廟而言以此皆至於和矣蓋聖人作樂以養性
情育人材事神祇和上下其體用功效廣大深切乃如此而
今皆不復見矣可勝嘆哉

問聲應五行何也 對曰按熊氏標題云宮屬土商屬金羽屬
水用屬木徵屬火也

問律合十二辰何也 對曰按熊氏標題云黃鍾為子太呂為
丑太簇為寅夾鍾為卯姑洗為辰仲呂為巳蕤賓為午林鍾
為未夷則為申南呂為酉無射為戌應鍾為亥也

問音直八卦何也

對曰按熊氏標題云金鍾鐸也屬於兌而

為商石玉磬也屬於乾而亦為商絲琴瑟也屬於離而為徵
竹管簫也屬於震而為角匏笙簧也屬於艮而為宮土埴音
也屬於坤而亦為宮革鞀鼓也屬於坎而為羽木祝敔也屬
於巽而亦為角也

問五聲之說願聞其詳歟

對曰按何氏圖說云夫物生而有

情情發而為聲故天五與地十合而生土於中其聲為宮地
四與天六合而生金於西其聲為商天三與地八合而生木
於東其聲為角地二與天七合而生火於南其聲為徵天一
與地六合而生水於北其聲為羽宮中也居中央暢四方唱
始施生為四聲之綱也其性圓其聲若牛之鳴中土也而主
合商章也物成熟可章度也其性方其聲若羊之離群而生
非角獨也物觸而出戴芒角也其性直其聲若雞之鳴中土也而

主清徵祉也物盛大而繁祉也其性明而辨物其聲者象之
負駭而主分羽宇也物聚藏而宇覆之也其性潤而澤物其
聲若鳥之鳴野而主財然其用則為敏經迭其象則為君
臣民事物其位則為左右上下中其色則為青黃赤白黑其
性則為仁義禮智信其情則為喜怒哀樂其事則為貌言視
聽思故在天運而為五氣在地列而為五行在人數而為五
臟則中聲所止無往不在焉

問琴之五音亦同於此數 對曰然蓋宮絃之數乃八十一絲
象老陽之九九也商絃之數乃七十二絲象少陽合於老陽
之八九也角絃之數乃六十四絲象少陰之六八也徵絃之
數乃五十四絲象老陰合於老陽之六九也羽絃之數乃四
十八絲象老陰合於少陰之六八也少宮文絃之數乃四十
二絲象老陰合於少陽之六七也少商武絃之數乃三十六

絲象老陰之六六也凡此皆陰陽自然之數而非強為之也
問少陰之數既有八八而無少陽之七七何也 對曰以老陽

九九之數多矣故少陽不預焉況中有六七之數在爾

問琴之制作亦有法歟

對曰按琴譜記云琴之為言禁也禁

止其邪而養其正也故音謂之太古遺音

其制本伏羲所

造長三尺六寸六分象其之三百六十有六日零六時廣六

寸象六合前廣後狹象尊卑上圓下方法天地龍池八寸通

八厘鳳沼四寸合四時十二徽象月之十二與關五絃象五行

至周文武加二絃為少宮少商以象七政而合君臣之恩也

問律呂之原其詳可得聞歟

對曰按漢律曆志云昔黃帝使

伶倫自大夏之西

大夏西戎之國

崑崙

山名

之陰取嶰谷之竹其自

然圓虛者斷而節之閒而吹之

取其竅之厚且為者兩節間也

以為黃鍾之宮

制十有二管以聽鳳凰之鳴其聲鳴為六律鳴亦六陽六為律

呂

六為呂律以統氣而類萬物總謂之十二律以配十二月蓋
日月會於十二次而右轉聖人制六律以象之斗柄運於十
二辰而左旋聖人制六律以象之故陽律左旋以合陰陰呂
右轉以合陽而天地四方陰陽之聲具焉凡十二律相生之
位自黃鍾之律數八至林鍾林鍾數八至太簇周而復始參
問十二律之名義何也 對曰按律曆志云律法也言陽氣為
陰氣之法呂助也言陰氣助陽之氣總而言之陰陽皆稱律
故謂之十二律黃鍾黃者中之色也鍾種也陽氣潛萌於黃
泉故萬物莖萌於子而黃鍾丑之氣也其候冬至其卦乾之
初九故合於大呂而下生林鍾焉大呂呂族也言陰大呂助
黃鍾宣氣而芽物也萬物紐芽於丑而大呂丑之氣也其候
大寒其卦坤之六四也故合於黃鍾而下生夷則焉太簇蕤
奏也言陽氣大奏地而達物也萬物引達於寅而太簇寅之

氣也其候驚蟄其卦則乾之九二也故合於應鍾而下生南
呂焉夾鍾言陰夾助太簇宣四方之氣而種物也萬物冒
萌於卯而夾鍾卯之氣也其候春分其卦則坤之六五也故
合於無射而下生無射焉姑洗姑故也洗新也言陽氣養生
去故就新改柯易葉萬物振美於辰莫不鮮明而姑洗辰之
氣也其候清明其卦乾之九二故合於南宮而下生應鍾焉
仲呂言陽已而陰萌則萬物盡旅而西行萬物已盛於巳而
仲呂巳之氣也其候小滿其卦則坤之上六也故合於夷則
而上生黃鍾焉蕤賓蕤繼也賓道中也言陽始導陰氣使繼養
萬物也萬物喁布於午而蕤賓午之氣也其候夏至其卦乾之
九四也故合林鍾而上生大呂焉林鍾林茂也言陰氣受任
助於蕤賓君主種物使衆類長大茂盛也萬物夢昧於未而
林鍾未之氣也其候大暑其卦則乾之初六故合蕤賓而上生

太簇無夷則夷傷也則法也言萬物始傷被刑法也其德
暑其卦乾之九五故合南呂而上生夾鍾無南呂南任也言
陰氣族助夷則任成萬物也萬物留熟於酉而南呂酉之氣
也其候秋分其卦則坤之六二也故合於姑洗而上生姑洗
無射射厭也言萬物隨陽而終當隨陰而起終而復始而
無厭射於心無射戌之氣也其候霜降其卦乾之上九故合
夾鍾而上生仲呂無應鍾應和也謂歲功皆應和陽之功言
萬物以陰藏收而聚之歸根復命於亥應鍾亥之氣也其候
小雪其卦坤之六三故合太簇而上生蕤賓焉

問六呂而有大呂仲呂南呂之名何也 對曰陰呂在於陽律

之中而助於陽故以呂為助也

問六呂而有夾鍾林鍾應鍾之名何也 對曰陰呂聚氣於陽

律之內而依於陽故以鍾為聚也

問三分損益隔八相生何也 對曰愚嘗聞師伯父雲泉之有
詩云隔八相生機密關三分損益在其間退四進三從子始
進三退四午中還其法黃鍾隔八下生林鍾林鍾隔八上生
大蕤餘皆倣此如黃鍾九寸退四寸而生林鍾六寸林鍾六
寸進三寸而生太簇八寸謂之從子始也如蕤賓六寸進三
寸而生大呂八寸大呂八寸退四寸而生夷則五寸謂之午
中還也蓋子午為天地陰陽之中數自黃鍾之子損之而後
益蕤賓之午益之而後損皆以三分為率故損益為之進退
而律呂新書載之詳矣

問上生下生何也 對曰陽律從下生於陰呂象陽氣之自地
而升於上中陰呂從上生於陽律象陰氣之自天而降於下
也

問周禮大司徒以鄉三物教萬民而賓之何也 對曰

註云周禮周公所作周官六禮之書太司徒地官鄉也萬二千五百家為鄉物猶事也三物謂下文六德六行六藝也與猶舉也蓋鄉學以三事教成萬民鄉大夫乃舉其賢者能者以鄉飲酒之禮尊之以為賓客而獻之于王也按朱子文集云道無古今之殊而學有今古之異蓋周人以鄉三物教萬民是於學者日用起居飲食之間既無事而非學於其群居藏脩游息之地亦無學而非事至於所以開發其聰明成就其德業者又皆交相為用而無所偏廢此先王之世所以人材衆多風俗美盛而非後世之所能及也

問一曰六德知仁聖義忠和何也 對曰按本註云德者得於心之謂也智者謂達於事理是非不惑仁者謂愛人利物惻怛不忍聖謂明睿通達燭物不遺義謂剛毅果斷制事得宜忠者謂盡已之心主於誠實和者謂發而中節無所乖戾

柔剛不柔是也

問人性之德有五曰仁義禮智信而已此六德先言智而後言仁先言聖而後言義者何也 對曰按熊氏云以智為先也聖則智之至也知斯二者是也忠則發已自盡即信也和則剛柔中節即禮也

問智聖如何 對曰按朱子云智是知得事理聖便高似智蓋無所不通明底意思

問二曰六行孝友睦婣任恤何也 對曰按本註云行者行於身之謂也孝者謂善事於父母友者謂善事於兄長睦者謂親於九族婣者謂親於外親任者謂信於朋友恤者謂振於憂貧也按黃氏叔彞云孝為百行之首故六行莫先於孝其下五者何莫非孝心之所推也

問九族以親者何也 對曰按黃氏云九族主身為親也至

孫旁及總麻之內也外親謂之族及妻族是也任者謂朋友
有道德則信任之也

問三曰六藝禮樂射御書數何也 對曰按本註云藝者見於
事之謂也禮者謂習於度數之節文所以教之中也其目有
五樂者謂明於聲音之高下所以教之和也其目有六射者
謂射法一弓挾四矢驗其正鵠之中否以觀其德行也其目
有五御者謂御法一車乘四馬執轡立於車上欲其調習不
失驅馳之正也其目有五書者謂書字之跡可以見心畫之
邪正其目有六數者謂筭數之法可以盡物變之不齊其目
有九按朱子云禮樂之文射御書數之法皆至理所寓而不
可缺者也朝夕游焉以博其義理之趣則應務有餘而心亦
無所放矣按真氏云二物之教先以德行為次以六藝者即
孔子行有餘力則以學文之意也

問五禮之目止是吉凶軍賓嘉平對曰按熊氏云五禮之目
在春官大宗伯其別三十有六吉禮十有二凶禮五賓禮八
軍禮五嘉禮六也

吉禮十有二者何也對曰按京兆李氏云周禮春官大宗

伯之職宗伯主禮掌建邦之天神人鬼地示之禮建立祀天

享人鬼之禮示以佐王建保邦國祭封國頒祀此之謂建邦國

以吉禮事邦國之鬼神示祭禮九十二修詳見下文事謂祀

事人鬼以煙祀祀昊天上帝以饗饗精意以享之義上祀於天

天之主宰也冬日以實柴祀日月星辰之實柴者實牲於柴而燔

至會十以燹燎祀司中司命觀師兩師以燹燎謂燔柴而不實

昌第五也四星也風師箕星也雨師畢星也此三者所以血

祭祭社稷五祀五禘五血祭者門戶氣也社土神也五穀穀神也

泰山在山東兗州南曰衡山在湖北廣濟州衡山在江西華山

在陝西華州在山西華州在山西華州在山西華州在山西華州

南以里沉祭山林川澤祭山林曰輕謂諸水也輕音埋以

禋 祭四方百物之辜者制而燔之四方百物之辜者即燔祭也此

三者所以祭也以聿厲裸享先王肅進所解性解謂薦熟

以饋食享先王

以祠春享先王故春生祠物未有以享以禴夏

身先王夏陽盛以樂為主以嘗秋享先王秋物可嘗也以丞

冬享先王冬勝物盛多故曰烝此六者所以享人以罷也

問凶禮五者何也對曰按周禮春官大宗伯之職記云以凶

禮哀邦國之憂凶禮九丘備專諸見下以喪禮哀死亡氣言

亡以刑言喪禮以荒禮哀凶此謂凶則有嚴刑之類以吊禮

則會其財以補以會禮哀慙則會其財以補以會禮哀慙

之禮音推又音會以恤禮哀冠屬

也之

問賓禮八者何也 對曰按周禮春官大宗伯之職記云以賓

禮親邦國禮九八條朝也春見曰朝朝音朝朝也欲其來之早

夏見曰宗宗音尊尊也欲其冬見曰

遇遇音偶偶也欲其時見曰會會會音會會也欲其冬見曰

殷見曰覲覲音至至也王十二年不巡狩則六時聘曰問

常期天子有殷覲曰視視音視視也欲其冬見曰

問軍禮五者何也 對曰按周禮春官大宗伯之職記云以軍

禮同邦國禮九八條朝也大師之禮用衆也以征伐

命也其大均之禮恤衆也所以恤其民為主大田之禮簡衆

也以教戰為主大役之禮任衆也以築作為主大封之禮

合衆也以建國為主

問嘉禮六者何也 對曰按周禮春官大宗伯之職記云以嘉

禮親萬民嘉禮九六條以飲食之禮親宗族兄弟

以婚姻之禮親姻婭

禮所以合宗族飲食以昏冠者禮親成男女親男之禮所以

禮所以成男以賓射之禮親故舊朋友射禮雖王亦立賓主

世子時共以燕饗之禮親四方賓客燕有祭祖饗有禮以

脯之禮親兄弟之國同福祿也服音分賜同姓之國以賀慶之

禮親異姓之國因其喜而賀慶之也

問六樂之名如何對曰按熊氏云六樂之目在春官之大司

周人備六代之舞奏黃鍾歌大呂舞雲門奏太簇歌應鍾舞

咸池奏姑洗歌南呂舞大磬與韶奏蕤賓歌林鍾舞大夏奏

夷則歌仲呂舞大濩奏無射歌夾鍾舞大武一曰雲門大韞

二曰咸池大韞三曰大韶四曰大夏五曰大濩六曰大武此之謂六樂也

問雲門之樂何謂也對曰雲門黃帝之樂也言其德象雲氣

之所出入故周人冬至舞之以祀天神

問咸池之樂何謂也

對曰咸池帝堯之樂也本黃帝所作至

堯修而用之咸在也池水也言其德象水周遍無所不在故

周人夏至舞之以祭地祇

問大韶之樂何謂也

對曰大韶帝舜之樂也韶紹也言其德

能紹堯之道而能齊七政肇十有二州故周人舞之以祀四

望司中司命風師雨師

問大夏之樂何謂也

對曰大夏禹王之樂也言其德能大中

國堯舜之業而能平水土故周人舞之以祭山川

問大濩之樂何謂也

對曰大濩湯王之樂也濩護也言其德

寬仁能救護生民使天下咸得其所故周人舞之以祀帝疊

問大武之樂何謂也

對曰大武武王之樂也本文王所作武

王修而用之言其德能伐紂除害成其武功傳云武王以黃

鍾布牧野之陳歸於太篋無餘故周人舞之以祀后稷

問五射之名如何 對曰據儀禮云五射之目他無顯據其
僅見於地官保氏康成之疏文一曰白矢二曰參連三曰剡
注四曰襄尺五曰井儀

問白矢何謂也 對曰言矢貫侯見其鏃白也

問參連何謂也 對曰言前發一矢後三矢連續而去也

問剡注何謂也 對曰言羽頭高鏃低而去剡剡然也剡暗

問襄尺何謂也 對曰襄作讓言臣與君射不敢並立讓君一

尺而退也

問井儀何謂也 對曰言四矢貫侯如井字之容儀也

問五御之名如何 對曰按周禮地官保氏康成註疏云一曰

鳴和鸞二曰逐水曲三曰過君表四曰舞交衢五曰逐禽左

問鳴和鸞何謂也 對曰按京山程氏云和與鸞皆以金為鈴

也和金曰不舌鸞金曰金舌所以節車疾徐之行和在式上

鸞在衡上而近於馬衡是車前橫木駕馬者即軛也式是車上橫板手所憑伏以致敬者升車則馬動馬動則鸞鳴鸞鳴則和應自然有簡節奏所以使之皆中節若車行速則不相應若車行遲則不響若雜然都響皆不合此節奏矣

問逐水曲何謂也 對曰按本註云謂御車隨逐水勢之屈曲而不逐水也按程氏云鳴和鸞者御車之常逐水曲者御車之變也

問過君表何謂也 對曰按本註云君表如轅門之類若詩傳裼纓旃以為門表纓質以為櫜間容揜驅而入擊則不得入君表即裼纓旃也按程氏云此御田獵之車與軍旅之車凡田獵用大艾草以為防或舍其中如轅門之類是植起兩車以為門裼纓旃以為門者是植起兩旗於兩傍以為門也以毛裼纓在上裘纓質以為櫜有屏其斧之錐頭或云用刑徒

是門闥古者門之當中用一壁尺使門闥至此而止所謂
也謂以毛袞纏質之上以為門闥也間容握謂門之廣狹
與車之廣狹總爭一握驅以入擊則不得入謂急驅車走而
入只要恰好從當中過若少偏則車軸擊着這門櫺者礙而
不得入也當車馬並進之時却要恁地合節奏也是難矣
問舞交衢何謂也 對曰按本註云衢道也謂御車在交道旋
轉應於舞節按京山程氏云如今十字街模樣若轉過這一
邊則須要轉得合箇舞底節奏鄭詩云兩駮如舞蓋謂御之
中節也

問逐禽左何謂也 對曰按本註云謂御驅逆之車逆驅禽獸
使左當人君以射之也按京山程氏云逐禽左亦是難事若
禽在右邊須要當得過左邊以就主人之射若禽在右邊則
射不得了按京兆李氏云公羊傳桓公狩于郎解第一殺自

左髀射之達於右髀第二殺自左髀射之達於右髀第三殺
自左髀射之達於右髀則左當之左指禽獸之左髀而言

問六書之名如何 對曰按周禮註疏引漢許氏說文云昔黃
帝之史倉頡之初作書蓋依類象形故謂之文其後形聲相
益即謂之字字者言孳乳而浸多也著於竹帛謂之書書者
如也以迄五帝三王之世改易殊體封于泰山者七十有二
代秦有同焉周禮八歲入小學教之先以六書按京山程氏
云是教人知制字之由便不胡寫了邊傍古人要書同文今
人不曾理會只是胡寫一曰象形二曰處事三曰會意四曰
轉注五曰假借六曰諧聲

問象形何謂也 對曰按本註云象形謂日月之類象其形體
而為之按朱子云古人象形造字自是動不得如變字後面

箇車兩邊係即纏繞條四面四角即馬身也馬口中繫

着纏繩而走也按熊氏云書蓋同書取形書取象凡形者皆可
山川井邑草木人物鳥獸蟲魚鬼物器用服飾有形者皆可
象亦有象形兼會意諸聲也

問會意何謂也 對曰按本註云謂武信之類人言為信止戈
為武會合人之意也按朱子云性情字皆從心古人制字都
是有意按程氏云會合人意如中心為忠如心為恕之類是
也按熊氏云二體俱主義文合成字亦有三體會意如信字
從人從言即二體會意如後字從彳從么從又即三體之會
意也

問轉注何謂也 對曰按本註云轉注謂考老之類建類一首
文意相受左右相注故名轉注按程氏云謂文義相近但傍
邊以轉爾者即老也按熊氏云諧聲轉注一也諧聲別出為
轉注有建類主義轉注建類主義轉注互體別聲轉注互體

別義轉注如考老字即建韻主義轉注也

問題事何謂也 對曰按本註云處事謂上下之類人在一上為上人在一下為下各有處事得其宜也按熊氏云一作指事象形指事一也象形別出為指事形不可象則指事亦有指事而兼象形會意諸声者

問假借何謂也 對曰按本註云假借謂令長之類一字兩用也按朱子云壹貳叁肆伍皆是假借同聲字按熊氏云六書惟假借莫明假借者本非己者因他所授有同音借義同音不借義有協音借義協義不借義有因音而借義有因音而轉借有語辭之借有方言之借又如詩之風雅頌五聲之宮商角徵羽十二時辰之字皆假借也

問諧聲何謂也 對曰按本註云諧聲謂形聲一也如江河之類皆以水為形以工可為聲也按京山程氏云五與江皆從

經聖可河雖反異而音亦近說曰書有是形聲類聚江
河之類是左形右聲鳩鵲之類是右形左聲草藻之類是上
形下聲婆娑之類是上聲下形圖國之類是外形內聲闔閭
街衢之類是外聲內形此聲形之等有六也按熊氏云諧聲
與五書同出五書有與諧聲無窮五書尚義諧聲尚聲觸聲
成字不可勝舉亦有諧聲兼會意者

問禮樂射御書數而書莫只是字法否 對曰按朱子云此類

有數法如日月字是象其形也江河字是諧其聲也考老字
是假其類也如此數法若理會得則天下之字皆可通矣

問九數之名如何 對曰按魏劉氏曰古者包犧氏始畫八卦

作九九之術以合六爻之變周公制禮而有九數九數之流
則九章是矣且數在六藝古者以賓興賢能教習國子雖曰
九數其能窮載入微探測無方至於以法相傳亦猶規矩量

度可得而共按朱子云古人志於道擬於德而游於藝禮樂射御書數尤爲最末事若而今行經界則算法亦甚有用按熊氏云九數之目司徒註疏引鄭氏之語與此小異陳氏樂書司徒九數之說即今文公小學註文一曰方田二曰粟布三曰衰^加分四曰少廣五曰商功六曰均輸七曰盈^放八曰方程九曰勾股

問方田何謂也 對曰按本註云方田以御田疇界域按京山程氏云即今方量田地畝角之法

問粟布何謂也 對曰按本註云粟布以御交質變易按京山程氏云粟是穀布是錢謂以多少錢雜得多少穀之類交謂買賣質謂典約變易請更換也

問衰分何謂也 對曰衰猶等也按本註云衰分以御貴賤廉稅按京山程氏云此是理會實數得多少之法貴賤廉

士倍中士中士倍下士之類原謂應祿稅謂采地所獲之稅也

問少廣何謂也 對曰按本註云少廣以御積累方圓按京山程氏云積累如今倉然積米於其中外面遮蔽了方圓以其器而知其多少今稅務中用此法如看船上裝載貨物用推探其深淺便知其多少方器作如何算圓器作如何算各有法也

問商功何謂也 對曰按本註云商功以御工程積實按京山程氏云商其工程如打土論方

子打筭一方土便會計得合用幾多人工不特此一事如做屋亦可筭幾間幾架合用幾多人工之類

問均輸何謂也 對曰按本註云均輸以御遠近勞費按京山程氏云均其道里遠近之勞與費等是人力費是裹足如自

某州到某州用人力幾何裹足幾何今人管溝達便要如此
筭也

問盈朒何謂也 對曰按本註云盈朒以御隱唯互見按京山
程氏云盈是多朒是少數之顯者可見隱者不可見至於難
然則尤不可見由其顯者以推其隱者如人有財物失去一
半或大半或小半失物者道多無可考究隱難互見是因其
所存以驗其所失之多少向見廬山一道士能曉此法

問方程何謂也 對曰按本註云方程以御錯揉正負按京山
程氏云今之作曆者用此法謂如筭錢逐件除下零細底絕
長補短湊得齊整便好筭如一年十二月有月小者有月大
者日子不齊便將閏月來補湊每月作三十日又如日月星
辰之行不同却要等箇行之會都相合也

問勾股何謂也

對曰按本註云勾股數御高深廣袤廣袤

程氏云此是量山量水之法。今軍中止樂有曉此法者。以土圭測日影一寸當千里之類。又曰九者之法散在天下。各有曉得者。按熊氏云。橫爲勾。直爲股。斜爲弦。三者可互相求也。以勾中所容方直之積求之。則山之高。水之深。城邑之廣。道里之遠。可以測知。此算術之極致也。勾股之術。如今之木匠曲尺。尺頭爲勾。尺梢爲股。尺與尺梢盡處相去爲弦。

問古人使初學者區區算數之末。恐反爲心術之害。何以收其放心養其德性乎。對曰。按朱子云。此是教之以事。小兒教他。便喜在學。木放了心去作他事。今人不曾學。他日去任此等事。便理會不得。

問上文旣設三物教萬民。而下文以鄉八刑糾萬民。何也。對曰。按賈氏云。民有不從教者。則設刑以刑之。故言以鄉八者之刑。糾察萬民之過。而懲罰其罪也。

問六行孝友睦婣仁恤八刑糾萬民無不友刑雖有不弟刑又
本註以不敬師長何也 對曰按朱子云不須如此看且看
古聖人教人之教如何而今全無這箇天祐下民作之師蓋
作之君便是作之師也

問此不悌即六行之友上文言友而在睦婣之上此變言悌退
在睦婣之下何也 對曰在睦婣之上專施於兄弟在睦婣
之下兼施於師長且不悌之刑專爲不敬師與長而設非爲
兄也不敬兄見不睦之刑內按鄭氏云制刑之意終不爲卑
者而罪其長故六行則教兄以友而制刑則謂之不悌使少
者不敢陵長也

問不任之刑何謂也 對曰欺誑不信任也

問不恤之刑何謂也 對曰坐視患難不相救恤也

問造言之刑何謂也 對曰訛言惑衆行爲而堅善爲節辭也

問亂民之刑何謂也 對曰按本註云亂民改作執左道以亂政也按賈氏云亂民改作謂變易官與物之名更造法度左道若巫蠱及俗禁並是亂政之民也

問六德六藝不設刑獨於六行設刑者何也 對曰按賈氏云在身爲德施人爲行與德爲在身不施於物六藝亦是在身之能不施於人故二者不設刑其容並是施之於人故禁其恐有愆負乃設刑以防之故也造言亂民民中特害故以六行之外別加此二刑按鄭氏云教民曰六德六行六藝糾民則止於六行何耶蓋人之性有厚薄昏明則德不可以皆同人之材有能有不能之別則藝不可以皆能六行者日可見之行人人所當勉者也有不修其行則害於其身禍於其家亂人倫而傷聖治王法所不容人類所不齒是謂亂民則加之刑可以無愧矣

問王制何謂也 對曰王制乃禮記篇名漢文帝令博士諸生
作此篇而為主者之制祿爵故名經曰王制也

問樂正崇四術立四教何也 對曰按本註云樂正樂官之長
掌國子之教崇高也高而興術以作教也四術詩書禮樂四
教春夏秋冬按孔氏云崇謂敷暢義理贊明旨趣使學者知
之術者道路之名詩書禮樂乃先王之道路也按長樂陳氏
云詩書禮樂以之為術則謂之四術以之教人則謂之四教
崇之則其道尊立之則其教行詩書禮樂謂之四術亦謂之
四教猶父子君臣夫婦長幼朋友謂之五典亦謂之五教也
問聖人作經之教亦有說歟 對曰按家語云溫柔敦厚詩教
也疏通知遠書教也恭儉莊敬禮教也廣博易良樂教也索
靜精微易教也屬辭比事春秋教也此聖人作經教人之大
要矣

問王制不言易春秋之教何也 對曰此對四時而言蓋易道陰陽春秋紀變異非聖人之常言況夫子之所雅言詩書執禮又曰興於詩立於禮成於樂而亦未嘗道及易與春秋之教矣

問詩書禮樂之名教則聞其旨而春夏秋冬之名義亦可得聞歟 對曰按春秋杜氏註疏云春蠶也萬物蠢動而生夏假也萬物假大而長秋摯也萬物摯歛而成冬終也萬物終盡而藏此爲四時之名義矣

問春秋何以專教於禮樂而復何以專教於詩書乎 對曰此錯舉交互而言之春教樂也無有禮秋教禮明兼有樂夏教詩明兼有書又教書明兼有詩若不互言而但言春夏教以樂詩秋冬教以禮書則是春夏教以樂詩而不教以禮書秋冬教以禮書而不教以樂詩是則其義不通矣按陳氏云又王

世子篇言春誦夏絃與此不同蓋古人之教雖曰四時各有
所習其實亦未必截然棄彼而習此亦互言之耳非春秋不
可教詩書夏夏不可教禮樂也舊註陰陽之說似為拘泥
問弟子職何謂也 對曰弟子職管子書篇名乃齊大夫管仲
字夷吾齊之顯人所著之書此為學則之一章

問先生施教弟子是則何謂也 對曰先生師也言在於我先
而生以其年德俱高而能教道於幼者自稱為弟子則尊師
如我之父如我之兄也言師之所以施設其教訓而為弟子
者當以是而效其法則也

問溫柔孝弟毋驕恃力何謂也 對曰按本註云溫和也柔順
也此教以吾事親事長之道而事於師則有順從而無所違
逆矣毋禁止辭驕矜傲也此教以尚德而不尚力也若驕而
恃力則抵羊觸藩矣按朱子云毋驕恃力如恃氣力欲胡亂

打人之類蓋自小便教之以德教之以尚德而不尚力之事也
問弟子職一章自先生施教弟子是則以下似言學莫先於立
教自志無聲邪以下又詳言其學之功如此歟 對曰按朱
子云此說得之按海虞吳氏云此篇明白簡要實弟子職之
所當務且終篇倦倦然以敬為言豈非當時先王流風善政
猶有存者管子其有所受歟學者宜深體之

問汎愛衆而親仁何也 對曰按朱子云仁者自當親其他自
當汎愛蓋仁是箇生底物便是生之理發出來便是愛才是
交接之際便須自有箇意思如何漠然無情得聖人說出話
兩頭都平若不說親仁則又流於蕪愛矣

問汎愛衆如何 對曰按朱子云人自是當愛人無憎嫌人底
道理

問人之賢不肖自家心中自須有箇辨別但交接之際不可不

沈愛爾 對曰按朱子云他下面便說而親仁了仁者自當
親其他自當沈愛又云沈愛不是人人去愛他只如群居不
將一等相擾害底事去聒噪他及不自占便宜之類皆是也
問行有餘力則以學文 對曰此言上文六事之中每行一事
而有餘暇之日力則當以學詩書六藝之文按朱子云詩書
是大槩說詩書六藝是禮樂射御書數古者少時小學便有
此等教習今皆無之所以成才之難按勉齋黃氏云古人言
文蓋指乎此非世俗華藻之文也

問行有餘力而後學文夫豈以講切為緩哉 對曰按朱子云
書固不可以不讀但比之行實差緩爾不然則又何必言有
有餘力而後學耶

問古者十有三年學樂誦詩一十而學禮則教之有次第矣至
於聖人乃言興於詩立於禮成於樂似有本末固歟 對曰按

朱子云內則所謂十歲學幼儀十三學樂誦詩書而後學禮則此三者非小學傳授之次第乃大學終身所得之難易先後淺深也又云古者詩禮樂都從少時恁地學了到興詩立禮成樂時便得詩禮樂之力所以成才則易又云內則是用工次第此是得效次第

問三者亦有先後之次第歟 對曰按朱子云詩較感發入故在先禮則難執守須是常常執守得樂則融化人如太史公所謂動盪血氣流通精神者所以涵養前所得也

問五聲十二律作者非一人不知如何能和順道德歟 對曰按朱子云如金石絲竹匏土革木雖是有許多打成一片清濁高下長短大小更唱迭和皆相應運成一片有自然底和氣不是各自為節奏歌者歌此而已舞者舞此而已所以聽之可以順道德學者須是先有興詩立禮之工夫然後用

樂以成之

問成於樂是古人真箇學其六律八音習其鍾鼓管絃方底於成今人但借其意義以求和順之理如孟子樂之實樂斯二者亦可以底於成否 對曰按朱子云古樂既亡不可復學但講學踐履間可見其遺意記耳曰今之成材也難矣

問樂記何謂也 對曰樂記乃禮記篇名以其記樂之義也問禮樂不可斯須去身何也 對曰按本註云禮乃恭敬之心樂乃和悅之心非前章五禮六樂也言古之君子以禮樂為治身之本故不可斯須頃刻而離去於身也按朱子云聖賢之教無一言一句不是入德門戶如此言者尤為深切真當佩服存省以終其身也

問立教篇終引子夏之言何也 對曰子夏之言皆所以明人倫之旨故朱子引之以結立教之末而起下篇明倫之意也

問伊川程子言見賢而變易其顏色集註何故取范氏好色之說
歟 對曰按朱子云聖人兩言未見好德如好色中庸亦以
遠色為勸賢之事已自分曉了變易其顏色有偽為之者不
若易好色之心方見其誠也故范氏之說為長

問事君能致其身何也 對曰按朱子云能委致其身者謂不
有其身也一似送這身與人君便看人君將來如何使按補
氏云委致其身者死生勞逸惟君所命不敢自有其身而為
避就也

問為學之道只要就人倫上做得是當今既能如此雖或以為
未學我必以為已學畢竟是當學來集註所謂何非生質之
之美必其務學之至正斯之謂歟 對曰按朱子云固是此
問立教一篇所引亦有序乎 對曰按京兆李氏云首一章引
聖傳言立古者胎教之法次一章引禮記內則篇三章引禮

記曲禮篇立古者保傅之教次四章引禮記學記篇

章引孟子滕文公上篇明倫之教六章引書經舜典篇命契五教

命夔與樂之教七章引周禮大司徒篇三物之教八章引禮記王

制篇學內術之教皆立古者學校君政之教次九章引管子弟子

職篇為學之教十章引論語學而篇先藝之教十一

章引論語泰伯篇學詩禮樂之教十二章引禮記樂記篇學禮樂之教十三章引論

語學而篇子夏之言皆立古者師弟子之教夫三代盛時

內有胎孕保傅之教外有學校之教其成材則易後世一切

無者惟存師弟子之教其成材則難也

問明倫者何也 對曰按魯齋許氏云明者明之也倫者倫理

也今之賦命於天莫不各有當然之則如父子之有親君臣之

有義夫婦之有別長幼之有尊朋友之有信乃所謂天倫也

三代聖王設為庠序學校以教天下者無他明此而已蓋人

而不能明人之倫理則尊卑上下輕重厚薄敘亂而不可統
理其甚者至於父不父子不君不君臣不臣夫婦長幼朋
友各不盡其夫婦長幼朋友之分豈止不可統理將見禍亂
相尋淪於禽獸而後已此所以古人之教者必以明倫為教
而學者亦必以明倫為學也

問首引孟子之言何也 對曰此為明倫篇之小序以明人倫
之大要也如敬身稽古嘉言諸篇首皆有之

問設為庠序學校以教之又曰夏曰校殷曰序周曰庠前既以
周學冠之於始而後以周學之列於終何也 對曰設為庠
序學校以教之是推今以達古夏曰校殷曰序周曰庠是考
古以知今也故互言之爾

問三代皆有學而孟子獨稱夏之為學校何也 對曰按朱子云
校者以教民為義所以明人倫之本故特以其重者而言之

則庠學序學亦在其中況禹為三王之首舉夏之學校而殷周序庠之學是以見之

問鄉學如何

對曰按朱子云皆是農隙而學

問孰與教之

對曰按朱子云鄉大夫有德行而致其仕者教之按輔氏云鄉學有異名國學無異名然其明人倫以教之之事則同也

問稽聖經訂賢傳述此篇以訓蒙士何也

對曰稽考也聖經

謂儀禮禮記論語孝經孟子諸經也訂評議也賢傳謂王陽明樂共子晏子荀子諸傳也述續述傳舊也此朱子自謂稽考聖人所作之經評議賢人所著之傳而續述為此明倫一篇之書以教訓後來幼學蒙昧之士者

問明倫一篇見得盡是節文事親之實對曰按朱子云其中

極有難行處

問愛敬與已為一自無難行 對曰按朱子云此便是愛敬尺
度須是把去量盡方見得是愛敬

問小學本註子事父母孫事祖父母同若諸父諸母親同服同
而不及之者何也 對曰按朱子云諸父異宮非可以徧詣
而定省之耳若如此則將不得專事乎父母矣此愛敬之有
等差也

問拂髦何謂也 對曰按本註云拂謂振去其髦上之塵也髦
用髮為之象幼時之髻按劉氏云拂其髦以加於冠謂子生
三月則剪其胎髮為髻帶之于首男左女右逮其冠笄則綵
飾之加于冠謂之髦者不忘父母生育之恩父母喪則徹之
也

問冠綏纓何謂也 對曰按本註云纓者結之頷下以固冠餘
者散而下垂謂之纓也

問端紳何謂也

對曰按本註云端玄端士服也庶人深衣

韠蔽膝也以素為之與裳同色上繫之革帶紳大帶也

問摺笏何謂也

對曰按本註云摺摺也摺笏於紳所以記事

也

問笏之長短亦有制度歟

對曰按陸氏云諸侯之笏長二尺

六寸降殺以兩則大夫二尺四寸士二尺二寸

問左右佩用與玉藻篇古之君子必佩玉何如

對曰按陸氏

云佩玉德佩也佩用事佩也佩德乃無事之佩佩事乃有事

之佩按方氏云左右事也故言用而與德佩異矣

問偃屨著其素何謂也

對曰按本註云偃行膝也屨鞋也著猶

施也繫鞋口之繫帶也屨頭施繫以為行戒也按朱子云偃

屨者繫古人皆旋繫今人只從簡易綴之於上如假帶然

問舅姑何謂也

對曰按爾雅云夫之父曰舅夫之母曰姑猶

今俗謂之公姑也

問衿其婦纓其制如何 對曰按本註云衿猶結也纓香囊也佩之以禦其穢氣也

問以適父母舅姑之所及所下氣治治問衣燠寒疾痛苛養而敬抑捶之何也 對曰此子婦事父母舅姑之禮也按本註云適往也所寢室也只說也燠暖也寒冷也苛亦也抑按也捶爬也下氣低下其氣而不盈怡聲怡悅其声而不厲問衣若暖則將減之使清也問衣若冷則將添之使溫也體煩為苛氣虐生廢問有疾痛之變則敬以按之有苛廢之變則敬以爬之也按頭之推云父子之嚴不可以狎骨肉之愛不可以簡簡則慈慈不接狎則怠慢生焉由命士以上父子異宮此不狎之道也抑搔養痛遺愛陸沈不簡之敬也按京兆李氏云嚴之與愛即孝經所謂故母取其愛而君取其敬兼之

者父也之義。葬則廟一不可狎。葬也簡疎也。命士即周禮九命一命受職為士。異宮猶今之同宅異院也。

問問所欲而敬進之何物也。對曰按本註云所欲如醴醢酒醴之類。按司馬溫公云父母舅姑若起子供藥物婦具晨醴必待舉箸子婦少退。按方氏云下氣怡色所以養志也。醴醢酒醴所以養口體也。

問凡內外何謂也。對曰此總言內外子婦婢僕之等也。

問斂枕簟何也。對曰古人枕席之具夜則設而鋪之曉則斂而收之示不以私妻之常用也。按方氏云斂則收而藏之必斂枕簟者則以晝夜異用故也。

問布席何也。對曰灋掃自室堂之內以及庭之外既畢而陳布其坐席所以待尊者之行事也。

問各從其事何也。對曰如女服事于內男服事于外是各從

其事矣

問數爵年卮匱其制如何 對曰按朱子云數今盃孟也年土
金也乃盛黍稷之器今以木為之象土金之形卮酒器也匱
盛水漿之器也按孔氏云此父母舅姑所服用之器子婦不
得輒用也

問在父母舅姑之所有命之應唯敬對進退周旋真齊升降出
入揖遊何也 對曰按本註云應唯者聞呼而速應之不敢
諾也敬對者有問而謹答之不敢怠也皆下順上之辭也周
旋乃進退之間周回而旋轉也慎謹慎也齊齊莊也言一進
一退周回旋轉之須而此心莊敬不敢肆也升登階而入也
降下階而出也揖抑也遊揚也言升階而入將近尊長其容
俯仰也降階而出既遠尊長其容舒揚也按輔氏云應唯無
一志也被對無應情也進退周旋慎齊無不敬也非精神篤

至何以及此應以唯敏矣對以敬忠矣唯誠故敏故忠至於
進退周旋慎齊誠之至也誠身所以悅親而敬親所以敬身
也

問不敢噦噦噦咳欠伸跛倚睇視不敢唾涕何也 對曰按本
註云噦噦逆之聲也噦食飽而作聲也噦氣升而為噴噦也
咳肺病而作咳嗽之聲也欠氣乏而欠也伸體疲而伸也跛
偏任為跛也倚依物為倚也睇傾邪而視也唾口吐之津也
涕鼻出之液也按方氏云噦噦噦咳則聲為不恭欠伸跛倚
睇視則貌為不恭唾涕則聲貌俱為不恭矣故皆不敢為也
問冠帶垢和灰請漱衣裳垢和灰請澣然漱與澣亦有異說歟
對曰和灰如今人用灰湯是也手洗曰漱足濯曰澣冠帶尊
以手漱用力淺也衣裳卑以足澣用力深也

問冬溫而夏清而不言春與秋皆定而暑省而不言旦晝何也

對曰冬溫夏清四時之法而春秋在其中矣昏定晨省一日之法而且晝在其中矣按東萊呂氏云孝子以親之心為心故以親之體為體冬溫夏清昏定晨省一歲有冬夏寒暑之變一日有昏晨晦明之變此見孝子不忘親處纔遇變時須加意於其間冬溫則體其溫之之理如古人置密室之類是也夏清則體其清之之理如古人扇枕席之類是也昏時則安其父母之床衽晨時則鸛鳴而起省問其安否如何

問先昏而後晨何也

對曰兼示經宿之禮也

問如執玉如奉盈二者亦有別歟

對曰如執玉是言其愛如

奉盈是言其敬故曰愛敬盡於事親按周氏云執玉言其恭

奉盈言其慎斯說亦通

問嚴威儼恪非所以事親何也

對曰和氣愉色婉容便有許

多從容氣象嚴威儼恪其氣象太緊切故非事親之儀矣

問恪非所以事親只是有敬意否

對曰按朱子云只是太莊

太嚴厲了

問受敬盡於事親嚴威儼恪非敬乎

對曰按饒氏云執玉奉

盈以卑承尊之敬嚴威儼恪以上臨下之敬敬親當如執玉奉盈矣

問居不主奧在於室之何處也

對曰按本云註居處也主猶

坐也與室中西南隅也乃尊者所居為子不敢當尊之處也按京山程氏云古人室在東南隅開門東北隅為突音西北隅為屋漏西南隅為奧人纔進便先見東北隅却到西北隅然後始到西南隅此是至深密之地惟尊者閑樂無事之時居必主奧人子不宜處之

問何以謂之奧也

對曰以其隱奧無事之處故名為奧也

問立不中門何也

對曰按本註云門中有闌兩傍有棖中門

謂當棖闌之間尊者所行也按司馬溫公云有賓客不敢坐於正廳無書院則坐於廳之傍側升降不由於東階故立不中門也

問棖闌之間如何 對曰按朱子云門之中有闌扉之兩傍有棖棖是大門兩傍之木如今壁尺相似闌是中間兩扉相合之處又有一木常設而不動棖闌之間即中古人常闔左扉所謂中門者右扉之中門也又云棖如今衮頭相似闌是當中疑門者今城門有之如石墩然

問不登高不臨深不苟訾不苟笑何也 對曰按纂疏云苟且也相毀曰訾登高臨深危道也苟訾近讒苟笑近諂辱道也按方氏云苟訾則為惡於人矣愛親者其可惡於人乎苟笑則慢於人矣敬親者其可慢於人乎按陳氏云聽於無聲是一傾耳而不敢忘父母也視於無形是一舉目而不敢忘父

母也不登高不臨深是一舉足而不敢忘父母也不苟訾不
苟笑是一出言而不敢忘父母也孟子曰事孰為大事親為
大守孰於大守身於大聽於無聲視於無形則善於事親矣
不登高不臨深不苟訾不苟笑則善於守身矣

問父母在不遠遊遊必有方何也

對曰按慶源輔氏云父母

在為子者遠遊固不可而近遊亦當有方遠遊與無方皆非
父母之所欲其子者子能以父母之心為心則自不到如此
矣詳未集註非身歷心驗之不能盡其精微曲折之意如此
事親者宜身體之按新安陳氏云朱子十四歲喪父韋齋先
生事母夫人盡孝所以發明此章曲盡孝子之心老杜曰頗
覺辜心獨苦信哉

問有不得已而遠遊如之何

對曰按夢峯饒氏云不遠遊是

常法不得已而遠出乃是處變之道聖人言常而不言變也

問父母在不許友以死何也 對曰按朱子云死謂冠難以相衛護非敬仇讎也此身當服勤至死以事父母若許友以死則忘親矣

問父召無諾先生召無諾唯而起然諾與唯何所分也 對曰唯諾皆應辭唯者應之速諾者應之緩唯則恭於諾諾則似有寬緩驕慢之意父以忍師以道故敬皆同愚昔受學於伯父雲泉講論至此每讀之悚然警勵則知應唯之當敬矣按陳氏云子之為父弟子之於師其畏敬之篤常聽於無聲視於無形於其未召也常若有所召則其召也敬諾而不唯乎內則曰應唯敬對此事親之禮也曾子曰唯此事師之禮也問父沒而不能讀父之書母沒而杯圈不能飲焉然不能當為何訓釋也 對曰按本註云不能猶不忍也手澤謂手之所時猶存其汗澤之迹杯圈盛酒漿之器屈木為之若庖厨之

傷口澤之氣亦謂常用而飲故口之津澤猶有餘氣此所以不忍讀不忍飲也按方氏云書謂書用也君子所執以誦習故爰言之杯圈飲食之器也婦人惟酒食是務故於母言之凡以人既亡而澤猶存焉故有所不忍也

問子甚宜其妻父母不悅出何也

對曰宜猶善也言妻甚善

事於其夫而不善幸於夫之父母故父母有所不喜悅寧出其妻以順父母之意蓋娶妻本欲以養父母今父母不悅故當出退之按大戴禮婦有七去此即不順父母去也

問不說與其得罪於鄉黨州閭寧孰諫何也

對曰按本註云

孰與孰同謂殷勤純熟而諫也若犯顏而諫使父母不悅其罪輕畏俱不諫使父母得罪於鄉黨州閭其罪重二者之間寧可純孰而諫也

問起敬起孝何也

對曰若諫父母或至於忿怒有所不喜悅

而或鞭撻之流血亦不敢疾惡怨恨於父母則當興起其恭
敬興起其孝養之心以事之然起敬起孝非起止之起只是
遏捺釋文云以手按物曰捺不住爾

問子之事親也三諫而不聽則號泣而隨之古之有行之者誰
也 對曰按胡氏云涕號泣于旻天于父母而瞻睞亦久若
是隨之也

問父母有疾本註引顏氏家訓子拜醫求藥古有誰也 對曰
按熊氏標題云梁孝元在江州日嘗有不豫世子方等親拜
醫李猷

問醫不三世不服其藥何也 對曰按呂氏云醫至三世謂活
人多用藥熱功已驗而無疑然後服之亦謹疾之道也

問孟莊子之孝也其他可能也其不改父之臣與父之政是難
能也而與此章三年無改於父之道同意否 對曰按朱子

云不同此章是言父之所行有不善而子不忍改乃見其孝若莊子之父獻子自是箇賢者其所施之政所用之臣皆是莊子能不改之此其所以為難也

問祭義何謂也 對曰祭義乃禮記篇名所記齊戒祭祀之義也

問霜露既降而無秋字何也 對曰霜露既降上當有秋字記者缺之

問先言秋霜露既降何也 對曰此言秋陰成物之時也念父母成我之恩則悽愴悲傷而有哀心生焉非為其寒之如此也

問後言春雨露既濡何也 對曰此言春陽生物之時也念父母生我之恩則怵惕驚動而有愛心生焉如將見親之生存焉是以君子感時而念親也按方氏云經文於雨露言春則

知霜露為秋矣於霜露言非其寒則知雨露為非其溫矣於雨露如將見之則知霜露為如將失之矣讀者不可以不知也問祭統何謂也對曰祭統乃禮記篇名統猶本也所記祭祀之本故名祭統

問所以備外內之官何也對曰官之為言司也此言宗子宗婦當躬親主祭而衆子衆婦相之各執其事外官衆子任之內官衆婦任之分職既備則事禮亦無闕矣

問有故則使人可也何耶對曰有故謂疾病或居官或以他事在外不得已而之則必使他人攝之然謂之可者亦僅可而有所未盡之辭也

問曲禮所謂為宮室不斬於丘木何也對曰若為造於宮室而斬伐於丘壘之木是慢其先而濟其私則謂之不敬也問王制所謂祭器未成不啗燕器何也對曰先神而後已乃

立敬之本也

問孔子謂曾子曰然謂字何所訓釋也 對曰謂猶告也乃夫子告曾子孝道之原也

問身體髮膚受之父母不敢毀傷孝之始也立身行道揚名於後世以顯父母孝之終也何耶 對曰孝以守身為大身也者親之於我也敢不敬乎舉其大而言之則有一身四體舉其小而言之則有毛髮肌膚此皆受之於父母矣父母全而生之子當全而歸之為人子者愛重其身而不敢有所毀傷此乃孝之始事也至於克立其身而行其道播揚其名於後世以光顯其父母此則孝之終事也若本註云國人所稱幸哉有子如此所謂孝矣按尹氏云曾子臨終而啟手足為是故也

問夫孝始於事親中於事君終於立身何也 對曰按范氏云

始於事親者居家之孝也中於事君者在邦之孝也終於立身者以顯父母永世之孝也盡此三者之道君子所以成德也

問用天之道因地之利謹身節用以養父母此庶人之孝也何耶 對曰按海虞吳氏云用天之道謂順天之生長收藏而耕耘斂穫各依其時也因地之利謂因地之沃衍隰隤而稻粱黍稷各隨其宜也按朱子云用天之道因地之利謂依時及節耕種田土也謹身謂不作非違不犯刑憲也節用謂省使儉用不妄耗廢也人能行乎此四者則身安力足有以奉養其父母使父母安穩快樂此為庶人百姓之孝也若父母不存亦須如此方能保守父母產業不至破壞乃為孝順若父母生有不能奉養父母亡歿不能保守便是不孝之人天地所不容載幽為鬼神所責明為官法所誅不可不深戒也

問朱子嘗言只此脩是經餘皆後人恐之傳何也 對曰按朱子云經之首論孝之終始中乃數陳天子諸侯卿大夫士庶人之孝而其末結之曰自天子已下至於庶人孝無終始而患不及者未之有也直首尾相應次第相承文勢連屬脉絡貫通此夫子曾子問答之言而曾子門人所記以為之經者也又云此曾氏門人所記夫子曾子問答之言疑所謂孝經者止如此其本文不免有離析增加之失讀者不見聖言全體大義今定為經之一章

問是書專名之曰經何也 對曰按本書有曰夫孝天之經也地之義也民之行也故摘取之以為書名

問聖人既與曾子論孝之道不附入論語而自為一書者何也 對曰論語是衆門人所記孝經只是曾子門人所記故首稱仲尼居居即坐也曾子侍也

問聖門孝者多矣而聖人獨與曾子說孝者何也 對曰曾子篤於孝與聖門諸賢不同故聖人因其材而篤焉如孝哉閔子騫只是人不問於其父母昆弟之言而已子路亦只是負米一事子夏子游孟武伯之問聖人亦因其所失而告之惟曾子能言而身踐之故問聖人而自有條理聖人答之而亦婉曲於是曾子之門人得於傳受遂錄以為一可也

問孝經每章末皆引詩何也 對曰疑皆漢儒附益而與經文多不合故朱子作孝經判誤以定之

問自諸侯章以下至於庶人章皆無子曰何也 對曰以其天子章有之疑皆聖人一時而言故殺其繁也

問事君章而不言孝何也 對曰按本章有進思盡忠之語豈能忠於君則能孝於親故曰事親孝故忠可移於君矣

問書遭秦火之後不審孝經出於何時 對曰據先儒言漢文

帝時論語孝經孟子志以雅旨置博士疑當時曾諸儒傳出矣
問此三者不除雖日用三牲之養猶為不孝也何即 對曰三
牲牛羊豕也按熊氏云此戒之以不善也驕則有取亡之道
亂則有刑戮之及爭則必以兵刃相加此三者不除憂將及
親雖日用三牲之養猶為孝乎按真氏云驕亂爭三者皆惡
德也而有一焉皆足以危辱其親為人子不能謹行至於危
辱其親則其不孝大矣供養之末奚足道哉

問孟子所謂五不孝之說亦有序乎 對曰從輕而漸說至於
重也

問申子所謂戰陳無勇非孝也蓋身體髮膚受之父母不敢
毀傷然忠臣義士奮不顧身視死如歸何也 對曰按真氏
云此與其他毀傷不同蓋殺身所以成仁既成仁則孝在其
中矣殺身成仁則刑雖虧其理不虧身雖殞其名不殞乃所

以為非也故曰戰陳無勇非孝也

問兩言敢不敬乎何也 對曰首言以警之端終言以慎之至也

問五刑之屬三千願聞其詳歟 對曰按熊氏標題云五刑墨劓剕宮大辟也按書曰刑篇墨罰之屬千劓罰之屬千剕罰之屬五百宮罰之屬三百大辟之罰二百通合三千條而不孝之罪為大矣

問墨劓剕宮大辟何謂也 對曰墨者刻身而涅之以墨劓者截其鼻剕者斬其趾宮者男劓於勢女幽於閉大辟死刑也古者皆用肉刑至漢文帝時因淳于意之女緹縈上書請刑始詔除之嗚呼以一女子之言而改數千年帝王之典非大勇而不及此可謂仁矣

問實非莫大於不孝何也 對曰聖人言此以為刑罰之條目

雖多而罪之至大者無過於不孝蓋不孝之罪天地所不容也故周官而以卿入刑糾萬民一曰不孝之刑今之刑書亦以不孝為十惡之首朱子取此以結明父子之親其垂戒之意切矣

問明父子之親亦有序乎

對曰按京兆李氏云夫孝始於事

親首引內則一章

此章專言晨興

二章

言婦人

三章

言婦人

四章

言婦人

明事親之禮

次五章引曲禮

明人子之事

六章

引祭義

七章引曲禮

居處動作

八章

引論語里仁篇

九章引曲禮

言人子之事

十章

引禮記坊記

十一章引內則

言子之禮

十二章

引曲禮

十三章引曲禮

言人子之事

十四章

引儀禮士相見禮

十五章引儀禮

言人子之事

十六章

引曲禮

十七章引曲禮

言人子之事

十八章

引曲禮

愛敬不同十五章引禮記玉藻篇言事親之道明敬親命之禮次十

六章引內則父母之言當順
七章引內則父母之言當順
十八

章引內則上文同十九章引內則何言家婦傳於家事次言介

二十章引內則音婦子宗婦之禮明廣愛敬之禮次二

十一
章引蔡義綸言事於父母盡其當然之道二十二
章引內則母有嚴

二十三章引曲禮上贊文明諫過之禮次二十四章引曲禮

言事父母
疾病之禮
二十五章引曲禮無言周居父
明侍養疾病之禮

次二十六章引論語學而篇之言志行二十七章引內則章

言以禁其而怯於不善明禮身之禮次二十八章引祭義

言君手思義之心 十九章引祭統言宗子宗禮 二十章引祭

意引祭義以齊戒之誠三十一章引曲

三士章引王偉禱言神而後已明祭尊天意

禮人之義莫大於壽故次三十四章引孝經然之事

十五章引孝經言博之三十六章引孝經上說文皆言孝親之

道人之不善亦莫大於不孝故後三十七章引孟子離婁下

篇明不孝之罪以警三十八章引祭義三十九章引孝經以

警之於末焉嗚呼明人子事親之孝者備於此矣

問朱子引禮記諸篇而為小學之書或舉書名或舉篇名何也

對曰凡專取一篇之言而成一段則舉篇名如內則曲禮是

也若雜取各篇之言以歸一類則舉書名如玉藻坊記是也

故總以禮記言之

問禮記各篇謂之坊記何也對曰坊防也言君子以道防民

之失猶以堤防遏水之流也

問士相見禮何謂也對曰士相見禮乃儀禮第三篇三

見之禮朱子謂儀禮為經通計十有七篇蓋必古之聖人所

作非秦漢間筆也

明名篇為玉藻傳也

對曰王者冕之前後垂旒之玉也藻者

雜采絲繩之貫玉也以藻貫玉以玉飾藻故名玉藻此記天子諸侯衣服冕笏諸制及行禮之容也

問冕旒之制度可得聞其詳歟 對曰按漢制度云冕冠也旒垂玉也黃帝以來蓋已有之至周始備冕之前後垂旒皆十有二乃天子之服也上玄下朱取天地之正色冕長尺有六寸廣八寸前圓後方前垂四寸後垂三寸皆以五采絲繩而貫五采之玉諸侯以下降等不同冕之為言僂也前俯後高故謂之冕焉

問衮服之制度亦可得聞其詳歟

對曰衮之為言卷也龍之

卷然而興故謂之衮上玄下黃蓋取天地之正色也按書經帝舜有曰予欲觀古人之象日月星辰山龍華蟲作會宗彝藻火粉米黼黻絺繡以五采彰施於五色作服傳云日月星

反取其照臨也山取其鎮也龍取其變也華蟲乃雉取其文也宗彙乃虎雉取其孝也藻水草取其潔也火取其明也粉米乃白米取其養人也黼若斧形取其斷也黻如兩已相背取其辨也以是十二章繪繡於衣章之上按靈恩崔氏云畫體虛浮義取於陽繡體沉重理法於陰是也備十二者以則天之數至於周世乃登三反於旗而服止九章與舜異也問史進象笏之笏亦可得聞其說歟對曰此諸侯朝於王朝所執之象笏也按朱子云笏者忽也所以備忽忘也故手執眼觀口誦於君前有所指畫不敢用手故以笏指之今世遂用以為常執之物矣

問君召使攬何也對曰按朱子云攬主國之君所使出接賓者

問揖所與立何謂也對曰按朱子云所與立謂同為攬者攬

用命數之半皆向西立以次傳命古者擯介之儀甚煩如上

公九命增五人介則如命數是九人

按周禮行人上公九命

命子男五賓主相見自擯以下列兩行行末相近如主人說

一向主人之擯傳許多擯者訖又交過末介直至上方廡直

賓又云古者相見之禮主人有擯而賓有介賓傳命於上介

上介傳之次介次介傳之末介末介傳之末擯末擯傳之次

擯次擯傳之上擯上擯傳之主人然後賓主方相見

問擯介之說可得聞其詳歟對曰按朱子云此諸侯朝聘之

時主人接賓之禮也周禮大行人曰凡諸侯之邦交歲相問

也歲相聘也世相朝也註云殷相聘者謂於殷朝之及而相

聘也周制五服諸侯每十二年而衆見於天子謂之殷見所

謂殷見同是也諸侯之於與國亦於是年行聘禮故曰殷相

聘是聘禮十二年一講也然聘義又云比年一小聘三年一

大聘比年小聘即歲相問三年大聘却與殷相聘之說異來
知何故鄭註聘禮云大聘使卿小聘使大夫若君自朝則上
公九介侯伯七介子男五介各隨其命數如大行人之文使
卿行聘則其上公七介侯伯五介子男三介各下其君二等
如聘義之說行禮之日賓次於大門之外主人使擯者出而
請事卿為上擯大夫為承擯士為紹擯王國之君公則擯者
五人侯伯四人子男三人各用其命數之強半所以不用命
數之全者禮下於賓以示謙也若其傳命之制則賓立於庫
門之外即大門也賓直闢西北面介者以次立於賓之西北東
面每介相去三丈六尺主君出接立於庫門之外主直闢西
南面擯者以次立於君之東南西面每擯相去亦三丈六尺其
末擯與末介相對東西相去亦三丈六尺主君命上擯請事
於賓諸事者問其所以來之故也蓋雖知其來朝不敢自計

其朝己恐其或為他事而來所以示謙也上擯受君之命而傳之承擯連擯傳至末擯末擯傳之末介末介以次繼傳上至于賓賓命上介復命復以次傳之擯而達於主君然後主君進而迎賓以入擯介從之若卿大夫來聘則主君不親出接但命上擯出而請事其請事也上擯與擯俱進立於末擯末介之問一問一答上擯入白於君乃相與入君自限內迎之雖有擯介而不敢以次傳命下於君也

問上公九命何謂也對曰按周禮春官大宗伯以九儀之命

正邦國之位一命受職始見命為正吏二命受服受祭祀衣

三命受位受下大夫四命受器受祭祀之器而五命受則

則者法也也位成國之各王之下大夫四命則封加一等也命賜之以方百里二伯里之地者方三百里以上為成國也

六命受官子男入為卿治一官也此王六命之卿七命賜國

王者之命六命出封加一八命作牧侯伯有功侯者加命得專九命

敬九命作伯上公有勳者加命爲二伯征五

問本註所謂揖左人則左其手揖右人則右其手何也

對曰

按朱子云揖左人傳命入也揖右人傳命出也按輔氏云左右手如賓自南而北則居東者在賓之右而賓在其左故用左手以揖賓若西者在賓之左而賓在其右故用右手以揖賓如此然後兩相向也

問過位註云君之靈位謂門屏之間何也

對曰按朱子云如

今人廳門之內屏門之外似周禮所謂外朝也

問過位也動如也位謂門屏之間人君寧立之處何也

對曰按

朱子云古今之制不同今之朝儀用秦制也古者朝會君臣皆立君立於屏門之間屏者乃門間之蕭牆也今殿門亦設之三公九卿以下設位於庭中故謂之三槐九棘庭中有樹公卿之位當其下也

問何以謂之蕭牆也 對曰蕭之為言肅也臣之見君至屏而加肅敬之意故曰蕭牆

問天子至尊何以立而不坐 對曰按雙峯饒氏云古無坐見臣下之禮至秦尊君卑臣始有君坐臣立之制

問屏之制如何 對曰按雙峯饒氏云樹小牆於當門以蔽內外也

問升堂攝齊則手無所執 對曰按朱子云古者君臣所執五玉三帛二生一死皆以為執而巳笏則摺之挿於腰間或以指畫記事不執之以為儀也字文周復古不修摺而執笏於是攝齊鞠躬之禮廢升堂而蹴齊者多矣

問堂之階亦有等級之多少歟 對曰按趙氏云古者諸侯之堂七尺尺一級使裳之齊去地一尺則升階不蹕而無傾跌失容之患也

陸氏

名元朗字德明蘇州吳縣人唐高祖時

為國子監博士有經典傳文傳於世釋文言趨下立

本無進字俗本有之誤也何以知無進字乎

對曰按朱子

云降而盡階則為趨而退矣不得復有進字也

問此章記聖人在朝之容有五可得聞其詳歟

對曰按勉齋

黃氏云一入門二過位三升堂四下階五復位隨其所適意

各不同入門事之始也門君之門也望其門如見君焉鞠躬

則身如不容矣立不中門行不履闕卑巽之至也位君之虛

位則其若君在矣色勃足言似不足者恭敬之至也升

堂則君之堂也其氣似不息者則其坦巽如入門升堂而見

君也其恭敬甚於過位蓋君愈近則敬愈加矣既見而下階

也則且喜且幸而氣頗少舒矣沒階而將復已之位而踧踖

餘敬久猶未忘故又不容於不盡其敬也句句而思之字字

而體之皆天理之流行聖德之著見真有抑高鎮壓而不可

及者矣

問君賜車馬乘以拜賜衣服服以拜賜何也
對曰按陳氏云君賜及門既拜受矣明日又乘服詣君所而拜謝其惠賜所謂拜敬之至也二賜字本朱子加之

問君未有命弗敢即乘服也何耶
對曰按陳氏云此謂諸侯之卿大夫為使臣而受天子之賜歸而獻諸其君君命之乘服乃得乘服若君未有命則不敢也

問御食於君君賜餘器之溉者不寫其餘皆寫何謂也
對曰溉洗滌也寫謂傾於別器也按孔氏云君以食之餘者賜之若陶梓之器並可滌潔乃就於器中食之食訖則滌以還君若其餘不可滌之器如簠音符傳謂簠簠簋音軌傳謂簠簠所織之類滌則浸汚其器是壞尊者之物也

問聖人席不正不坐豈必君賜食而後正之耶
對曰按朱子

云席固正矣將坐而又正焉所以爲禮也如曲禮主人既迎賓則請入爲席矣賓既升堂又跪正席豈先爲不正之席至此然後始正之哉蓋敬慎之至耳

問君視之方東首常時首當在那邊禮記自云寢常當東首矣平時東首亦欲受生氣恐不獨於疾時爲然

對曰按朱子

云常時多東首亦有隨意卽時卽如記云請席何向請衽何趾這見得有隨意向時卽然多是東首故玉藻云居常當戶寢常東首也常寢於北牖下君問疾則移於南牖下

問吉月必朝服而朝何也

對曰按朱子云吉月月朔也孔子

在魯致仕時如此按李氏云周禮正月之吉又云月吉讀邦法皆因吉禮以別凶賓軍嘉爾所謂月吉也

問臣事君以忠然忠是實心人倫日用皆當用之何獨於事君

上說忠字乎

對曰按朱子云父子夫婦長幼朋友皆是天

理自然人莫不自知愛敬君臣雖亦是天理然是義合世人便自易得苟且於此說忠是說不足處說

問子路問事君子曰勿欺也而犯之然欺與犯如何 對曰按真氏云偽言不直謂之欺直言無隱謂之犯欺與犯正相反禮記謂事君有犯而無隱正此意矣

問孟子所謂陳善閉邪者如何 對曰按朱子云君有邪心所當閉也然不知所以閉之道而逆閉之則動有矯拂之患其言不可得而入矣故必爲之開陳善道使之曉然知善道之所在則所謂邪者亦不難乎閉之矣孟子與時君論事多類此其自謂敬王豈虛語哉

問恭與敬如何 對曰按朱子云恭與敬大槩也一般只是恭意思較闊大敬意思較細審責難之恭是先立箇大志以帝王之道爲必可信必可行陳善閉邪即是做那責難底工夫

問人臣固當望君以堯舜若度其君不足與爲善而不之告或
謂君爲中才可以致小康而不足以致大治或導之以功利
而不輔之以仁義此皆是賊其君否 對曰然按朱子云人
臣之道但當以極等之事望其君責以十分只做得二三分
若只責以二三分少間做不得一分矣若論才質之優劣志
趣之高下固有不同然吾所以導之者則不可問其才智之
高下優劣但當以堯舜之道望他豈可謂吾君不能而遂不
以此望之哉

問有官守者不得其職則去有言責者不得其言則去然官守
言責亦有異乎 對曰按輔氏云蚺鼃是有言責者孔距心
是有官守者蚺鼃聞孟子之言雖不自以爲罪然遂諫於王
而不用致爲臣而去孔距心雖知其爲罪却只說過了便休
處之資質賢於距心多矣學者須當學蚺鼃則政過勇而進

德新也

問末引王蠋曰忠臣不事二君烈女不更二夫亦有微戒歟

對曰然按海虞吳氏云臣之事君策名委質有死無二事二

君則非忠義之臣矣婦人從夫一與之齊終身不改事二夫

則非貞烈之女矣按通鑑記云蠋齊之盡舊當依孟邑人

田單傳與燕將樂毅破齊殺聞蠋賢令軍中環畫三十里無

入使人請蠋蠋不往燕人曰不來且屠盡蠋曰吾聞忠臣不

事二君烈女不更二夫齊王不用吾諫吾退耕於野國破君

亡吾不能存今乃劫之以兵與其不義而生不若死之以安

遂自經嗚呼戰國之際綱淪法斁廉耻道喪而蠋從容就義

以全其節凜凜乎法度之言真足以爲萬世君臣之大防矣

朱子採之以結君臣之義而又以起下文之意其所以垂警

後人者至矣

問明君臣之義亦有序乎 對曰按京兆李氏云君臣以義合者也君之於臣一於禮而已臣之於君則有二焉以禮為行以節為守事君以禮則尊卑不紊行已有節則進退有道故謂之明君臣之義首章引三藻言人臣造朝事君之禮次二章引曲禮言受君命出使之禮次三章引論語鄉黨篇言受君命出為楨相之禮次四章引鄉黨篇言人臣朝見君之禮次五章引玉藻六章引曲禮七章引曲禮八章引論語鄉黨篇皆言人臣受君之賜禮次九章引鄉黨篇言人臣侍君飲食之禮次十章引鄉黨篇言人臣敬君來視疾之禮次十一章引鄉黨篇言人臣急趨君命召之禮次十二章言人臣致仕朝見君之禮此以上明事君之禮次十三章引孝經言事君之道次十四章引論語八佾篇言君臣各盡其道次十五章引先進篇言大臣事君之道次十六章引憲問篇言人臣

事君之道次十七章引陽貨篇言鄙夫不可以事君次十八章引孟子離婁上篇言人臣諫諍之道次十九章引公孫丑上篇言人臣去位之義次二十章引史記田單傳言人臣守死之義此以上明為臣之節為人君者知此然後能立志責任求賢為人臣者果能以此書為本是乃正己格君之道然後及於謀國政一舉而天下治也不難矣

問曲禮所謂男女非有行媒不相知名非受幣不交不親故日月以告君齋戒以告鬼神為酒食以召鄉黨僚友以重其別也何耶 對曰行媒謂媒氏之往來也知名即婚禮問男女之名也受幣謂玄纁束帛即婚禮之納幣也日月者謂娶婦之期周禮媒氏書之以告國君也鬼神謂先祖也禮凡受六禮並在廟布席以告先祖僚友官僚朋友也按馬氏云非行媒不相知名所以遠嫌也非受幣不交不親所以致敬也明

而尊者莫如君故書日月以告之幽而嚴者莫如鬼神故致齊戒以告之近而親者莫如鄉黨僚友故為酒食以召之所以備禮而厚其別也按戴氏云上以告之人君幽以告諸鬼神明以質諸鄉黨親戚上下幽明咸與聞之焉可誣也禮莫重於有別無別則禽獸是也故知之者衆則其厚別矣

問男先於女何也 對曰先謂倡導也按馬氏云男子親迎而男先於女者剛先於柔之義也豈獨婚姻之際如此至於天地君臣其義則一天造始而地代終君主倡而臣主和其義無二也

問婚姻之義何謂也 對曰男謂之婚女謂之姻男以昏時而迎女則因時而去故曰婚姻也

問男女有別如何得相親乎 對曰男女無別則相瀆瀆則相難而不成夫婦矣

問父子相親出於天性之自然而曰男女有別然後父子親
也 對曰按馬氏云男女無別於內則夫婦之道喪而淫辟
之罪多矣雖父子之親亦不可得而親之也蓋男女有別然
後父子有相親之恩則必有相親之義故義生焉非特父子
之親如此推而至於君臣長幼朋友上下之際而皆有義則
燦然有文以相接故曰義生然後禮作禮作而貴賤有等上
下有分此萬物所以安之也自父子相親推而至於萬物安
皆起於男女有別則柱席之上不可以不戒也昔者哀公問
政孔子曰夫婦別父子親君臣嚴三者正則廢物從之矣與
此同意也

問昏禮不賀人之序也何耶 對曰序謂相承代之次序也蓋
在子則有代父之序在婦則有代姑之序所以不賀推之上
文三日不舉樂思嗣於親方感愴之不暇又何賀焉

問妻不在妾御莫敢當夕何謂也 對曰古者諸侯大夫妻妾各有當御之夕當夕當妾之夕也按孔氏云八夫一妻二妾則三日之御偏士一妻一妾則二日之御偏妾常避女君之御日非但不敢當女君之御日縱令妾自當君之御日尤不敢當夕而往以避僭上之嫌按石洞記聞云不敢當夕者此賤事實之禮也

問其無簋則皆坐奠之而后取之何也 對曰簋竹器也方曰篚圓曰筐坐跪也與曲禮坐而迁之同義奠謂置之於地也此言古者男女平時授受而不親手以遠別也蓋授者跪而置之於地則受者亦跪而就地取之也

問曲禮外言不入於閨內言不出於閨一段何不編入此篇之內 對曰按朱子云似此漏落固多

問世有刑人不取如上世不賢而子孫賢則如之何 對曰按

朱子云犂牛之子騂且角雖欲勿用山川其舍諸所謂不取者是世世爲惡而不能改非指一世而言也如喪父長子不娶却可疑若然則無父之女不復嫁此理蓋不可曉也按真氏云孔子五不娶即擇婦之法也婦人深居閨闈美不外著賢否未易知也亦觀其家法如何爾逆家子不娶是其所娶必忠孝之家也亂家子不娶是其所娶必禮法之族也推是類而求之其中者鮮矣惟喪父長子一節先儒以爲疑若父雖喪而母賢則其教女必有法又非所拘也按饒氏云長子長女也無父而有兄猶可旣長則又無兄故云無所受命也問婦有七去古禮歟對曰然按方氏云夫婦之道合則納之以禮不合則出之以義人倫之際有所不免也故先聖王特存其辭焉

問有三不去何也

對曰有所娶無所歸者謂其嫁時有所受

命後無父兄可歸之也。適更三年喪者，謂曾居舅姑之喪也。前貧賤後富貴者，謂已娶婦時貧賤而今富貴。此三者故皆不去也。

問寡婦之子非有見焉，弗與爲友，何也？對曰：有見謂非有奇才卓然見知於人也。按孔氏云：寡婦無夫，若其子九廟不可與其往來，則當避於寡婦之有嫌也。

問明夫婦之別，亦有厚乎？對曰：按京兆李氏云：夫婦人倫之始，情慾之原，苟不接之以禮，別之以義，則其違禽獸不遠矣。故首章引曲禮言婚姻之禮，次二章引義禮言男女婚姻嫁娶之時，故受父母成命之禮，次三章引曲禮郊特牲篇言婚姻之禮，重在於別。次四章引禮記曾子問篇言婚姻之時，感於世變，次五章引郊特牲篇言婚姻之時，人之不賀此以上明婚姻之禮，然雖爲夫婦，平居不可無別。故終章引內則明男

女遠嫌之禮次七章引內則明男女以敬防微之禮此以上明男女之別然夫婦萬世之始不可不擇故次八章引大戴禮本命篇則言正婦之德後明去娶之義然男女有別不惟夫婦之際雖與人交亦所當慎故次九章引曲禮之言以終之也

問年長以倍則父事之這也是同類則可 對曰按朱子云他也是說得年輩當如此

問如此則不必問德之高下但一例如此乎 對曰按朱子云須有德也隱微難見德行底人人也自是尊敬他

問長者問不辭讓而對非禮也何耶 對曰辭者無所受於已讓者有所推於人與長者語須是虛心而受之若率爾而自以爲能便自實了此心雖有法語之言精微之理亦不能入按呂氏云問者皆以不能而問於能以寡而問於多至少者

當問於長者今長者反問之不辭讓而對則敬之不足也孔子問曾子曾子曰參不敏何足以知之公西赤曰非曰能之願學焉是皆辭讓之言若子路率爾而對則不讓矣

問從於先生不越路而與人言何也

對曰從隨行也越踰也

禮無二敬隨先生而踰路與人言則敬有所分矣

問遭先生於道趨而進正立拱手先生與之言則對不與之言

則趨而退何也

對曰遭遇也趨急走也若道路與師相逢

疾趨而進以就之不敢遽問先生所爲故正立拱手以待先

生所教若問已之事則辭讓然後對按戴氏云趨進者懼先

生有所教令也趨退者不敢與先生並行也道遇長者而引

避雖足以致敬而非所以承命也長者不與之言而隨行不

已亦非所以承意也進退之際其難如此可不謹哉

問長者與之提携則兩手奉長者之手何謂也

對曰提携謂

牽行也奉手習扶持尊長之禮以承之非惟教之聽立至於
行步亦教之長大當扶持長者故先使學之習便也

問負劔辟呬詔之則掩口而對何謂也

對曰負謂置之

於背劔謂挾之於傍如帶劔也辟傾也口傍曰呬詔告語也
辟呬詔之謂傾頭與語不正竊之今氣不觸兒亦令見長者
所爲而復習之掩口而對謂以手障口習其嚮長者以屏氣
而不使氣觸長者也兒在懷中亦稱負故內則云始負童子
雖未能掩口以對長者亦教其爲之以爲後法矣按劉氏云
長者或從童子背後而俯首與之語則童子亦負長者然長
者以手挾童子於脅下則如帶劔然蓋長者俯首與童子語
有負劔之狀非直負也按呂氏云古之佩劔者挾之於傍
負劔謂長者挾幼者於傍如佩劔之狀按張子云小兒便能
敬事長者與之揖揖則兩手捧長者之手問之則掩口而對

蓋稍不敬事便不忠信故教小兒且先要安詳恭敬也

問侍坐於先生先生問焉終則對請業則起請益則起何謂也對

曰尊師重道也請業在右握衣避席之類請益若子路問政

曰先之勞之請益曰無倦按陳氏云問終而後對欲盡聞所

問之旨且不敢雜亂妄者之言也請業者求當習之事請益

者再問未盡之蘊起所以致敬也按呂氏云業謂所學於先

生者如詩書禮樂之類益謂所問未明欲師更明說之異少

進也有所請必起敬業也敬業所以敬師敬師所以敬道也

問御同於長者雖貳不辭偶坐不辭何也對曰按陳氏云御

侍也御同謂侍食於長者饌具與之同也貳謂益物也侍食

雖獲殺饌之重而不辭其多者如此饌本爲長者設耳偶者

配偶之義因其有賓而已亦偶配於坐故亦不辭也

問少儀何謂也對曰少儀乃禮記篇名少猶小也所記相見

薦簋少小之威儀即內則所謂十年學幼儀之類是也

問侍射則約矢何也

對曰矢箭也按饒氏云凡射以兩人爲

耦上耦長者居左下耦少者居右先設箭在於中庭長者四次升堂起取四矢插三矢於腰間挈執其一若少者不敢與長者之敵禮只一起總取四矢故曰約矢也

問侍投則擁矢何也

對曰按朱子云投投壺也擁抱也矢投

壺之箭也投壺之禮亦賓主各四矢尊者委四矢於地一一

取而投之卑者不敢委於地悉執之以侍故曰擁矢也

問壺之制度可得聞歟

對曰按古制度云壺頸脩七寸腹脩

五寸口徑半寸内容斗五升壺中實小豆焉爲其矢之躍而

出也壺之去席二尺半矣

問勝則洗而以請何也

對曰按本註云若請射及投壺之禮

竟司射命酌而勝者之子弟酌酒置于豐上其不勝者跪而飲

之古卑者得勝則不敢徑酌當前洗爵而請行觴也

問論語所謂鄉人飲酒杖者出斯出矣本註云杖者老人也六十杖於鄉然七十八十亦有說歟 對曰按王制篇云五十杖於家六十杖於鄉七十杖於國八十杖於朝九十者天子欲有問焉則就其室以珍從之

問舜命契為司徒敬敷五教云四不曰兄弟而曰長幼何也

對曰按真氏云宗族鄉黨皆有長幼焉非但同氣而已

問明長幼亦有序乎

對曰按京兆李氏云長幼之序始於兄

弟故首章引孟子盡心上篇言愛親敬兄之道本乎天性不

待學而知也次二章引告子上篇言事長之是非次三章引

曲禮言敬長進退

對之禮次四章引曲禮言敬長之禮次

五章引曲禮言執事

有執事之禮次六章引曲禮言侍從先生

長者遊行進退升高之禮次七章引曲禮言侍長者遊行提

携奉承詔告應對之禮次八章引曲禮言為長者灑掃之禮
次九章引曲禮言侍長者坐之禮次十章引曲禮言侍坐於
先生承問請教之禮次十一章引曲禮前言賓主恭敬之禮
後言侍奉君子之禮次十二章引曲禮言敬長者舉問更端
而起對之禮次十三章引曲禮言侍長者之時不敢于人幾
審之事而起退避之禮次十四章引曲禮言侍長者飲宴之
禮次十五章引曲禮言受長者賜之禮次十六章引曲禮言
侍長者食之禮次十七章引曲禮言應對長者之禮次十八
章引少儀言敬尊長兼為長者侍射執事之行禮次十九章
引王制首言長幼序行之禮次言優老之禮末言尊德養老
之禮次二十章引鄉黨言鄉飲序長幼之禮

問朋友切切悃悃其義如何 對曰按朱子云切切者教告懇
惻而不揚其過悃悃者勸勉詳盡而不強其從二者皆有忠

愛之誠而無勁許之字按語錄云墾到有苦功之意然一向如此而無浸灌之意又不可須詳細相勉如此方有相親底意思

問事大夫之賢與友孰為重對曰按朱子云友為親切賢只是統言友直指仁上說事賢友仁皆是箇入德之方也

問三友盡於集註之說而已乎 對曰按朱子云是亦釋其文
之正意云爾若推而言之則是三者之於人皆有嚴渾畏謹
之益說友皆有興起恭敬之益說友皆有薰陶漸漬之益說友
多聞不但如彼之所言而已矣

問損友之相反如何 對曰按朱子云便辟則無善善之誠善
柔則無固守之節便佞則無實實之實矣

問君子不盡人之歡不竭人之忠以全交也何耶對曰君子盡已之歡以待人若人之施於我者有未盡則不必責人以

盡其情盡已之忠以及人若人之輸於我者有未盡則不必責人以盡其情陳氏云君子責已重以周責人輕以約故盡歡以交人而不盡人之歡竭忠以交人而不竭人之忠則可以全交也

問舜典云朋友有信中庸云朋友之交而此書亦曰朋友之交

何也

對曰按京

李氏云信以德言交以禮言此書以禮

敬為主故言朋友之交然而信之為德亦豈在禮敬之外哉

問明朋友之交亦有亭乎

對曰按京垂李氏云朋友之交父

子君臣夫婦長幼各盡其道謂之仁非朋友其孰能使之

如是故首一章引顏淵篇言

朋友之義明輔仁之職次二章

引子路篇明朋友責善之義

次三章引離婁下篇亦明朋友

責善之義次四章引顏淵篇

言朋友以義合不可則止次五

章引衛靈公篇言取友之道

次六章引季氏篇言友之損益

次七章引盡心上篇言交友之道次八章引禮亦言交友之道次九章引曲禮言主人客賓辭讓之禮次十章引曲禮言主賓交際相見之禮次十一章引曲禮言賓主問答之禮按朱子文集云人之大倫其別有五自古昔聖賢皆以為天之所叙而非人之所能為也然以今考之則惟父子兄弟為天屬而以人合者居其三焉是則若可疑者然夫婦者天屬之所由以續也君臣者天屬之所賴以全也至若朋友者則天屬之所賴以取正也是則所以紀綱人道建立人極不可一日而偏廢雖或以人而合其實皆天理之自然有不得不合者此其所以為天之所叙而非人之所能為者也然是三者之於人或能具其形矣而不能保其生或能保其生矣而不能存其理必欲君臣父子兄弟夫婦之間各盡其道而無悖焉非有朋友以責其善輔其仁其孰能使之然哉故朋友

之於人倫其勢若輕而所係為甚重其分若疎而所關為至親其名若小而所職為甚大此古之聖人修道立教所以必重乎此而不敢忽也

問古者天子有爭臣七人諸侯有爭臣五人大夫有爭臣三人亦可得聞其詳歟 對曰爭者諫之大也在君左右以諫止其非故謂之爭若天子至大萬機至重故置三公四輔之爭臣七人諸侯有一國之任而次於天子故置三卿二輔之爭臣五人大夫有一家之任而次於諸侯故置二宰一輔之爭臣三人蓋自天子而下每降殺以兩而已是別尊卑之有等也

問禮記檀弓篇言君親師三者獨不制師服何也 對曰按張子云古不制師服師服無定體見彼之善而已效之則亦師也故有得其一言一義而如朋友者有親炙如兄弟者有成

就己身而思如父母天地者此豈可一槩服之故聖人不制其服心喪之可也昔先聖卒門人一時心喪又豈可責其一槩以傳道久近而各盡其哀之隆殺如子貢獨居三年然後歸如言群弟子皆衰經而出却不得謂之無服也

問樂共子何時人也
曰共乃晉大夫也

對曰按國語晉語篇云樂共子名成謚

問何以謂之國語也

對曰按鄭氏註云乃左氏採世本戰國策採楚漢春秋接其後事邦國成敗陰陽律呂天時人事逆順之數以為國語凡五十一篇其文不主於經故又謂之外傳也

問惟其所在則致死焉如在君傍則為君死在親傍則為親死在師傍則為師死歟
對曰按朱子云也是如此如在君傍雖父有故亦不得為父死又云劉表嘗遣韓嵩如京師嵩曰

嵩至京師若天子假嵩一職則成天子之臣乃將軍之故吏耳在君為君不得復為將軍死亦是此意

問晏子

各嬰字平仲萊之夷維人相齊
京公事見左傳昭公二十六年所謂父慈而教子孝而

箴如何

對曰按朱子云人既有這良知良能了聖賢又恁

地說直要人尋教親切父慈而教子孝而箴猶自着我如這我恁地不能恁地小學所說教人逐一去上面尋思豈道理到看大學亦只是這道理又教人看得親切實如此不是胡亂恁地說去

問荀子何時人也

對曰按荀子老見記云名況字卿又曰荀卿

戰國時趙人仕田齊三為祭酒連楚春申君以為蘭陵令因家焉李斯韓非浮丘伯皆其門人著書三十二篇尊主黜伯貴仁義而賤功利故謂之蘭陵筆夏曰荀子

問人之大倫有五荀子而言其三曰也

對曰按石洞紀問云

此為三綱乃五典之大者君臣之義君為臣綱父子之親父為子綱夫婦之別夫為婦綱也

問右通論亦有序乎

對曰按熊氏標題云首一章引孝經言

孝悌理三者之效次二章引孝經言上下皆不可以無諫諍

此以上明事君親之道次三章引檀弓蕪言事君親師之道

次四章引晉國語亦蕪言事君親師之道次五章引春秋左

傳晏子之言通言人倫之要次六章引大戴禮曾子篇言及

時事親之禮次七章引劉向說苑敬慎篇言敬慎之禮次八

章引荀子非相篇言下不能事上之禮次九章引荀子天道

篇言盡人倫大要之禮按京兆李氏云五品之倫以行仁之

本言之父子為先長幼次之君臣夫婦朋友又次之有子曰

孝弟也者其為仁之本歟以設教之序言之君臣為先四者

勲其次言云天叙有典敕我五典五惇哉以脩德之序言之

勲其次言云天叙有典敕我五典五惇哉以脩德之序言之

夫婦為先四者處其次詩云刑于寡妻至于兄弟以御于家
邦是也以為學之巧言之朋友為先四者處其次曾子曰君
子以文會友以友輔仁是也小學書明倫條目乃行仁之序
實舜典五品次第今故推而衍之以為此說使學者見古昔
聖賢行仁脩德設教為學於五品之間交舉互用而不相悖
也如此

問敬身何謂也 對曰按海震吳氏云敬者尊最持之意猶中
庸所謂尊德性朱子釋之為恭敬奉持也按熊氏標題云朱
子謂敬之一字所以成始而成終也小學所以收其放心養
其德性以為大學之基本亦曰敬而已矣敬身者總言之也
其實敬者心之所主以為一身之準則未有心不敬而能敬
其身者也

問序引孔子之言何也 對曰按魯齋許氏云序引孔子之言

君子無不敬也敬身為大聖人以此垂誡則知凡為人者不可一日而離乎敬也況人之一身實萬事萬物之所本於此而有差則萬事萬物亦從而差焉豈可不敬乎故敬身之目其別有四心術威儀衣服飲食心術正乎內盛儀正乎外則敬身之大體得矣其衣服飲食二者所以奉身也苟不制之以義節之以禮將見其所以養人者反害於人也分而言之皆心術威儀修德之事也衣服飲食克己之事也統而言之皆敬身之要也蓋推敬身故於父子君臣夫婦長幼朋友之間無施而不可此古人修身必本於敬也

問丹書之說可得聞其詳歟

對曰按大戴禮踐阼篇

謂天子登阼

帝位故

為名篇武王踐阼三日召師尚父而問焉曰黃帝顓帝之道

存乎尚父曰在丹書王欲聞之則齊矣齊三日王端冕尚父亦端冕奉書而入王東面而立師尚父道書之言即敬勝怠

者言息勝敬者戒勝敬者從敬勝敬者凶是也

問武王召師散紙問黃帝顓頊之道而不及堯舜何也

對曰

想當時丹書所存者如此且黃帝顓頊又在唐虞之前與道

心人心之說話雖異而理則同況敬與欽皆明心法之傳也

問丹書單是以敬為主歟

對曰然愚聞朱子常以敬與息相

對敬便豎起精神息便放倒精神以理從事是義不以理從

事便是欲敬與義是箇體用亦猶坤卦之說敬義

問敬字亦有說歟

對曰按勉齋黃氏云敬字之義前我本主

一又云惺惺又云收斂不容一物要之只說得敬之一路不

是敬之正訓祇有先師文公晚年遺一箇字最切言敬只是

畏且敬字只得訓做箇畏字太公丹書之戒把敬與怠對說

便可見怠慢只是無畏懼有畏懼便不敢怠慢故知畏字是

敬字裏面一條大路總畏便會主一便會惺惺便會收斂

容一物

問丹書之敬義與坤卦之說敬義同歟 對曰然坤卦之敬義本於丹書蓋師尚父之告武王不出敬與義之二言敬則萬善俱立怠則萬善俱廢義則理福之主欲則物福之主吉凶存亡之所由分也

問曲禮所謂毋不敬下文儼若思安定辭安民哉皆由於敬之所出歟 對曰固是蓋禮主於敬毋不敬是統言主宰儼若思是敬者之貌安定辭是敬者之言安民哉是敬者之效也問臨財毋有得臨難毋有免而質之於古孰歟 對曰孟子受宋薛之賄而却齊之蒸餽是見利思義也曾子澣越冠而子思獨不去衛是當去則去不當去則守死善道也

問直而勿有亦只是上文疑事毋質之意否 對曰按朱子云是從上文來都是敬及謙退遜讓之辭

問四者惟視為切所以先言視
非禮之視其次方是聽

問視與見聽與聞有不同歟
對曰不同按朱子云如非禮之
色若過目便過了自家不可有要視之心非禮之聲若入
耳也過了自家不可有要聽之心又云非禮而勿視聽者
防其自外而入動於內也非禮而勿言動者防其自內而出
接於外也

問視聽言動工夫在於何
對曰按朱子云功夫只在勿字上
邊覺有非禮意思萌作便提起這勿字一刀兩斷已私便可
去縱克已便能格禮矣

問出門使民之時如此可也未出門使民之時如之何
對曰按程子云此儼然思時也有諸中而復見於外觀其出門使
民之時其敬如此則前乎此者敬可知矣非因出門使民然

後有此敬也按朱子云聖人言語極謹密都無些子欠闕自家已身上常是持守到接物時又如此則日用之間無有間隙私意直是無所容而心德全矣

問居處恭敬執事敬然恭與敬有以異乎 對曰按朱子云恭主

容敬主心恭則外敬主乎內恭則氣象闊大敬則工夫細

密恭則體貌尊嚴敬則意思畏謹以此推之微有不同矣

問此章之言大意如何 對曰按勉齋黃氏云居處指幽獨而

言未有事者也執事指應事而言未涉乎人也與人指接物

而言則涉乎人矣能恭敬而忠則天理常存而仁欲不萌又

能無適而不然則流行而無所間斷仁之為道孰外於此矣

問雖之夷狄不可棄也如何之夷狄不可欺歟 對曰按朱子

云道不可須臾離可離非道須是無間斷方得若有間斷此

心便死了在中國只是這箇道理在夷狄亦是這箇道理

問言忠信又曰言思忠又曰言而有信此忠與信如何合說
對曰按雙溪說氏云忠信都訓做實忠是實出於心者信是
實見於事者如口裏如此說心下不如此是不忠也口裏如
此說驗之於事却不如此是不信也忠是前一截事信是後
一截事若前一截實後一截虛便不可也

問視與聽何以要得他明與聰色與貌何以要得他溫與恭還
只是誠意了便會如此 對曰按朱子云如此却都落子事
如有物必有則只一箇物自家各有箇道理况耳目之聰明
得之於天本來自合如此只為私慾蔽惑而失其理聖人教
人不是理會一件其餘自曾須是逐一做工夫更反覆就心
上看方知外面許多費整頓元來病根都在這裏這是聖人
教人內外夾持起來恁地積累成熟便會無此子滲漏又云
九思不是雜然而思當這一件上思這一件

問各專其一是主一無適之義否對曰按朱子云固是如此
問人當隨事而思若無事而思則是妄想歟對曰按朱子云
若閑時不思量義理則臨事而思已無及若只塊然守自家
一箇軀殼直到有事方思閑時却莫思量這却甚易只守此
一句足矣何用事事須先理會何故中庸不先說篤行之却
先說博學之審問之慎思之明辨之大學何故不先便說正
心誠意却先說致知是如何

問聖人有曰吾嘗終日不食終夜不寢以思無益而今乃有九
思何也對曰按齊氏云彼為思而不學者言此為不思者
而言也

問君子所貴乎道者三一段集註舊解以三者為脩身之驗為
政之本非其平日莊敬誠實存省之功積之有素則不能也
集是做效驗說如此則動止出三字只是閑字後來政本以

驗為要非其以下改為學者所當操存省察而不可有造次
顛沛之違者也如此則工夫却在動正出三字上蓋疑正字
尚可說做工夫動字出字豈可以為工夫耶 對曰按朱子
云這三字不是做工夫底字那裏是做工夫耶舊解作效驗
語似有病故改從心說蓋若專以為平日莊敬持養方能如
此則不成未莊敬持養底人便不要效驗慢近信遠鄙倍便
是舊說效驗字太深有病

問樂記所謂君子欲聲亂色不留聰明一段與顏子四勿之功
如何 對曰與顏子四勿之功可庶幾也

問明心術之要亦有序乎 對曰按程李氏云堯舜以來歷世
賢言心學者衆矣而此書惟言敬者蓋闡明程子之教也夫
敬者一心之主宰為萬事之本根聖學所以成德終者也故首章
引丹書之戒以敬對怠而言明敬有畏懼之義次二章引的

禮篇明敬乃禮之本 燕陳敬之目以三章引顏淵篇言操存
涵養之要以敬為本次四章引顏淵篇言敬謹之禮次五章
引子路篇言恭敬忠之禮次六章引衛靈公篇言忠信敬之
禮次七章引孝氏篇言九思以敬為本次八章引泰伯篇言
動正出之禮此以上皆明涵養本原而以敬為主次九章引
曲禮篇言制心以禮為本次十章言存心當先去物欲之累
內外交養之本次十章引學而篇言為道學之本此以上明
持敬之功次十一章引國語晉語篇管敬仲之言直指畏之
一字實又初學持敬切要之工夫為小學者既賴此以始為
大學者亦不能無賴乎此以為終也

問冠禮何謂也

對曰冠禮乃禮記篇名所記冠禮之義也

問論語集註之禮義與禮記之文朱子釋之不同何也

對曰

按京兆李氏云論語禮者天理之節文人事之儀則義者必

之制事之宜然以禮記之文解之義乃禮之本禮乃義之成
義以生禮禮以節義義由乎內而禮作乎外有相須之理讀
者不可以例觀之

問母側聽以下與九容如何 對曰按呂氏云侍於君子言動
視聽無所不在於敬頭容欲直故母側聽聲容欲靜故母叫
應目容欲端故母淫視氣容欲肅故母怠恭容欲重故遊母
倨立如齋故母跣坐如尸故母箕正其衣冠尊其瞻視故歛
髮母髡冠母免帶母袒暑母褰裳也按戴氏云甚矣人情之
不美也安於四肢之急墮未樂於衣冠之拘束起居坐立惟
其便安而已矣然而人之常情終日袒裼箕踞而肢體頽墮
若不勝其勞終日衣冠佩玉其始雖勞而終也身安體適
然後知禮者筋骸之束所以安乎人情而便乎其自適適
四肢則怠荒矣

問禮記之九容與論語之九思如何
對曰按朱子云即此是涵養本原這裏不是涵養更將甚麼涵養

問母按來母報往何謂也
對曰報當作赴按赴皆疾也人來往所之當有宿漸不可急卒也按朱子云按來是急走倒從這邊來赴往是又急再還倒向那邊去言人見有箇好事火急歡喜心忙去做這樣人終不耐久少間心懶意闌則速去之矣所謂其進銳者其退速也

問車中不內顧不疾言不親指何也
對曰按本註云內顧回視也礼曰顧不過數三者皆失容且惑人

問凡視上於面則敖下於帶則憂質之於古者誰歟
對曰按孔氏云凡視過於高則有敖視過於下則有憂如古者邾子執玉高其容仰高仰驕也定公受玉卑其容俯卑俯替也驕近乱替近疾是年定公薨邾子乱

季月左傳定公十五年內哀公七年魯

伐邾以邾子益來

問恂恂如何

對曰按朱子云以詩書訓詁考之宜爲信實然

亦有溫恭之意尔

問似不能言者何也

對曰按朱子云鄉黨果是不說但比之

宗廟朝廷爲不敢多說耳

問其在宗廟朝廷便便言惟謹尔何也

對曰按胡氏云在宗

廟而明辨者則可以識制度文物之精微升降揖遜之委折
在朝廷而明辨者則上之所布者不悖於理下之所受者不
被其害聖人雖不容於不言亦未嘗輕言之也

問朝與下大夫言侃侃如也與上大夫言誾誾如也何耶

對曰按朱子云下大夫位不甚尊故吾之言可得而直遂至於

上大夫之前雖有所諱必須有含蓄不盡底意思不如侃侃
之發露得盡也又云和悅則不失其事上之恭諍則又不失

其在我義理之正矣

問食不語寢不言然言與語亦有別乎 對曰按朱子云食對人寢獨居故即其事而善之也

問本註范楊二說何者為長 對曰按新安陳氏云范說主理，楊說主氣范為優楊亦不可廢也

問席不正不坐此是聖人之心純正故日用之間總有不正更便與心不合心亦不安矣 對曰按朱子云聖人之心無毫髮之差謂如事合當恁地做時聖人便硬要恁地做

問子見齊衰者然言齊而不言斬何也 對曰斬者獨行於父齊者自毋服替服以下皆通行之故語孟中多言齊而不言斬也溫公書儀亦然

問若有疾風迅雷甚雨則必變雖夜必興衣服冠而坐本註所以敬天之怒然或有終日之雷終夜之雨如何得常如此

對曰按朱子云固當常如此但亦主於疾風迅雷甚雨若平
平底風雨也不消如此

問當應接之際無相妨否

對曰按朱子云有事也只得應

問寢不尸居不容觀修養之書亦有此說歟

對曰按孫思邈

云睡欲踈覺則舒亦引夫子此言爲證

問聖人燕居申申夭夭其形貌無以異歟

對曰按胡氏云申

申有展布之意夭夭有和悅之意惟身可言舒布故知以容
言惟顏可言和悅故知以色言

問申申夭夭聖人得於天之自然若學者有心要收束則入於
嚴厲有心要舒泰則入於放肆惟理義以養其氣則自然到
此否 對曰按朱子云亦須稍嚴肅則可不然則無下手處
又云但得身心收斂則自然和樂不是別有箇和樂總整肅
則自然和樂矣

問執虛如執盈入虛如有人此二者乃教慎之切歟 對曰
陳氏安卿云此二句體認持敬工夫意象最親切且如人持
至盈之物心不在焉移步即傾了惟執之惓惓常在這上面
看隨何處也不傾倒雖無人境界此心常嚴肅如對大賓然
此便是主一無適之意也

問古之君子必佩玉何也 對曰按秦風詩云言念君子溫其
如玉是玉溫潤而澤以比君子之德故佩之

問佩玉之製可得聞其詳歟 對曰按玉藻云古之君子必佩
玉其制上有折衡中有琚瑀下有雙璜衝牙貫之以組紃納
之以蠙珠佩於帶之上其色有白蒼赤之辨其聲有微角
宮羽之應其象有仁義礼智忠信道德之備或結或垂所以
著屈伸之理或設或否所以適文質之宜此所以純固之德
不內遷非辟之心無自而入也蓋折衡以平其心双璜以中

其德璫璫欲其有所安衡牙欲其有所制右微角所以象事與民左宮羽所以象君與物璫以采齊行以肆夏所以比於樂周旋中規折旋中矩所以比於禮進則揖之於前退則揚之於後則佩王之為物奚適而非道邪蓋民爲貴君爲輕事爲先物爲後能治民然後能安君能應事然後能生物所以事與民在於右物與君在於左按春秋傳云攷步改玉自天子至於士步固不同而玉亦隨以異天子佩白玉而玄組綬諸侯佩山玄玉而朱組綬大夫佩水蒼玉而純組綬世子佩瑜玉而青組綬士佩璫珉玉而緼組綬以其貫玉相承也白玉最貴璫珉多石至賤山玄以象君德水蒼以象臣職山玄水蒼其文也瑜與璫其質也此佩王之大制矣

問佩玉有微角宮羽而不及商何也 對曰按周氏云所謂右微角者並不具五聲也特以角微爲均所謂左宮羽者亦非

不具五声也特以宮羽為均蓋樂之有均猶人之有主商臣也乃佩玉主矣記者互文以知也

問周還中規折還中矩何謂也 對曰按朱子云周還是直去却回來其回轉處欲其圓如規也折還是直去了復橫去其橫轉處欲其方如矩也

問然後玉鏘鳴也何耶 對曰按陳氏云路寢門至應門謂之趨於此趨之時歌采芻之詩以為節路寢門至堂謂之行於此行之時歌肆夏之詩以為節進而前則其身畧俯故如揖退而後則其身微仰故曰揚進退俯仰之間出入動靜之際莫不節之以礼和之以樂故佩玉之聲鏘然而可听也

問明威儀之則亦有序乎 對曰按京兆李氏云敬畏之存於中者則謂之心術之要刑於外者則謂之威儀之則衣服之制飲食之節夫威儀者皆天命之自然一定而不可易故謂

之則則者法也猶俗言則例則樣是也故首一章引冠義言
禮義為脩身之本責以成人之德由於威儀之始次二章引
曲禮次四章引玉藻次五章引曲禮次六章引少儀次七章
引鄉黨次八章引曲禮次九章引鄉黨次十章引鄉黨次十
一章引士相見禮次十二章引鄉黨次十三章引鄉黨次十
四章引玉藻次十五章引鄉黨次十六章引述而篇次十七
章引曲禮次十八章引曲禮次十九章引少儀皆明威儀容
止動作之敬慎及接物燕居之容乃後學所當勉威儀容止
動作之不敬者乃後學所當戒次二十章引玉藻次二十一
章引射義明古之君子防邪僻導中正威儀心術內外交相
培養之禮今既一切無之惟當益進敬畏之功則自然動容
周旋無不中禮矣

問士冠禮何謂也 對曰士冠禮乃儀禮第一篇名以冠禮為

正衣冠之始故謂之士冠礼矣

問一加再加言吉月至三加言以歲之正不知是同時否 對

曰按朱子云只是一時行礼此文自如此說古者初加緇布冠少頃加皮弁又少頃更加爵弁然後成礼如温公冠礼亦倣此初裹巾次帽次幘頭

問近世程張温公之礼如何 對曰按朱子云二程與橫渠多是古礼温公則大槩本儀礼而參以今之可行者要之温公較穩與古礼不甚遠是七八分好

問君子不以緇緌飾本註謂緌是絳色以飾練服是小祥後喪服如何用絳色為飾歟 對曰按朱子云便是不可曉此箇制度差異緋是即今深底鴉青帶艷色絳是即今淡紅色也問色有正間何謂也 對曰按朱子云紅紫非正色青黃赤白

黑五方之正色也綠碧紅紫騷五方之間色也蓋以木之蒼

克土之黃合青與黃而成綠為東方之間色以金之白克木之青合白與青而成碧為西方之間色以火之赤克金之白合赤與白而成紅為南方之間色以水之黑克火之赤合黑與赤而成紫為北方之間色以土之黃克水之黑合黃與黑而成黼為中央之間色也

問朝服多用紫何也 對曰按朱子云自隋煬帝敕出遊令百官以戎服從一品賜紫次朱次綠後世遂為朝服然唐人朝服猶着札服京師士人行道間猶着衫帽南渡後變為白衫今紫衫皆戎服也

問古之婦人女子亦多以紅紫為服何也 對曰按朱子云此亦不可知但懷先儒如此說耳

問志於道如何尚恥惡衣惡食乎 對曰按朱子云固有這般半上落下底人其所謂志也是志得不力只名為志道及到

物來誘則又變遷了這箇最本濟事

問志於仁則能無惡志於道乃猶有此病何也 對曰按朱子云仁是最切身底道理志於仁大段是親切做工夫所以必無惡志於道則說得來闊九人有志於學皆是也若志得來汎而不切則未必無恥惡衣惡食之事矣

問如顏子一簞食一瓢飲而不改其樂此是不恥惡食歟子路衣敝緼袍與衣狐貂者立而不恥者此是不恥惡衣歟 對曰然先儒有云人能咬得菜根則百事可做亦是此意

問明衣服之制亦有序乎 對曰按京兆李氏云先王之制衣服莫非性命之理衣服有制乃可謂之威儀故處明威儀之次夫衣者對裳之稱服者對御之禮故首一章引士冠禮明旣冠成人方加以成服服備乃責以成德次二章引曲禮言為人子之服當隨時而用次三章四章五章引鄉黨皆言聖

人致謹於衣服之制如此次六章引玉藻明未成人不當加
以成人之服次七章引里仁篇明不可過飾於衣服之末而
忘其心德之重也

問食不厭精本註云精鑿也何歟 對曰按雲峯胡氏云鑿通
作鑿即各反鑿米一斛春米九斗

問魚餒而肉敗不食本註云魚爛曰餒肉腐曰敗何謂也 對
曰按吳氏云餒自內出敗自外入色惡臭惡腐言衆物物壞
而食必害人常人且謹況聖人乎

問聖人幾取惡食者何也 對曰按吳氏云惡食謂蔬食菜羹
之類以其粗菲故曰惡尔非謂腐壞之物不可食而食之也
問不時不食如礼記王制五穀不成果實未熟不粥於市凡此
皆足以傷人故不食之歟 對曰然按朱子云如漢詔所謂
穿掘萌芽鬱養強熟之類亦是不時之食也

問割不正不食本註引漢陸續之母切肉未嘗不方斷蔥以寸
為度可得聞其事之詳歟對曰按後漢陸續傳續字智初
蘇州吳縣人明帝時楚王英謀反連及太守尹具續時為尹
興掾故詣坐就洛陽獄續被掠考肌肉消爛終無異辭母遠
至京師覘候消息獄事特急無緣與續相聞母但作饋食付
門卒進之續在獄雖見考苦而辭色慷慨未嘗易容一日惟
對食悲泣不能自勝使者恠而問其故續曰母來不得相見
故泣耳使者大怒以為獄門吏卒通傳辭意不然何以知之
續曰因食餉羨識母自調和故知來耳非人告也使若復問何
以知母所作乎續曰母切肉未嘗不方斷蔥以寸為度是以
知之使者問諸歇舍傳歇主人舍也續母果來於是使者上書說
續之行帝嘉之即赦與與續等事還歸田里續終身以老病
問肉雖多不使勝食氣何也對曰按朱子云非特肉也凡蔬

果之類皆不可使勝食氣按北山陳氏云問之老齋者言人得元氣以生穀氣以養肉氣以輔肉氣勝則滯穀氣穀氣勝則滯元氣元氣充行者辯夫子不使多肉勝穀食氣者養生之理當然也

問明飲食之節亦有序乎 對曰按京兆李氏云人之飲食實心術威儀之所繫而處其次故首章引曲禮次二章引少儀皆言飲食之禮次三章引鄉黨言飲食之節次四章引玉藻言戒殺之禮兼明貴賤之別次五章引樂記明制飲食之原防戒備禍之禮次六章戒飲食之過以終也

問稽古者何也 對曰按海虞吳氏云稽考也朱子既述古昔三代聖賢之言列為立教明倫敬身三篇于前復考其已行之事迹著為此篇用實前言以明夫實有是人而實行是事也其綱目亦不出立教明倫敬身而已

問首引列女傳言太任生周文王率爲周宗何謂也 對曰宗
謂有德有功也言文王之有功德而爲周朝百世不迂之宗
謂之文世室其載於中庸或問之詳矣

問本註謂學詩則事理通達而心氣和平故能言何也 對曰
按輔氏云詩本人情該物理故學之者事理通達其爲教溫
柔敦厚使人不絞不訐故學之者心氣和平事理通達則無
昏塞之患心氣和平則無躁急之失此其所以能言

問本註謂學禮則品節詳明而德性堅定故能立何也 對曰
按輔氏云禮有三千三百之目其序截然而不可亂故學之
者品節詳明其爲教恭儉莊敬使人不淫不憚故學之者德
性堅定品節詳明則義精而事莫之惑德性堅定則固守而
莫之撓此其所以能立

問正牆面而立本註言即其至近之地而一物無所見一步不

可行若不知脩身齊家則自然推不去是一步不可行如何
是一物無所見乎 對曰按朱子云自一身一家已自都理
會不得況其遠者乎

問此可見知興行相須之義否 對曰然按朱子云周南之詩
言文王后妃闔門之化召南之詩言諸侯之國夫人大夫妻
被文王后妃之化而成德之事蓋文王治岐而化行於江漢
之域自北而南故其樂章以南名之用之鄉人用之邦國以
教天下後世誠意正心脩身齊家之道蓋詩之正風也

問右立教亦有序乎 對曰首一章引列女傳言太任能盡胎
教之法次二章引列女傳言母之教次三章引孝氏篇四章
引陽貨篇皆言父之教也

問不先父而先母何也 對曰按饒氏云母教於幼時故先言
之父教於既長故後言之也

問人不幸處繼母異兄弟不相容當何如
對曰按朱子之說
古來自有這般樣子公看舜如何後來這樣事多有只是為
人子止於孝

問帝使其子九男二女以事舜於畎畝之中然九男可得聞其
名歟
對曰按仁山金氏云九男路史曰尧之子長監明早
卒不得立監明之嗣封於劉宋又不肖而弗獲嗣其後冊房
傳鑄唐龔隨郇縠函皆云堯後之國不可悉考

問少艾之艾本註訓為美好按程泰之考古編及孫季昭示兒
編皆云艾字遍考載籍並無美好之說曲禮魯頌荀子皆訓
艾為老而與孟子少艾之艾不同何也
對曰按仁山金氏
云艾讀如夜未艾之艾言少時慕父母及知好色則慕父母
之心即少衰矣按戰國策高誘註云幼艾即少女也以此考
之孟子本註之釋不待辨而明矣

問揚子何時人也 對曰按熊氏標題云揚子名雄字子雲西漢蜀都人仕漢又仕新莽時著書十三篇名法言始於學行篇終於至孝篇又謂之揚子書

問世子之朝父母惟朝夕二禮今文王日至于三何也 對曰聖人所為有過人之行也按熊氏云日出為朝陽也日入為暮陰也日中為晝乃陰陽之交也陰陽之氣至於三時不能無變而人之血氣與天地陰陽相於流通故人子事親以是為節焉

問食上必在視寒暖之節以下何所謂也 對曰按本註云在察也未猶勿也京拜進也言勿有所拜進為其矢飢臭味惡也然後退還其寢按孔氏云食上謂獻饌食下謂食畢而徹饌文王問進食之人其父所膳而食之多少宰答畢文王又命戒膳言在後所食之餘不可再進皆須新好無得使前進

之物而有并進恐難過節也

問夫孝者善繼人之志善述人之事而與書之其承厥志同歟
對曰然按新安陳氏云祖父有欲為之志而未為子孫善繼
其志而成就之祖父有已為之事而可法子孫善因其事而
導述之如下文踐其位行其禮奏其樂是善繼其志也敬其
所尊愛其所親事死如事生事亡如事存是善述其事也

問淮南子何時人也 對曰按前漢書記云淮南子姓劉名安
乃厲王之長子高帝十一年擊淮南王英布封少子長為淮
南王文帝六年國廢十六年子安紹封為人好讀書招賓客
方士作內書三十一篇外書甚衆又著鴻烈解武帝元狩元
年淮南國除改為九江郡

問此名為泛論篇何也

對曰言其論之泛廣故名之也

問孟子言事親若曾子者何也豈以曾子之孝亦有不足歟

對曰按輔氏云程子所謂子之身所能為者皆所當為無過分之事也故事親若曾子可謂至矣至程子方看得可也二字有深意以此知讀書者不可不熟讀玩味若但畧綽地看過何緣見得他意思出

問閔子騫之孝可得聞其詳歟 對曰按胡氏引韓詩外傳云閔子早喪母父再娶生二子繼母獨以荏花絮衣子騫父覺之欲逐其妻子騫曰母在一子寒母去三子單母得免逐其母聞之悔悟待之均平遂成慈母今誦其言藹然惻怛之意溢於詞表故內則有以孝其家外則有以孝於人自內及外無有異詞也

問聖門孝者多矣而夫子獨稱閔子之孝何也 對曰按雲峯胡氏云他人之孝處人倫之常閔子之孝處人倫之變處變而不失其常此夫子所以稱之矣

問虞舜之聖亦勉人倫之大變而不見稱之何也 對曰中庸

夫子有曰舜其大孝也與孟子有曰大孝終身慕父母五十而慕者予於大舜見之矣不但於是二書而又著於經之二典詳矣由此推之何嘗不見稱之哉

問虞舜之大孝與武王周公之達孝亦有說歟 對曰按西山

真氏云舜之孝如天之不可名故曰大武王周公之孝天下稱之無異詞故曰達蓋聖人以光祖考遺後嗣皆謂之孝也問中庸之書有大孝達孝至孝之不同何也 對曰按朱氏公

遷云以其不可名言謂之大孝天下稱之無異辭謂之達孝無以復加謂之至孝然至孝二字武王周公猶得而有之大孝二字獨以稱大舜也然則謂之大孝則至孝達孝有不必言者矣

問老萊子何時人也 對曰按標題引史記云老萊子者

尊稱之辭乃楚人著書十五篇言道家之用按列子云老萊
耕於蒙山之陽事見高士傳

問少連大連善居喪而夫子稱之為東夷之子何也 對曰按
馬氏云言其生於夷狄而自知禮且聖門曾閔之孝亦不過
如此故稱之曰東夷之子蓋非特美其能行是孝而又美其
能變是俗也

問經文於喪有曰居有曰執有曰為何也 對曰按方氏云蓋
以身言之則曰居以禮言之則曰執以事言之則曰為合而
言之其實一也

問三仁之事論語與史記宋世家之所記而先後之不同何也
對曰按朱子攷史記殷周紀宋世家所記此事先後皆不同
惟殷紀以為微子先去比干乃諫而死然後箕子佯狂為奴
為紂所囚者近是蓋微子乃帝乙之元子常以先王宗祀為

重義當早去又決知紂之不可諫也故遂去之而不以為憊
比干少節義當力諫雖知其不可諫而不可已也故遂以諫
死而不以為悔箕子見比干之死則知己之不可諫且不忍
復死以累其上也見微子之去則知己之不必去且不忍復
去以背其君也故佯狂為奴而不以為辱此可以見三仁之
所當為易地則皆然又云微子是商之元子商亡在旦暮必
着去之以存宗祀若箕子比干則自當諫其死與奴特適然
耳按李氏云小學所載三子先後出史記微子世家與史記
殷紀論語孔子所說次序皆不同朱子論語或問以殷紀三
子先後近是又謂夫子所說以事之難易為先後爾今讀小
學者當玩三子之血脈誠必欲窮其先後當以殷紀微子去比
干死箕子奴為正

明微子之去欲存宗祀比干之死欲紂改行可見其至誠惻怛

處不知箕子至誠惻怛何以見之

對曰按朱子云箕子比

干都只是一樣心箕子偶然不衝着紂之怒而不殺他然見比干恁地死若更死諫無益於國徒使君有殺諫臣之名他處此最難微子去却易比干一向諫死又却索性箕子在半上落下最是難處被他監繫在那裏不免佯狂所以易中特說箕子之明夷可見其難處故曰利艱貞晦其明也內難而能正其志箕子以之他外雖狂而心則定也

問箕子操何謂也

對曰按風俗通云琴曲曰操言窮厄猶不

失其節操因憂愁而作操今無傳未可知也

問伯夷叔齊之出處如何

對曰按史記索隱云伯夷叔齊孤

竹君之二子孤竹國在今北直隸永平府盧龍縣東有孤竹城昔殷湯之所封也孤竹國君姓黑胎氏名初字子朝伯夷名允字公信叔齊名智字公達伯長也叔少也夷齊皆謚也

中子名遠字公望也

問衛靈公之出處如何 對曰按標題記云靈公名元衛襄公

之庶子也其母慶康叔而生故令名謂之元夫人南子宋女

也據伯玉名緩衛之賢大夫乃先聖之弟子先聖居衛主其

家焉按莊周補伯玉有云伯玉行年五十而知四十九年之

非又曰伯玉行年六十而六十化說見莊子則陽篇可知謂賢矣

問史記戰國策趙士為國之謀與通鑑記云趙襄子殺智伯

記通鑑云趙襄子殺智伯三家分晉智荀氏時始事晉趙襄子名無疆

荀氏之子也以為飲器常昭云飲酒之具晉灼云澠澠水

而記之不同耶 對曰愚嘗聞伯父雲泉有言以為飲器恐

非為飲酒之器且死骨凶穢之物又乃惡人之頭顱豈宜貴

之於前而以為澠溺蓋理之或然矣

問智伯之臣豫讓欲爲之報仇而漆身爲癩吞炭爲啞行乞於市其妻不識其友識之何耶 對曰漆身吞炭以變其形欲人不識而得行其志且豫讓與妻日相親狎豈有不識乎其友識之者謂識其志在於報仇也

問王孫賈事齊閔王之事可得聞其由歟 對曰按標題記云王孫覆姓賈名也乃齊之大夫閔王姓田氏名地宣王名辟疆之子也淖蒞楚人燕將樂毅破齊閔王走莒楚使淖蒞救齊因爲齊相後殺閔王於莒是時閔王之子法章變姓名逃爲傭王孫賈與田單及國人敗樂毅既殺淖蒞以平齊亂莒人及齊臣求閔王子立之法章自言其名乃於民間尋得而立是爲襄王事詳見戰國策與史記通鑑按閔王之閔史記作湣問舊李使過冀之事亦可得聞其由歟 對曰按標題記云舊李司空字齊臣冀晉邑名在今山西平陽府蒲州之邑是也

缺人名姓卻也釋耘田也饁野之饋餉也文公晉君名重耳
出門如賓承事如祭蓋古有是言與夫子答仲弓問仁相類
蓋胥臣過冀見卻缺在田而妻饋食相敬若賓因携歸薦于
晉君且言曰敬以存心則衆理備具而心德全矣能敬有德
可在民上文公遂用缺爲大夫以主下軍後謚曰成故曰卻
成子事詳見春秋左傳僖公三十三年按陳氏云此心存則
萬理便森然於中古人謂敬德之聚正如此按真氏云敬德
之聚也能敬必有德詩書言敬之外惟此爲最切矣

問公父文伯與季康子之出處如何

對曰按標題記云桓公

支子爲三桓季悼子支子季孫紇生魯大夫穆伯公父名靖
穆伯之妻齊女敬姜生公父文伯名歆亦爲魯大夫按檀弓
云穆伯之喪敬姜晝哭文伯之喪敬姜晝夜而哭即公父歆
也又按標題記云季孫行父友生武子宿武子生悼子總悼

子長子曰平子意如生桓子斯桓子生惠子肥皆為魯之大
夫事詳見國語魯語

問衛世子共伯之出處如何 對曰按標題記云共伯乃僖侯
之世子名餘為弟和所攻而死因葬於僖侯之墓傍衛人謚
曰共其弟和即衛成公共姜齊女姜姓嫁衛世子共伯故曰
共姜事詳見鄘風柏舟之詩序

問蔡人妻宋人之女其亦未知何人之妻何人之女歟 對曰
考之列女傳所存者不過如此然他亦無所擬蓋朱子採之
載于小學者惟特著其貞節之行矣按慶源陳氏云九書所
素之則失之畧有不必過求者而過求者出處是也
謂當深索者義理是也所謂不必過求者出處是也

問虞芮二國在於何 對曰按標題記云虞在陝州平陸縣
在同州馮翊縣按詩傳云平陸縣有閒原即虞芮所讎之閒
田處今屬山西平陽府平陸芮城二縣是也

問以能問於不能何也 對曰按朱子云想是顏子自覺得有未能處但不比常人十事曉得九事通一事便不肯問人顏子深知義理之無窮惟恐一善之不盡故雖能而肯問於不能雖多而肯問於寡以求盡乎義理之無窮而已

問犯而不校何也 對曰按朱子云犯而不校不是着意去容他亦不是因他犯而遂去蓋其所存者分量闊大雖有小小觸犯處自不查得何暇與之校耶

問曾子之亡友多矣而馬氏獨以為顏淵者固非顏子不能以與於此然顏子與曾皙為輩行乃父之執友也曾子亦可謂之吾友乎 對曰同師於聖人之門則皆友也

問從事於斯莫是着力否 對曰按朱子云若是着力却是知自己能自己多須要去問不幾於詐乎曾子是見得顏子所為如此非謂其着力也然更有力處但不是着力做此四

事爾

問幾字與聖人無字如何 對曰按朱子云聖人全是無我顏子是不以我去壓人却尚有箇人與我相對在聖人便和人我都無了

問以能問於不能以多問於寡者若無實若虛犯而不校此聖人之事也非與天同量者不能顏子所以未達一問者正在此故弟曰嘗從事於斯非謂己能爾也 對曰按朱子云此正是顏子事若聖人則無如此之迹有如此說處便有合內外之意如舜善與人同舍己從人好察邇言用中於民必蕪言之惟顏子行而未成故其事止於如此爾

問顏子深知義理之無窮惟恐善之不盡非挾其能而故問之也 對曰按饒孝饒氏云仁者之心視人猶己皆無人我故

人雖有犯而不忍與之校曲直纔校則直在已由在人而物

我相形矣便非包含編覆之意也

問晏平仲善與人交久而敬之何以知其然也 對曰按葉氏

少蘊曰夫子在齊與平仲數者八年故知其如此

問程子所謂人交久而敬者久而能敬所以為善然則朋友之交始終只在於敬歟 對曰然按勉齋黃氏云朋友人倫之一可不敬乎攝以威儀相勸以善一有不敬則失朋友之道矣惟其久而敬也則愈久而愈親若指肩執袂以為氣合酒食遊藏而相招遂以為生死不相背負未有能全交者也夫子美平仲之善蓋交友之道盡於此矣按慶源輔氏云常人情交際之初未有不敬者但久而則玩玩則慢易生而敬心漸漸衰息矣必不能全交也故愈久而不替初心之敬者所以為善交也

問右明倫亦有序乎

對曰按京班李氏云首一章引書經堯

典篇言大舜事親之孝次二章引孟子萬章上篇言大舜之
孝重在於惟順父母次三章引揚子法言至孝篇言大舜之
孝重在於愛日次四章引禮經文王世子篇言文王事親之
孝次五章引文王世子篇言武王事親之孝次六章引中庸
兼言武王周公之孝次七章引淮南子汎論篇言周公之孝
此以上言四聖為事親萬世之常法次八章引孟子離婁下
篇言曾子事親之孝重在於養志次九章引論語先進篇言
閔子之孝次十章引高士傳言老萊子之孝重在於欲親之
喜次十一章引禮經祭義篇言樂正子春樂正夏姓以官不
貽親愛之孝重在於不虧體辱身矣次十二章引劉向說苑
建本篇言韓伯俞之孝而傷親老之力衰次十三章引說苑
反質篇言公明宣學於曾子而見其事親之孝次十四章引
禮經雜記篇言少連大連善居喪之孝次十五章引禮經檀

已篇言高子阜

家語執喪之孝

次十六章引檀弓篇言顏丁

善居喪之孝次十七章引論語泰伯篇言曾子能保全親之

遺體之孝此以上明父子之親次十八章引史記微子世家

言三仁爲事君萬世之常法次十九章引史記列傳歐陽代

事記載列若千傳

故謂之史記列傳矣言夷齊爲事君萬世之常法次二十

章引列女傳言蘧伯玉爲臣敬君之禮次二十一章引史記

戰國策言忠臣爲君報仇之義次二十二章引戰國策亦言

忠臣爲君報仇之義此以上明君臣之義次二十三章引春

秋左氏傳

事見僖公三十二年與國語文小異

言夫婦之禮重在於敬次二十

四章引國語魯語篇言男女敬別之禮次二十五章引栢舟

詩序與二十六章引列女傳皆言貞婦能守節義之事此以

上明夫婦之別次二十七章引孟子萬章上篇言兄弟之義

次二十八章引史記列傳亦言兄弟之義次二十九章引左

氏傳承上章兄弟讓國而皆有邦之君被文王之化而息爭
以興崇讓之風此以上明長幼之序次三十章引論語泰伯
篇言朋友之道次三十一章引論語公冶長篇言朋友之敬
此以上明朋友之交也

問伯夷目不視惡色耳不聽惡聲而有壁立萬仞之氣象歟
對曰按朱子云固是如此按建安何氏云此章即實前篇奸
聲亂色不留聰明之意且夫耳之不可使之不聞目之不可
使之不見但不可有欲視欲聽之心在他人則不能惟伯夷
爲然故孟子稱之

問聖人言女得人焉爾乎何訓釋也 對曰按朱子云焉爾乎
三字是語助之辭聖人之言寬緩而不急迫按仁山金氏云
焉爾乎攬字義如是爲爾其辭氣必有所指謂汝得人焉有
如是者乎謂其可與進取於斯道也

問公事者何事也

對曰按朱子云以士民之分言之則凡飲

酒讀法而群至平有司者公事也以邑宰之知己而訪焉則

凡一邑之間利病休戚之所同而當告于有司者亦公事也

問楊氏謂爲政以人才爲先如子游爲武城宰縱得人將焉用

之似說不通

對曰按朱子云古者士人爲吏恁地說也說

得通更爲政而得人講論此亦爲政之助恁地說也說得通

問觀其二事之小而其正大之情可見矣此非獨見滅明如此

亦見得子游冒懷也恁地開廣故取得這般人

對曰按朱

子云子游意思高遠識得大體如此

問衛輒作亂之難可得聞其說歟

對曰按標題云衛靈公之

子蒯聵欲弑母夫人南子不果出奔晉及靈公卒立蒯聵之

子輒晉欲納蒯聵衛輒拒之立十二年其父蒯聵因渾良夫

以是爲莊公又按孔悝母蒯聵之姊也良夫通焉蒯聵

與良夫蒙婦人衣而入於孔氏

問不徑不竇莫汙於固執歟 對曰按朱子云不徑不竇只說安平無事之時節可也若當有寇賊患難如何專守此以殲其軀此禁之所以爲愚觀聖人微服而過宋微服是着那下賤人之衣服看這意思如此只守不徑不竇之說不得若途中萬一遇大賊寇也須走避那時如何不由小徑奔去然子羔也是守得定若更學到變通處儘好正緣他學有未盡處而見理不明故曰愚

問南容三復白圭是一日三次三復此詩之意歟 對曰按朱子云三復只是每日讀之至此必再三反復玩味此詩以識之而欲謹於言行也

問衣敝緼袍是何等之衣也 對曰按朱子云緼袍謂舊夾衣裝綿絮之類如今之夾綿襖也

問鄭子臧出奔宋好聚鵲冠之事後來如何

對曰按左傳

見左公二

註疏記云鄭宋皆國名子臧鄭文公之子鵲翠鳥

之名聚鵲羽以為冠裏猶適中也按標題記云鄭初受封在
於鄭州即今屬河南開封府新鄭縣是也文公名捷寵子五
人皆以罪死子蘭奔晉是為穆公按海虞吳氏云鄭子臧得
罪出奔宋好聚翠羽以為冠父文公深惡之使盜殺於陳宋
二國之間故君子以為服制有等苟失其中制則必為身禍
己音記詩作其語助之辭乃曹風候人之篇引之以深明其
服之不稱也

問玄統紘紱之制度如何

對曰按本註云玄黑色統冠之垂

於前後者乃懸瑱而當耳也天子諸侯皆玄統黃纁卿大夫
亦玄統而青纁紘者纓之無紉從下而上不結也紉者冕之
上覆也其色未詳此皆古者王后親織玄統而公侯之夫人

又加以統紆也

問顏子在陋巷而不改其樂與貧賤而在陋巷者何以異乎

對曰按程子云貧賤而在陋巷者處富貴則失乎本心顏子在陋巷亦是如此處富貴亦是如此

問程子之意謂顏子之心無少私欲天理渾然是以日用動靜之間從容自得而無適不樂不待以道為可樂而後樂何也對曰按朱子云謂非以道為樂到底所樂只是道蓋非道與我為二物但熟後便自樂也

問伊川以為若以道為樂不足為顏子又却云顏子所樂者仁而已不知道與仁何所別也對曰按朱子云非是樂仁惟仁故能樂爾是他有這仁日用間無此子私意故能樂也而今却不要如此論須求他所以能不改其樂者是如何緣能非禮勿視非禮勿聽非禮勿言非禮勿動這四事做得實顏

工夫透徹自然至此

問程子云昔安學於周茂叔每令尋仲尼顏子樂處所樂何事
竊意孔顏之樂固非若世俗之著於物者但以爲孔顏之樂
在於樂道則是孔顏與道終爲二物要之孔顏之樂只是私
意淨盡天理昭融自然無一毫繫累耳 對曰按朱子云固
是如此但今人說樂道說得來淺了要之說樂道亦無害又
云程子謂人能克己則心廣體胖仰不愧俯不忤其樂可知
總有息則餒矣又云顏子之樂是孔子稱他樂他不會自說
道我樂人自說樂時便已是不樂了

問顏子不改其樂莫是樂箇貧否 對曰按朱子云顏子私欲
克盡故樂却不是專樂箇貧須知他不干箇貧事元自有此
樂始得又云道理在天地間須是直窮到底至纖至悉十分
透徹無有不盡則與萬物爲一無所窒礙胸中泰然豈有不

樂又云顏子曾中元自有此樂故貧中而亦不以累其心不
是將那不以貧累其心底以做樂

問不改其樂與不能改其樂如何分別 對曰按朱子云不改
其樂者僅能不改其樂而已不能改其樂者是自家有此樂
他無柰自家何以此見得聖賢地位

問顏子在陋巷而顏路甘旨有關則為人子亦不能無其憂乎
對曰按朱子云此重則彼自輕別無方法別無意思也要尋
樂處只是自去尋却無不做工夫自然樂底道理而今做工
夫只是平常恁地理會不要把做差異了去做簞瓢陋巷實
非可樂之事顏子不幸遭之而能不以人之所憂改其樂耳
若其所樂則固在乎簞瓢陋巷之外也故學者欲求顏子之
樂而即其事以求之則有沒世而不可得者此明道之說所
以己有功也

問孔子之樂雖在飯蔬食飲水之中而忘其樂顏子不以簞瓢陋巷改其樂是樂在其簞瓢陋巷之外歟 對曰按朱子云孔顏之樂大綱相似難就此分淺深惟是顏子止說不改其樂聖人却云樂亦在其中不改字上恐與聖人略不以亦只羊此子聖人自然是樂顏子僅能不改其樂

問顏子之樂與曾皙之樂如何 對曰按朱子云孔子只說顏子是恁地樂曾點却說許多樂底事來曾點之樂淺近而易見顏子之樂深微而難知曾點只是見得如此顏子是工夫到那裏了從本原上看方得又云顏子之樂平淡曾點之樂勞攘

問朱子謂學者但當從事於博文約禮之誨以至於欲罷不能而竭其才則庶乎有以得之何耶 對曰按雙峯饒氏云博文約禮是孔子之所以教顏子之所以學處於此用功則知孔

顏之樂可尋矣按朱氏公迂云孔子渾然天理故貧富不能動其心顏子能克己復禮故不以貧富動其心此孔顏之所以樂也

問右敬身亦有序乎 對曰按京兆李氏云首一章引孟子萬

章下篇次二章引論語雍也篇次三章引家語先聖二

篇之書皆聖人編錄之文五帝之德三王之盛冠蓋孔

之九言故謂之家君子行篇皆言心術之要次四章引論語先

進篇次五章引顏淵篇皆言威儀之則然言語亦威儀也

次六章引論語子罕篇次七章引春秋左傳二十四年次八

章引國語魯語篇皆言衣服之制次九章引論語雍也篇言

飲食之節也

問石磻音大方音夫諫衛莊公曰名請禁州吁好兵之事事則公

三後來果何如 對曰按熊氏標題云州吁後果弑其君桓

公曰略石碣因桓公母家與陳侯共殺州吁而立桓公母

弟晉是為宣公借誠可謂忠賢矣

問劉康公成肅公劉成皆采地食邑之名屬河南晉封鞏會

晉侯晉厲公伐秦國名事見左傳成子受服服亦作服

器盛之故曰服也于社社古者九出兵不敬其事後來亦何如

對曰按能氏標題云成肅公後卒于瑕果如劉康公之言故

呂氏伯恭云劉子之言乃三代老師宿儒傳道之淵源信矣

乎

問動有文言語有章何謂也對曰按真氏云文章二字非

止於言語詞章而已聖人盛德蘊於中輝光發於外如威儀

之中度語言之當理皆文也堯之文思舜之文明夫子稱堯

一履乎其有文章子貢曰夫子之文章皆此之謂也六經四

書之言文章皆取其自然刑見者後世始以筆墨著述為文

威儀何謂也 對曰按真氏云自古之論威儀者未有若北
宮文子之備也有威儀可畏謂之威有儀而可象謂之儀蓋
威者非徒事嚴猛而已如正其衣冠尊其瞻視儼然人望而
畏之夫如是謂之威也儀者非徒事容飾而已如動容周旋
莫不中禮夫如是謂之儀也然君有君之威儀臣有臣之威
儀如梁襄王君也望之而不似人君非君之威儀也今尹圉
臣也見之而似人君非臣之威儀也

對曰按真氏云自古之論威儀者未有若此

宮父子之備也有威儀可畏謂之威有儀而可象謂之儀蓋威者非徒事嚴猛而已如正其衣冠尊其瞻視儼然人望而畏之夫如是謂之威也儀者非徒事容飾而已如動容周旋莫不中禮夫如是謂之儀也然君有君之威儀臣有臣之威儀如梁襄王君也望之而不似人君非君之威儀也今尹圉臣也見之而似人君非臣之威儀也

熊氏標額云

政有篡奪之心而形諸威儀有愆偏于上者故文子見而知

其不終當春秋之世聖學之傳未泯名卿大夫率以威儀觀人蓋威儀乃德之驗也德有敬慢易而形諸內外故君子因其外以規也其內見其容止而知其禍福也自君子在位以下九十言所訓勸容周旋中禮者非盛德之積于中安能如是耶厥後二年令五國果弑却敖篡奪得國自立改名熊虔是為靈王其後亦復被弑而不能終也

問右通論亦有序乎

對曰按雙峯饒氏石洞書院紀聞云首

一章引春秋左氏傳言教以義方是論立教六順六逆是論明倫乃立教以兼明倫次二章引左氏傳言動作禮義威儀之則以定命是論敬身次三章引左氏傳言敬慎威儀是論敬身自君臣上下至於朋友是論明倫乃敬身以兼明倫也按京兆李氏云小學一書以聖人設教小學之序言之立教為明倫敬身之始以大學必本乎小學言之而敬身乃明倫

立教之始也學者先當持身以敬則倫理明而教立矣所謂明德新民止於至善之工夫次第亦宜在是書之外哉此朱子所謂大學者所以收小學之成功也

問嘉言何謂也

對曰按海雲莫氏云嘉者美善之謂魯齋許

氏云內篇稽古一篇已載三代以來聖賢之事迹此外篇嘉言善行則皆載兩漢以來賢者所言之善言所行之善行以廣立教明倫敬身之道也九十九章

問大雅烝民之詩是誰作歟

對曰此篇乃周大夫尹氏吉甫

之所作而言五倫五常之美盡懿德也

問首引張子語錄之言何也

對曰此言教小兒先要安詳恭

敬安謂安足而不輕躁詳謂詳而不疎率

以除驕情凶狠

驕情者發傲忿慢之謂之病根

能自後去則居處見聞之間

惡習日長善念日銷如一粒

月兩露滋泥未有不

而為五

之害者為不除其根故也

問則於其親已有物我何也

對曰此即上文四惡之病根則

於其父母之親已有爾我之分如賈誼所謂父惜後錢治田

慮有德色母取簪帶立而諄也賈誼此賈誼漢文帝時上疏所

而子有不肯還之意遂有立而諄責之語之類不孝不義孰

甚於此蓋言後世男女自幼失於教法壞其天性實由不曾

習為事親奉長之禮也

問引楊文公家訓之言何也

對曰此言教童穉當先涵養其

良知良能之德性也

問楊文公何時人也

對曰按本註云文公名億字大年建州

浦城人宋真宗朝學士仁宗朝賜諡文事見家訓

問黃香扇枕之事如何

對曰按東漢紀云黃香字文強江夏

邑屬湖廣武昌府

人家無奴僕躬自勤苦盡心奉養其親身無全衣

而親極滋味夏則扇枕席冬則以身溫被後舉其孝廉

問陸績懷橘之事如何 對曰按吳志云陸績字公紀未詳生於何郡想

是九江人故下文有於九江見袁術之事年六歲於九江崎嶇見袁術術出橘績

懷三枚而去拜辭墮地術曰陸郎作賓客而懷橘乎績跪答

曰欲以歸遺老母術大奇之

問叔敖陰德之事如何 對曰按說苑云孫叔敖楚人為鬻氏

名艾獵為兒時出遊見兩頭蛇殺而埋之歸而泣其母問其

故叔敖對曰聞見兩頭蛇者死嚮者吾見之恐去母而死也

其母曰蛇今安在叔敖曰恐他人又見殺而埋之其母曰吾

聞有陰德者天報之以福汝不死也及長為楚國令尹

問子路負米之事如何 對曰按家語云子路姓仲名由孔子

弟子魯之卞邑此縣在人也嘗謁見於孔子曰由也昔事

二親之時常食藿藿之實為親負米百里之外親沒之後南

遊於楚為楚大夫從車百乘積粟萬鍾累茵而坐列鼎而食
願欲為親負米何可得也孔子曰由也事親可謂生事盡思
者也

問引明道程子遺書之言何也 對曰此言教子弟專用力於
經學而不可他有玩好也

問至於書札亦自喪志何也 對曰按本註云如王虞顏柳輩
誠為好人則有之曾見有善書者其知道乎平生精力一用
於此非惟徒廢時日於道亦有妨處是自喪志也

問引伊川程子之言出程氏遺書又何也 對曰此言教子弟
當先見其意趣何如也

問別欲作詩畧言教童子灑掃應對事長之節令朝夕歌之似
當有助可得聞其說歟 對曰如朱子作小學題辭有云小
學之方灑掃應對入孝出恭動用或惇行有餘力誦詩讀書

詠歌舞蹈思罔或逾皆編成韻語使童子朝夕詠歌以為小學之功按朱子云嘗疑曲禮衣母發足母蹶將上堂声必揚將入戶視必下皆是古人教小兒之語列女傳孟母又添二句將入門問所存按京兆李氏云北溪陳先生小學禮詩亦繼此意而作者也

問引陳忠肅公之言何也 對曰此言學者當立志高大以聖賢自期也

問忠肅公之出處如何 對曰按東萊辨志錄記云公名璫字瑩中宋南劍州將樂人宋神宗元豐二年丙寅舉進士為諫官彈劾京察下徽宗崇寧中被謫廣東惠州合浦縣著書堯集自號合浦翁名其室曰子齋後於明州為書院為鄞州今是也又著四明尊堯集高宗紹興二十六年李綱按謚法云徇國忘家曰忠剛德克就曰肅

問四面皆牆壁也雖欲開明不可得矣與書曰不學牆面孫曰其猶正牆面而立也與之同意乎對曰然按揚子云吾為開明哉言學聖賢而後心開意明矣

問引馬援之言何也對曰此述訓戒一力之要語也

問馬援之出處如何對曰按漢書列傳記云援字文淵扶風

屬西鳳翔府茂陵人也人光武時拜伏波將軍封新息侯援有三

兄曰況曰余曰貞並有才各援年十二而孤兄令受齊詩不能守章句乃辭長兄況就邊郡田牧兄曰汝才器當晚成且從所好次兄余生二子長名嚴字威卿次名敦字孺卿援生四子長廖次防次光次客卿嚴即馬融之父也

問援征交趾即今之安南歟對曰然按標題記云漢武帝元

鼎六年庚午立為交趾郡獻帝建安中改為交州唐高宗調

露元年己卯改為安南都護府

問龍伯高與杜季良之出處如何 對曰按標題記云伯高名

述漢京兆

今屬陝西西安府下同

人仕至零陵太守季良名保亦京兆

人仕至越騎司馬

問馬援以譏議戒諸子而自亦不免於譏議歟 對曰按朱子

云馬援之言自可為法不須如此支蔓若須削去此段後生

又如何得聞此一段說話而以為之戒乎

問諸葛武侯戒子之書如何 對曰按西山真氏云武侯此語

朱子取之以載于小學之書真格言也

問武侯之出處如何 對曰按標題引三國本傳記云諸葛本

葛氏風俗通云漢文帝時封葛豐之孫於琅琊諸縣其後姓

諸葛以別於他葛故覆姓諸葛名亮字孔明乃琅琊諸葛豐

之後躬耕南陽府屬鄧州先主三顧而起以為軍師中郎將

後為縣卒謚忠武子瞻字思遠武侯嘗與兄瑾書曰瞻八歲

而聰慧可愛及膳事後主盡忠節艾伐蜀欲誘膳降斬使戰死于寶稱其忠孝

問柳玼之出處如何

對曰按標題云北字直清公綽孫仲郢

之子仕唐至御史大夫事見柳氏家訓

問范曾公質之出處如何

對曰按宋文鑑記云質字文素大

名

諱屬北直

人唐明宗長興中進士晉翰林學士周中書平章

事宋太祖受禪加侍中仍爲相乾德初封魯國公初和魯公
疑知貢舉愛質所試文自以中第名在十三亦置質十三名
疑爲魯公質封爵皆同當時人謂之傳衣鉢

問八達之事可得聞其詳歟

對曰按標題記云八達謂胡母

輔之謝鯤阮放畢卓羊曼桓彝阮孚光逸九八人按晉書光
逸傳胡母輔之謝鯤輩散髮裸袒閉室酣飲累日光逸將排
戶入守者不聽逸於戶脫衣露頂從狗竇中窺之大叫輔之

遂呼入飲不舍晝夜時人謂之八達按胡氏云自西晉崇尚老莊之學而慕清淨玄虛之風絕滅其禮法以放曠爲達者至南朝齊梁仍祖尚爾迄今姓名猶汚於史冊也

問蘧條與臧施何謂也

對曰按本註云蘧條臧施皆醜疾蘧

條本竹筴編之爲困

暗窘其狀如人擁腫而不能俯者故

又以名此疾也口柔之人仰觀人之顏色然後發言似有病

而不能俯者故亦謂之蘧條也臧施人有病其面常俯而不

能仰者面柔之人雖不病而不敢仰視於人故亦謂之臧施

也蓋世人好奉承自以爲得而不知人之玩弄嬉戲不出中

心之敬也故以蘧條臧施二者爲此蓋深惡柔佞之人也

問范曾公自謂我本羈旅臣遭逢堯舜理何也

對曰羈寄也

旅客也堯舜理謂禪讓也羈詳見實爲周相宋太祖自陳橋

兵變入受周禪故質自云爲羈旅之臣也按標題云宋太祖

自陳橋入范質執王溥手瓜入溥手幾至出血溥先拜質於是不得已而從之太祖嘗言范質能循規矩惜名器持廉節但欠爲周世宗一死爾故有警梟迂秩躁進之語朱子掇之以著小學而爲經訓玩其辭味其旨誠爲子弟之箴規讀者有以觀感而豈徒焉

問范曾公之子姪果依其詩之曉警否 對曰未能也按標題記云兄子杲字師回因知制誥當迁官宋太宗竟以其躁競左迁出知濠州卒于官下質子旻字師參貳新官至給事中坐市竹木貶房州司戶而卒

問節孝徐先生之出處如何

對曰按標題記云先生名杲字

仲車宋楚州山陽縣

屬淮南府

人以聾疾不仕按石林避暑錄

云神宗元豐中淮浙士人以疾不仕因以行義聞者二人徐

積仲車以聾未長文伯原以跛此山陽縣校訓諸生時之語

也初仲車既冠徒步往從胡安定之學時安定之門徒千數百人仲車獨以別室處之而學有所得故志不在於仕進惟以誠實為主本仲車父羅城君名石早棄家不知所終而盡孝於母因父名石終身不忍踐履於石及御石器徽宗政和六年丙申賜謚節孝處士事詳見呂氏童蒙訓及行狀與名臣言行錄

問胡文定公之出處如何 對曰按標題記云先生名安國字康侯建州崇安人宋哲宗紹聖四年丁丑進士官至寶文閣直學士高宗朝賜謚文定三子長曰寅字明仲號致堂次曰寧字和仲幼曰宏字仁仲號五峯事見胡氏家錄

問又謹三尺考求立法之意何也 對曰按標題引前漢杜周傳客謂周曰君為天下平不循三尺法乎周曰三尺安出哉客曰前主所是為律後王所是為令孟康註云以三尺竹簡書

法律故稱法律為三尺也言居官為政者須知國法又須知所以立法之意而後隨時制宜以為寬嚴操縱之方也

問引古靈陳先生之言何也 對曰此章述前世州縣官長教民之要法也

問古靈之出處如何 對曰按標題記云先生名襄字述古福州候官人古靈乃候官縣之村名也宋仁宗慶曆中舉進士

為建州浦城縣簿再任台州仙居令仙居縣屬浙江台州府本唐樂安縣宋真宗景德中改為仙居官至樞密直學士按葉祖洽為行狀云仙居縣僻陋

民不知教公於正歲父老來賀作勸學一篇令門人管師復誦讀於庭且曰吾秩滿即去爾子弟願造就學於是翕然從之公仕仙居每過先聖廟及社稷壇必下趨邑人學者皆有所矜式以興慕之

問古靈此章論語如何 對曰按朱子云古靈論語一文極為

平正簡易許多事都說盡可見他一箇大曾襟都已得許多也

問右廣立教亦有序乎 對曰按京兆李氏云此篇言世變會通之禮以開內篇立教之義首之以張子楊文公之說所以防驕傲之病根教養其良知良能之德性次之以二程之說使知經學念書以致其知灑掃進退以致其行後十章皆後世父兄長上教子弟分別上下立志行己之事心既大有所立將無施而不可此所以開廣古昔聖人立教之道也九一十四章

問引馬司溫公家儀之言何也 對曰舉此以下一十四章皆廣父子之親而此言卑幼不得擅為有事當咨稟於家長則下章乃言當順事親之意也

問引橫渠之雜說何也 對曰此言悅親之道當如是也

問引羅仲素論瞽瞍底豫之說何也 對曰此言舜之大孝能

悅親之道也

問引陳了翁之言何謂也

對曰此言惟獨是如此舜之所為

而後天下之為父子者亦分定矣且如彼於一等為臣不忠

逆弑

下殺上也故謂之弑

其君主者為子不孝逆弑其父親者其

為臣子何常始於見其有不忠不孝之心惟見其君親有不

是處耳此惡逆無道甚矣蓋羅氏只為天下無不是底父母

之語約而盡質而當萬世不可易了翁則又推其極而言之

亦事理之實也按西山直氏云世縱有難事之親豈得有如

瞽瞍者故瞽瞍底豫而天下之為人子者皆知無不可事之

親惟患為子者未盡事親之道耳是故罪已而不非其親者

仁人孝子之心也怨親而小友諸已者亂臣賊子之心也後

之或遇難事之親者必當以舜為法矣

問引伊川遺書

外書上卷同

之言何也

對曰此言事親者

當知醫道也

問按遺書或曰己未能盡醫者之術或偏見不到適足以害事

奈何 對曰按程子云且如失圖畫人未必盡得如畫工然

却識別得工巧拙如自己曾學本醫者說道理便自見得或

已有所見亦可說與他商量也

問引橫渠語錄之言何也

對曰此言人子奉生事死之禮皆

當自盡其誠也

問引伊川遺書之言何也

對曰此章雖舉四禮而言然獨詳

於祭盡其誠人子尤當致敬於是焉

問射獺皆知報本何也

對曰按月令部云孟春之月獺乃祭

魚季秋之月對乃祭獸皆是報本之意也

問六禮何謂也

對曰按本註云冠婚喪祭鄉飲酒士相見六

者之禮也

問家必有廟何也

對曰按本註云古者庶人無廟乃祭於正

寢

即今人居之先儒立祠堂之制蓋為無廟者設也士大夫

則祭於廟又云庶人無廟可立影堂按朱子家禮云祠堂者

以程子謂祭時不可用影故改影曰祠堂

問家廟制度可得聞其詳歟

對曰按家禮記云古命士得立

家廟其制內立寢廟中立正廟外立門四面牆圍之非命士

止祭於堂上只祭考妣伊川謂無貴賤皆祭自高祖而下但

祭有豐殺踈數不同廟向南坐皆東向伊川於此不審乃云

廟皆東向祖先位面東

自厅側直東入其所其制非是古人

所以廟面東向坐者蓋戶在東牖在西坐於一邊乃是與處

又按朱子謂欲立一家廟小五架屋以後架作一長龕堂以

板隔截作一龕堂堂內置位牌堂外用簾子小小祭祀時亦

可只就其處大祭祀則請出或堂或廳皆可也

問祠堂制度亦可得聞其詳歟 對曰按家禮云祠堂之制三間外為中門中門外為兩階皆三級東曰阼階西曰西階階下隨地廣狹以屋覆之令可容家衆叙立又為遺書衣物祭器庫及神厨於其東繚以周垣別為外門常加扃閉若家貧地狹則止為一間不立厨庫而東西壁下置立兩櫃西藏遺書衣物東藏祭器亦可正寢謂前堂也地下則於廳事之東亦可九祠堂所在之宅宗子世守之不得分析也

問廟必有主然神主之式可得聞其說歟 對曰按伊川程子

云作神主而用槩木取其姓取法於時月日辰跌方四寸象

歲之四時高二尺有一寸象十二月身博三十分象月之日

厚十二分象日之辰身跌皆厚一寸二分刻上五分為圓首寸之下勒

前為額而判之一居前二居後前四分後八分陷中以書爵姓名行

題曰故其官其公諱某字其第幾神主額下階中長
寸闊一寸漆四分身長一尺二寸博三寸厚一寸二分合之
植於跌并跌高一尺二寸入分數其傍以通中之下數居三寸八分
而七寸如身厚三之一謂闊徑四分居二分之一謂在七寸
粉塗其前以書屬稱屬謂高曾祖考之稱謂官或号與傍題
其主祭之名曰孝子加贈易世則以筆滌而更之水以兩外
改而中不改也

問造神主之尺亦可得聞其說歟 對曰按臨海潘氏仲善

舉

云伊川程先生木主之制取象甚精可以為萬世法然用

其制者多失其真往往不考用尺之長短故也蓋周尺當今

省尺七寸五分弱而程氏文集與溫公書儀多誤註為五寸

弱而所謂省尺者亦莫知其為何尺時舉舊嘗質之晦翁先

生答云省尺乃是京尺溫公有石刻圖式所謂三司布帛尺

者是也繼從會稽司馬侍郎家求得此圖其間有古尺數等

周尺居其右三司布帛尺居其左以周尺校之布帛尺正是
七寸五分弱於是造主之制始定而伊川之說始著庶幾用
其制者可以曉然無惑也神主用周尺七寸五分弱亦見張南軒家範本

問時祭用仲月何也

對曰時祭者謂四仲之月奉主祭于正

寢或就祠堂以祭之也

問冬至祭始祖何也

對曰按本註云冬至陽之始也始祖厥

初生民之祖也無主於廟中正位特設一位以合考妣享之

問始祖之祭如何

對曰按朱子云古無此祭之禮伊川以義

起其當初也祭後來覺得似僭今不敢祭又云始祖之祭似

國家之禘先祖之祭似國家之祫也

問立春祭先祖何也

對曰按本註云先祖是初祖以下高祖

以上之祖也立春乃生物之始故象其類而祭之按朱子

禮云繼始祖高祖之宗得祭繼始祖之宗則自初祖而下

高祖之宗則自先祖而下也

問季秋祭禩何也

對曰按本註云禩父廟也季秋乃成物之

始亦象其類而祭之按朱子家禮云繼禩之宗以上皆得祭惟支子不祭按語錄云某家舊時時祭外有冬至立春季秋三祭後以冬至立春之二祭似僭覺得不安遂已之季秋依舊祭禩而用某生日祭之適值某生日在季秋遂用九月十五日矣

問忌日迁主祭於正寢何也

對曰按鄭氏云忌日者親死之

日也忌諱也君子有終身之憂忌日之謂也正寢即今正廳正堂是也蓋廟中尊者所擬又同室難以獨享也移於正寢可以盡思慕之意

問引溫公書儀之言何也

對曰按黃氏云首言冠禮之重次

言冠禮之失末言冠禮之宜學者更以文公家禮參考無不

備矣

問冠者成人之道何耶 對曰按呂氏云冠禮之設所以明長

幼之序也古者二十而冠自十九而下未冠皆為童子九為

童子以事長者為之事也紛與善而不冠衣而不裳名而

不字皆所以別成人而教遜弟也所謂成人者非謂四體肅

革異於童穉也將責行以孝悌忠信之道觀儀禮以冠為第

一可見矣

問古者父母之喪既殯食粥齊衰蔬食水飲不食菓果何也

對曰舉此以下三章專言喪禮之事按鄭氏云棺在庭中而

斂乃所謂殯也檀弓云殯於客位按朱子云古者三日大斂

而殯則累土塹以塗之今或漆棺未乾或南方土多蟻蟻不

可塗殯故舉棺置於堂中少西也未殯之前水漿不入于口

三日既殯之後乃始食粥按家禮云成服之日諸子至此始

令粥齊衰謂衣裳皆用極麤麻布為之傍及下際不緝則謂之斬衰緝則謂之齊衰疏食謂以麤米為飯水飲謂不食漿酪也不食菜果哀不在於滋味也疏食水飲不食菜果者謂齊衰杖期不杖期齊衰五月三月者既殯得以疏食水飲而異於諸子也

問父母之喪既虞卒哭疏食水飲不食菜果期而小祥食菜果又期而大祥食醯醬何也對曰按本註云虞安也乃祭之名也葬而反祭曰虞乃是還殯宮安神之祭葬之日日中而虞祭遇柔日拜虞遇剛日三虞也按賈氏云卒哭者謂卒去廬中之哭惟有朝夕於阼階之下有時之哭也按朱子云骨肉歸于土鬼氣則無所不之孝子為其彷徨三祭以安之三虞後遇剛日卒哭而有哀也然猶朝夕哭於阼階則有時而哭也卒哭曰成事是日以吉祭易喪祭自此以後祭漸用吉

禮者而小祥祥吉也自喪至此不計閏九十二月謂初忌日也又暮而大祥自喪至此九二十五月謂第二忌日也醯醢也古者卜日而祭今止用忌日以從簡易也

問剛日柔日何謂也

對曰如甲丙戊庚壬屬陽剛日也乙丁

己辛癸屬陰柔日也謂又哭日中初虞日屬甲為剛日已祭次虞日屬乙為柔日再祭三虞日屬丙又為剛日而三祭遇丁又為柔日是卒哭之祭也其餘不言者倣此

問中月而禫

辨

敢

禫

而飲醴酒始飲酒者先飲醴酒始食肉者

先食乾肉古人居喪無敢公然食肉飲酒者何也

對曰按

鄭氏云中猶間也中月謂間一月則所間之月是空一為二十六月也禫者除服之祭名也中月而禫謂二十五月大祥二十七月而禫也按朱子云二十五月為大祥自初喪至此已越三年則除喪矣然制有限而哀無窮以其不可朝祥

而暮歌也故為之禪服焉中月謂間一月也自喪至此九二

十七月禪者澹澹然平安之意至此則可以飲酒食肉矣然

猶先飲醴酒食乾肉者以其哀情未盡而孝子之心有所未

忍故也醴謂酒初熟而味薄者乾肉謂乾脯之類味澁者也

問漢昌邑王奔昭帝之喪可得聞其詳歟對曰按標題記云

漢武帝第孝體為昌邑今屬山東濰州哀王子賀嗣立王昌邑

元平十三年丁未昭帝崩無子徵王賀至濟陽屬山東求

長鳴鷄至弘農郡屬關西以衣車載女子至東都即洛陽門

遂請哭賀曰嗌痛不能屢請至闕乃哭即位二十七日淫昏

無度大將軍霍光字子孟奏太后數其罪而廢之扶下殿送至

昌邑邸猶稱故王宣帝封為海昏侯就國豫章然焉事詳見

前漢霍光傳

問晉阮籍居喪無禮其事可得聞歟對曰按標題記云阮籍

對曰按標題記云阮籍

字嗣宗為步兵校尉母卒方與人圍棋對者求止籍留決賭
既而飲酒二斗食一蒸豚然後一號吐血數升何曾字穎考
為司隸校尉晉文帝司馬昭時為晉公故何曾以公稱之昭
後加晉王其子晉武帝立追謚曰文帝阮籍居母喪無禮故
曾對晉公而面責之擯猶斥也四裔謂四夷猶衣之裔末也
華夏乃中國禮義文明之地言不孝之人宜遠斥裔夷不可
使居中國以傷敗風教也

問宋廬陵王義真居武帝憂願聞其大旨歟對曰按標題記
云義真宋武帝劉裕第二子也封為廬陵邑屬江西吉安府王憂猶
喪也會遇也長史王府官名也劉湛字弘仁膳韻書作腴說
文註云乃羊豕臂肉也又云以羊臂肉碎切入酒曰膳酒熊
氏攪以解此其義不通按古文暖作腴此即腴字之誤謂暖
酒也炙燒也車螯海蛤也

問隋煬帝為太子居文獻皇后喪可得聞其說數 對曰按標

題記云隋文帝楊堅廢太子勇立晉王廣為太子是為煬帝

文獻隋文帝后獨孤氏也煬帝兄弟五人同母文帝嘗悔易

晉王曰獨孤誤我廣弑帝立後亡隋溢一手所盛曰溢以米

一升分為二十四分二溢乃二分也 頭會作幞音與伏同

帊與怕也帊三幅曰帊蓋裹衣被者今 謂之包袱是也

問湖南楚王馬希聲之事如何 對曰按標題記云五代朱梁

時馬殷據湖南命為楚王卒謚武穆次子希聲以嗣其位雞

臠雞之精肉也聞梁太祖好食雞慕之日烹五十雞以供膳

殷非希聲不哭而食雞肉數器何代無賢友辭以深譏之也

問初喪未斂親賓則齋酒饌往勞之何也 對曰此言禮俗之

壞習以為常古者父母始死子三日不食隣里為糜粥以食

之親賓往哭弔以助其不及今人親死及殯葬之際親賓乃

携酒饌往相慰勞主人亦復管絃相與酣飲醉飽其氣作樂
娛尸乘喪嫁娶而不以為非哀哉

問作樂與乘喪嫁娶者何也 對曰按熊氏云世以樂娛尸非
為其生也不知古者三年之喪音樂一切禁斷也又以乘喪
嫁娶為乘凶殺禮不知五內分崩之時止哭踊而講好捨喪
經而即吉何無人心至此極哉

問凡居父母之喪者大祥之前皆未可飲酒食肉以下一段其
訓釋如何 對曰按海虞吳氏云羸瘦也憊疲也有病瘦憊
恐致傷生故權食肉汁及乾脯肉醬以助滋補若肆意饗食
珍美殺饌及預宴席則與無喪之人何殊哉按熊氏云三年
之喪天下之通喪也自天子達於庶人皆齊衰之服饘粥之
食若有疾病重事暫飲食權也夫服所以表哀飲酒食肉則
無哀矣與不持服何異乎人君父母之喪或兩月或百日而

食肉者是降而總也或數月或未及期而食肉者是降而小
功大功也豈所謂三年之喪乎

問惟五十以上血氣既衰必資酒肉扶養者則不必然耳其居
喪聽樂者國有正法此不復論何也 對曰正法謂法律也
按熊氏云五十以上血氣既衰然孝心純至者亦不以此為
斷也若聽樂嫁娶則君子當棄禮而小人當守法焉豈以有
法而存無法而廢哉

問父母之喪中門之外擇樸陋之室為丈夫喪次斬衰寢苦枕
塊不脫絰帶不與人坐焉何也 對曰此言為子居喪之禮
男子居外故以中門為限而就其外為居喪之次凡言次者
倚廬聖室以下之總名孝子次於中門之外是哀親之在於
外也樸陋樸素鄙陋也斬衰以極麤麻布為之下邐不緝也
不言裁割而言斬者取其痛甚之意也苦謂憂勞塊謂土墊

寢苦枕塊是哀親之極於草土故也經帶以麻為之有首經
有腰經有經帶經在冠裳之上經帶義大帶紵帶束華帶不
脫經帶言哀感不莊於安故
也言不脫經帶則知冠表自然不可脫也故特舉經帶而言
之不與人坐蓋喪次非延客之所親賓至則司賓主之也按
京垂李氏云古者父母之喪倚水為廬故謂之倚廬在中門
之外東方北方倚壁西至地既變之後柱楣剪屏乃西嚮開
之今所謂朴陋之室是殺古倚廬之制也

問柱楣剪屏何謂也

對曰按三禮圖云既虞剪屏柱楣而寢

有蕭註云九虞七虞五虞三虞之後故改舊廬西向開戶剪
去戶傍兩扇屏之餘草柱楣者楣謂之梁梁下兩頭豎柱施
梁乃夾戶傍之屏寢有蕭者傳云既虞剪屏鄭氏云今之
蒲華即此寢有席謂蒲席加於苦上也既練舍外寢註云此
寢謂中門外於屋下壘壓為之不塗壓之室室也屋下對廬

倫知東壁而言也

問喪次居倚廬聖室可得聞其詳歟 對曰按三禮圖云初喪居廬聖室子為父臣為君各依親疎貴賤之序按天官宮正云大喪授廬舍辨其親疎之居註云親者貴者居廬疎者賤者居聖室按雜記云朝廷卿大夫士居廬都邑之士居聖室按唐代宗大曆間而有楊垂撰喪服圖說廬形制及聖室幕次叙列次第云設廬次於東廊下無廊於墻下北上几起廬先以一木橫於墻下去墻五尺卧於地為楫即立五椽於上斜倚東墻上以草苫蓋之其南北面亦以草屏之向北開門一孝一廬門簾以纁布廬形如偏屋其間容半席廬間弛苫由其廬南為聖室以擊壘三面上至屋如於墻下即亦如偏屋以瓦覆之西向戶室施薦木枕室南為大功幙次次中施蒲席次南又為小功緦麻次施牀並西戶如諸侯始起廬門

門外使有小拜餘則不其為母與父同為繼母慈母不居廬而居聖室如繼母有子即隨子居廬為妻唯母其聖室及幃次不必每人致之其處可也婦人次於西廊之下而以簪薄覆之據此古制不可考故引唐禮為之規

問婦人次於中門之內別室撤去帷帳衾褥華麗之物男子無故不入中門婦人不得輒至男子喪次何也 對曰此言為婦居喪之禮婦人居內故即其內為喪次別室謂非常居之室也撤除去也去華麗之物謂非常御之服也男不輒入女不輒至者居喪猶當有別也按內則云禮始於謹夫婦為宮室辨內外男子居外女子居內深宮固門閭寺守之男不入女不出蓋平居猶如此况於居喪乎

問晉陳壽居喪之事如何 對曰按標題記云陳壽字承祚巴西吟鵬肥麟解人父為馬謖將軍孔明誅謖并免壽父及張

華李事孝廉為著作郎魏三國志言孔明將果非長議者少
之授治書御史又坐不以母喪歸葬被謫貶議貶抑之而形
於論議也沉滯沉沒淹滯也坎坎坷作轅軻車行不利之貌
楚辭云轅軻留滯王逸註為不遇也溫公於此又引嫌疑之
事而以為戒焉夫使婢在藥猶涉嫌疑况其他乎故君子自
當謹之

問父母之喪不當出若為赴喪事及有故不得已而出則乘櫟
馬布屨鞍轡局也 對曰此言人子居喪之禮凡三年之內
寢苦枕塊一切事務皆當勿為今若此者言喪制之內或因
治於喪葬及有故不得已而出者則乘櫟素之馬而以布包
裹其鞍轡以代古之惡馬惡車乃不美之車也

問上文既言喪禮之事而此又引溫公書儀以論浮屠之說何
也 對曰此章言喪事不當信浮屠之誑誘也

問浮屠何謂也 對曰愚嘗聞於伯靈泉有云浮華也屠絕也
屏絕世事之華美而自處於苦空寂滅之境故謂之浮屠又
云剗削而除其煩惱故名之浮屠一說皆通蓋浮屠乃釋氏
之號也按李氏引漢魏志云浮屠正號曰佛陀佛陀與浮屠
聲相近皆西方字其來轉為二音華言譯之則曰淨覺

問既號淨屠又曰佛者何也 對曰佛者覺也言能覺悟凡人
平日之所為去其不善而行善是亦佛爾然人心之不善
而徒區區持齋誦經果何益哉按朱子感興詩有云西方論
緣業車中喻群迷流傳世代久梯接凌空虛顧盼指心性各
言超有無捷徑一以開靡然世爭趨號空不踐實躓彼荆棘
途誰哉繼三聖為我焚其書

問既曰佛而又曰釋氏者何也 對曰釋者解也謂人生前若
為惡則死後必有罪故當解釋以滅除之生前不為善則死

後必無福故當資助以超升之此皆浮屠欺誑道誘之名也
按熊氏云本無天堂為善之福不啻引而進之於九天之上
故設為天堂快樂之說誘導本無地獄為惡之禍不啻推
而納之於九地之下故設為地獄苦楚之說以恐怖之乃對
火燒確春輾磨極言其苦之甚也夫人之生稟天地陰陽五
行之氣以生而有竟鬼五臟百骸之身竟屬陽鬼屬陰既死
則竟氣升于天體鬼降于地故形朽而神散釋氏雖假設象
教以恐恐怖之具不知理之所無有也彼天堂地獄若果有
當與天地俱生况佛法自漢明帝時始入中國漢以前未有
佛法人固有死而復生並無登天堂入地獄而見浮屠所謂
十王者耶此釋氏誑誘之理必無有而不足信也明矣然世
俗昏愚之人受其誑誘猶可况讀書知古號為儒者猶信奉
之則惑之甚矣

問生即是氣死則氣散浮屠氏既不足信然世間人為惡死若無地獄治之彼何所懲歟對曰按朱子云且說堯舜三代之世無浮屠氏乃比屋可封天下太平及其後有浮屠而為惡者滿天下若為惡者必待於死然後治之則生人立君又焉用之按真氏云合魏隋二史志觀之則漢明帝以後已有佛法至晉以後始盛故韓子云佛于晉宋齊梁魏隋之間也按唐廬州刺史李舟與子書云天堂無若已有則君子登地獄無若已有則小人入世人親死而機浮屠是不以其親為君子而為積惡有罪之小人也何待其親之不厚哉若使其親實積惡有罪豈瞞浮屠所能免乎此則下愚無知之所為而舉世滔滔相奉之何其易惑而難曉也甚者至有傾家破產然後已嗚呼痛哉按熊氏云佛法入中國始於漢明帝佛本西域胡人與中國無相干涉漢以前未有佛也佛氏謂死

生輪迴死者必復生。然儒謂死者氣久必散，安得有復生之理？雖間有之，非常理也。必無入地獄見十王之理。佛氏之教，有為死者修七之說，七日不復生，則不生矣。積而七七四十，九日以為之節，則漸遠而哀漸沒矣。不知三日而殯已無可生之道。此後朔望奠祭朝夕哭臨，不過事死如事生而已。修七之說已為不經。此後又有百日小祥、大祥，不過三月而葬，則虞祭而卒哭周年祥祭，謂之小祥；三年祥祭，謂之大祥。安得有所謂閻羅等王十人分主罪福於冥冥之中耶？

問浮屠所謂十王可得聞歟？對曰：按佛書云，秦廣初、江宋帝、五官閻羅變成泰山平等都市轉輪，此所謂之十王也。問釋氏地獄之類皆是為下根之人設，此怖畏令為善歟？對曰：按程子云，至誠貫天地人，尚有不化，豈有立偽教而人可化乎？

問釋氏之理比吾儒為而近於徑歟 對曰按程子云天下果

有徑理則先聖豈欲使學者迂遠而難至乎故外聖人之道而求徑則是冒險阻犯荆棘而已又云聖賢以生死為本分常事而無所惧故不論死生佛氏之學為怕死生故只管說不已下俗之人故多惧易以利動楊墨之害今世已無之道家之說其害終小惟佛學今人人談之瀰漫滔天其害無涯問釋氏之空與老氏之無同否 對曰按朱子云老氏依舊有如所謂常無欲以觀其妙常有欲以觀其微是也若釋氏則以天地為幻妄以四大為假合則是全無也又老氏欲保全其身長生不死釋氏又却全不以身為事自謂別有一物不生不滅蓋人氣聚則生氣散則死順之而已釋老則皆悖之者也問佛與老莊亦有不同處歟 對曰按朱子云老莊絕滅倫理未盡至佛則人倫滅盡至禪教則義理滅盡又佛初入中國

止說修行未有許多釋底說話天下只是這箇道理終是走不得如佛老雖是滅人倫然自是逃不得如無父子他却拜其師為父以弟子為子以長者為師兄少者為師弟但他只護得一箇假底事爾又云釋氏合下見得一箇道理空虛不實故要得超脫盡去物累方是無漏為佛地位其他有惡趣者皆是衆生餓鬼只隨順有所修為者猶是菩薩地位未能作佛也若吾儒合下見得箇道理便實故首尾與之不合又云釋氏更不分善惡只尊向他底便是好人背他底便入地獄如此則是箇殺人的賊一向尊他便可生天矣

問佛家言劫數如何 對曰按朱子云他亦說天地開闢但理會不得其書云到末劫人皆小先為火所燒成劫灰又為風所吹又為水所淹水又成沫地自生五穀天上人自飛下來變後成世界他不識陰陽便恁地亂道

問佛能現光果是否 對曰按朱子云俗言佛燈此是山之氣盛而有光又恐是寶氣又恐是腐葉飛虫之光蔡貴通去廬山問得云是腐葉之光言昔人有以合子合得一團光來日看之乃是一腐葉妙喜在一處見先令人撲之得一小虫如蛇樣而甚細僅如一布線大此中有人隨汪聖錫到峨眉山云五更初去看初佈白氣已而有圓光如鏡其中有佛然其人以手裹頭巾則光中之佛亦裹頭巾則知乃是人影耳今所在有石號為菩薩石者如水精狀於日中照之便有圓光想是彼中有一物日初出照見其影圓而映人影耳峨眉山看佛以五更初看

問佛老與楊墨之學如何 對曰按朱子云楊墨之說猶未足以動人墨氏謂愛無差等欲人人皆如至親此自難從故人亦未必信楊氏一向為我超然遠舉視營營於利祿者皆不

足道此其為說雖甚高然亦未必盡然楊朱即老
子弟子人言孟子不聞老氏不知孟子聞楊墨則老莊在其
中矣後世佛氏之學亦出於楊氏其初如不愛身以濟眾生
之說雖近墨氏然此說淺近未是他深處後因達磨自西過
來初見梁武帝武帝不曉其說只從事於因果遂去少林面
壁九年只說人心至善即此便是不用辛苦修行之說又有
人取老莊之說從而附益之所以其說有精微動人處然只
是不是耳

問引顏氏

名之推仕此齊明為黃門侍郎而作家訓

家訓之言何也

對曰朱子舉

此章附於浮屠誑誘之後其言浮屠墨現符章當遠之而不
可信也

問巫覡何謂也

對曰按本註云女曰巫男曰覡即世俗為

人燒獻紙錢以求福者

問符章何謂也 對曰即今道士所為符籙章醮為人祈禳薦拔者按司馬溫公云老莊欲同死生而輕去就其後乃有所謂齋醮符水禁呪之術其說甚矣按唐相姚文獻公崇臨終遺令誡其子曰世俗奉佛以追薦冥福者以曹易復效之道士見僧獲利效其所為尤不可延之於家也按北溪陳氏云唐玄宗好鬼神以太常博士王璵為祠祭而使祈禱或焚紙錢以類巫覡習禮者羞之致堂胡氏云古者祭必用幣所以交神猶人之相見有贄以為禮非利之也後世佛老淫祀既衆於是廢幣帛而用楮錢是以賄賂交于神也使神而果神也夫豈可賄乎使其不神而可賄也又安用事雖然王與行之而世以為羞則當時猶未盡用也今舉四海之內用之而未_有華之者不亦悲乎

問佛老異端之非可得聞其原歟

對曰按朱子云道家之原

出於老子其所謂三清無及釋氏三身而為之耳佛氏所稱
三身法身者乃釋迦之本性也報身者乃釋迦之德業也化
身者乃釋迦之真身而實有之也今之宗其教者遂分為三
像而駢列之則既失其指矣而道家之徒欲倣其所為遂尊
老子並為三清玉清元始上清靈寶太清道德謂之太上老
君而昊天上帝反坐其下悖矣僭逆莫此為甚且玉清元始
既非老子之法身上清靈寶亦非老子之報身太清道德又
非老子之化身又自為太上老君蓋倣釋氏之失而又失之
者也況莊子書明言老聃之死如此則聃亦為人鬼耳豈可
僭居於昊天上帝之上哉釋老之學盡當毀廢縱使不能盡
去則老氏之教但當自祀其老子關尹列子莊子之徒以及
安期生魏伯陽輩而天地百神自當歸於天子之祠宮而不
當使道家預之庶乎其可也

問釋老之書亦有高妙歟 對曰按朱子云釋老之書極有高
妙者而與吾儒同但不可將來比方最誤殺人事因舉其言
與吾儒甚相似如云有物先天地無形本寂寥能為萬象
主不逐四時凋他是甚麼樣見識今區區小儒怎生出得他
手宜其為他揮下也又云佛老之說不待深辨而自明只廢
了三綱五常一事已是極大罪名其他更不消說愚聞於伯
父雲泉嘗云道德經說最精微非老子不能言如有物混成
先天地生有物即太極也其言與吾儒理合餘他經卷皆莊
莊之徒為之清淨消災二經亦模倣釋氏之書而為若北斗
經漢張道陵撰度人經生神章玉樞經唐杜光庭撰於諸呪
誥之語宋主欽若撰修煉丹經起於漢會稽魏伯陽參同契
至於符法始於漢道陵盛於宋林薩之輩其作用多倣吾儒
太極圖與河圖洛書為之如三花聚頂五氣朝元法中以為

妙用不知只是外為宋劉玉真有云萬法皆空一誠為實斯
言的論至於佛書惟四十二章是古經金剛經出於大藏中
餘皆中國文士潤色成之維摩經亦南北時人作其所行印
只一秉教加持爾緣釋老之流後來宗其教者多假設附會
神明之號如言道有三清四帝佛有三身四智遂分像貌而
駢列之皆失其指矣不知道只一老子佛只一瞿曇何乃以
是而欺於世哉此以上數段專

開引伊川遺書而言人無父母生日當倍悲痛更安飲置酒張
樂以為樂若具慶者可矣何也 對曰此言親沒不當慶誕
而為人子生日思念父母生我劬勞之恩而今不見矣安得
不增益哀痛既哀痛又安忍為宴樂乎具慶者謂父母俱存
則可宴樂而奉於父母之歡也

問引呂氏童蒙之說何也

對曰舉此以下十章皆廣君臣之

義按標題記云呂氏名本中字居仁河南汴京人正獻公之曾孫初賜進士出身為起居舍人又除中書舍人所著有呂氏童蒙訓及師友雜志等書

問弓明道近思錄所謂一命之仁何歟對曰按建安何氏云

周禮凡九命一命受職謂治職事至魏文帝元年庚子始立九品官人之法周之一命乃今之第九品也言一命雖小誠能以愛物為心則惠利亦有以及人矣

問童蒙訓言當官之法惟有三事曰清曰慎曰勤何謂也對曰按本註云清謂清廉而不污慎謂謹守於禮法勤謂勤於職業能是三者則能修己而可以治人矣

問異色巫祝尼媼之類何謂也對曰按本註云異色謂不守常業或有奇異藝術者巫祝謂燒獻祈禱者尼女僧也媼妻也蓋異色相接則有假托納賄之事巫祝則有禍福惑

之事尼媿則有內謁交通之事故當一切禁絕清心省事實為政之大要也

問當官處事但務著實以下一段何謂也 對曰按本註云著

實謂不作詐偽察挑取也塗釋文字謂塗改舊字也追改日

月謂去舊判而換新也重易押字謂去舊署而改之也非惟

得罪實且欺心豈事君之道也按顧氏云居官既自廉潔須

關防小人如文案簿曆皆須明白恐被中傷也

問引王吉之言何也 對曰舉此以下九章皆廣夫婦之別也

問王吉之出處如何 對曰按標題記云王吉字子陽前漢卿

卿臨沂今屬山東兗州府沂州是也人初舉賢良為昌邑屬山東州中尉及

宣帝即位為諫議大夫上疏言政治得失云云上不甚寵告

歸琅琊詳見漢書列傳

問文中子之出處如何 對曰按標題記云王通字仲淹絳州

龍門

即解縣屬山西平陽府龍門即龍谷水啓昭公時有龍升見故號龍門

人隋世大儒文帝

開皇四年丙辰生年二十餘講道於河汾

水名在平陽府汾水名在平陽府

入於河汾之上門人自遠而至者千有餘人如房玄齡魏徵

等皆出其門煬帝大業十三年丁丑卒門人取易黃裳元吉

文在中也故謚曰文中子其書取河汾書詳見文字事君篇

問婚娶而論財夷實之道也何耶對曰此深議財娶之失也

夷實乃夷狄膚黃也按司馬溫公云婚姻者所以合二姓之

好上以事宗廟下以繼後世也今世俗之貪鄙者將娶婦先

問其資裝之厚薄將嫁女先問其聘財之多少至於如立契

約云某物若干某物若干以求售

音授賣物

其女者亦有既

嫁而復欺

給音待欺言

負約者是乃駟馬子朗切會古州切

賣如鬻婢之法豈得謂之士大夫婚姻哉其舅姑既被欺

則殘害其婦以擄

丑居切其怨由是愛其女者務厚其資裝

以悅其舅姑者殊慙不知被貪鄙之人不可盈厭資裝既備則安用汝女哉於是質其女以資質於文氏資貨有盡而責無窮故婚姻之家往往猶每也終為仇讎矣是以世俗生男則喜生女則戚至有不舉其女者用此故也然則議婚姻有及於財者勿與而為婚姻可也

問孀婦於理似不可娶何也

對曰按張子云以義理言則

婦死不當再娶夫死不當再嫁當其初娶時便期以終身豈復有再嫁之事禽獸猶有不再匹者夫婦之道是夫止合一娶婦止合一嫁今婦人夫死而不可再嫁如天地之大義然則夫豈得而再娶特以重者計之養親承家祭祀繼續不可廢也故有再娶之理雖再娶止謂之繼室婦人則雖至窮餓而死不可也按真氏云柏舟之不再適蓋守婦人之大節故夫子列之於鄘風之首使萬世取法焉程子之論誠可為後

世之法戒矣

問鄴下風俗如何 對曰按標題記云鄴下戰國魏地漢立魏郡治鄴後曹操居之石虎立為相州唐宋因之今屬河南彰德府故鄴下風俗專以婦人把持門戶之事爭辨詞訟理之曲直造請謂出外干謁於人逢迎謂在家延待於賓客甚至出以代子求官為夫以詞屈豈女婦之道哉此已上之事乃是恒代恒代乃燕趙之間地名也之遺風謂戰國燕趙淫俗自燕丹不愛後宮美女以結士今婚娶之夕男女不辨賓客相過以婦侍宿乃恒代之遺俗也按陳氏云百里不同風其氣有剛柔千里不同俗其習有善惡是矣

問柳開仲塗之言何也 對曰舉此以下三章皆廣長幼之序及言兄弟之義也

問柳開仲塗之出處如何 對曰按標題記云開初慕韓文公

故名有愈後舉進士改名開字仲塗大名縣人仕宋太宗真宗官至郡守歷常閬且寧遠全環邠曹代忻滄十二州著書歸東郊野夫又號補亡先生開父名承翰仕柴周官至監察御史事見道鄉論錄

問伊川所謂獨愛父母之子却輕於己之子何也 對曰父母之子乃兄弟也言世人獨愛父母之子却輕如愛己之子甚者至於若仇讎與爭敵者舉世皆如此可謂迷惑於理之甚矣按真氏云程子之言孰不知之而鮮克蹈之者雖薄俗漸染使然其所以離間骨肉之親者未有不由婦言是聽也問橫渠所謂兄弟宜相好不要相學是如何說歟 對曰按朱子云不要相學其不好處且如兄去友其弟為弟者却不能恭其兄則為兄者豈可學弟之不恭而遂亦不友其弟焉但當知盡其友可也如為弟能恭其兄為兄者乃不能友其弟

則為弟者豈可亦學兄之不友而遂亦不恭其兄焉但當知盡其恭而已

問引伊川語錄所謂近世淺薄以相歡狎為相與一段如何

對曰舉此以下三章皆廣朋友之交而當以敬為主也

問引范文正公名臣事實之言何也 對曰舉此以下三章廣

通論明倫之義此章推言睦族治家之道也

問范文正公之出處如何 對曰按標題記云公名仲淹字希

文蘇州府屬南 吳縣人生二歲而孤隨母改適依長山朱氏

少長故冒姓朱名說應舉復本姓謝啓云志在投秦入境遂

稱於張祿名非霸越乘舟乃效於陶朱既貴贈父壻為太師

母謝氏贈吳國夫人又贈朱少長為博士公以宋真宗大中

祥符八年乙卯試禮部第一進士乙科按本條云公為參知

政事時告諸子蓋仁宗慶曆三年癸未也卒謚文正公生四

子長純佑有行義次純仁字堯夫為丞相謚忠宣公次純禮
字彞復次純粹字德孺受父澤按范忠宣公嘗云昔父希文
於蘇州吳長兩縣置田十餘頃其所得租米自遠祖而下諸
房宗族計其口數供給衣食及嫁娶喪葬之用謂之義莊蓋
義田歲入日食米一升歲衣繡一匹嫁娶喪葬皆有給詳見錢
公輔義田記

問末引溫公家儀之言何也 對曰此言治家之法當如此也
蓋首言軌範無卑大幼母得專行必咨而於家長不言九為家長
必謹守禮法以御群子弟以及家衆之事而朱子採之以廣
明倫則處家之道始終備矣

問右廣明倫亦有序乎 對曰按京兆李氏云首一十四章廣
父子之親次一十章廣君臣之義明人臣不遇沈溺下僚不
卑小官必以其道之禮次九章廣夫婦之別次三章廣長幼

之序次三章廣朋友之交後二章廣明倫之通論也九四十一
章

問引董仲舒之言何也 對曰舉此以下十六章皆廣心術之

要讀者細玩方見得每章皆有廣心術之意矣

問董仲舒之出處如何 對曰按標題記云仲舒廣州府屬人

應漢武帝時詔對天人制策為江都王相江都王問粵國三

仁仲舒對之以仁人者正其誼不謀其利明其道不計其功

云云詳見前漢列傳賢良策按朱子云仲舒所立甚高後世

之所以不如古人者以道義功利關不透耳按京兆李氏云

自孔孟既沒諸儒紛然不知以禮義為本高者溺於空寂卑

者流於功利歷數百年學者替替焉至仲舒始能以道誼功

利為辨而聖學乃明故程子云此董子所以度越諸子者以

此而朱子以是為廣心術之首其旨昭矣

問道義如何分別 對曰按朱子云道義是箇體用道是大綱說義是就一事上說義是道中之細分別處功是就道中做得功效出來也

問孫思邈之出處如何 對曰按唐書方技傳記云思邈京兆三原縣人亦屬西安據其屬土人多稱醫當以耀州為是即醫書謂之孫真人是也兄名孫思遠皆善精造於醫術而著於世矣

問智欲圓而行欲方然智雖圓轉若行不方正而合於義則將流於權謀譎詐之中所謂智欲圓而行欲方也 對曰正是如此按朱子云圓而不方則譎詐方而不圓則執而不通志不大則卑陋心不小則狂妄按葉氏云膽大則敢於有為心小則密於察理智圓則通而不滯行方則正而不流矣 問程子論從善如登證晉語是進向上底意抑難底意歟 對

曰按朱子云從善積累之難從惡淪陷之易從善却難從惡便陷易了按真氏云從善如登故善難進也從惡如崩故惡易陷也進於善則為賢為聖日趨於高明矣陷於惡則為愚為不肖日淪於污下矣

問孝友先生朱仁軌之出處如何

對曰按唐書列傳記云仁

軌字德容河南亳州

今屬河南開封府

人乃朱敬則之兄也

負半千等議謚之曰孝友先生

問周子所謂過則聖及則賢若過於顏子則工夫又更絕細此

固易見不知過伊尹時如何說

對曰按朱子云只是更加

些從容而已過之便以孔子若伊尹終是有擔當底意思多

按朱子通書解云過則聖及則賢不及則亦不失於令名三

者隨其用力之淺深以為所志之近遠不失令名以其有為

善之實也按此章與篇首廣立教陳忠肅公之言意正相通

學者宜相參味之其旨明矣

問明道所謂放心還當將已放之心重新收來還只存此心便是不放歟 對曰按朱子云不是將已縱出底收將轉來舊底已去這裏自然生出來若此心常在私欲自無着處又云覺處即心何更求爲此用力甚不多但要常知提起惺惺則自然光明也

問心如何得要在腔子裏

對曰按朱子云敬便在腔子裏

問若慮事應物時心當如何可廢但身在此心須在此

對曰按朱子云思慮應接亦不

問然則方其應接事時其心在事上事去則此心亦合管着

對曰按朱子云固是要如此按葉氏云腔子所謂神明之舍在裏謂心不外馳也按熊氏云人心外馳則形存於此神馳於彼飛揚馳騁豈有窮極哉學者不可不察

問伊川所謂以整齊嚴肅與主一無適不同否 對曰按朱子云如何有兩樣只是一箇敬若語言不同自是就那時就那事說按葉氏云外整齊而嚴肅涵養久之則心便一而天理自明矣

問君子莊敬日強是志強否 對曰按朱子云志也強體力也強今人放肆則日怠惰一日那得強伊川云人莊敬則日就規矩莊敬自是耐得辛苦自不覺其日就規矩也

問人之燕居形體怠惰心不慢可否 對曰安有箕踞而心不慢乎

問人於外物奉身者事事要好只有自家一箇身與心却不要好何也 對曰按虞海是氏云外物如飲食衣服宮室車馬之類常人之情飲食欲求豐旨衣服欲求華美宮室欲求壯麗車馬欲求堅肥以至凡百奉身之具一一要好求之不得則

雖力竭智決性命之情以必求之不知身心顛倒眩瞶迷惑者甚矣按鄭氏云覽鏡而自有汚則必滌之振衣而領袖有垢則必濯之居室而几案窓壁有塵則必拂之不如是則不能安矣至於方寸之中神明之舍物欲汚穢日積焉而不知滌濯振拂之是察小而遺大察外而遺內其爲不能充其類不亦甚乎此則物重而理輕故雖致飾於外物則先已失其本心而喪其天理也

問伊川文集所謂顏淵問克己復禮之目然克己之工夫亦有序乎 對曰按新安程氏復心云博文乃致知格物也約禮乃克己復禮也非禮勿視聽言動此克己之目無伐善無施勞此克己之事不遷怒不貳過此克己之功以能問於不能以多問於寡有若無實若虛犯而不校此幾於無我用之則行舍之則藏此初無固必三月不怠此未達一間筆跡陋甚

不改其樂此傳約克復之真積也

問克字本註釋之為勝何也

對曰按朱子云聖人下箇克字

深有力譬如孤軍而卒遇強敵相戰定要克勝得他亦別無巧法只是盡力舍死向前而已故謂之克

問莫是克已工夫全在四勿字歟

對曰然按朱子云說文謂

勿字似旗脚此旗一麾三軍盡退工夫只在場字上纔見非禮來便禁止之便克去矣按雲臺胡氏云緊要在於勿字上故朱子喫緊解此一字蓋心為一身之主即將為三軍之主一身耳目口體惟心所令猶大將之旗一麾而三軍坐作進退惟其所令也

問顏子地位有甚非禮處何待下此四勿工夫耶

對曰按朱

子云只心術間微有些子非禮處也須用淨盡截斷了他力量大聖人便教他索性克去

問非禮勿視聽言動是如何 對曰按朱子云目不視邪色耳
不聽淫聲如此類工夫却易視遠惟明終不遠便是不明聽
德惟聰終非德便是不聰如此類工夫却難視聽言動但有
些箇不循道理便是非禮矣又云顏子克己工夫如紅爐上
一點雪按雙峯饒氏云如吾與回言終日及於吾言無所不
悅夫子平日多與講論皆是憚之以文到此四勿正是約之
以禮又云顏子所克之己私只是微過不是顯過然顯過易
見微過難見也

問由乎中而應乎外制於外所以養其中也何耶 對曰按朱
子云由乎中而應乎外謂視聽言動之理乃此心之形見更
推本四者皆由中而出也制於外所以養其中謂當就視聽
言動上克治也是說做工夫全是自外而內自葉而根之
意

問制於外所以養其中此是說仁之體而不及用歟 對曰按朱子云制於外便是用也

問克己工夫從內面做去反說制於外如何 對曰按朱子制却在內矣

問明知其不當視而自接乎目明知其不當聽而自接乎耳則將如何 對曰按朱子云視與見異聽與聞異如非禮之色雖過乎目便過了在我不可有要視之之心非禮之聲雖過乎耳也過了在我不可有要聽之之心也又云聖賢之言旨意精密如伊川四箴之類真所謂一棒一條痕一捆一掌血者矣

問視箴何以特說心 對曰按朱子云俗言開眼便錯所以就心上說又云人之視聽言動視最在先乃操心之準則未是不好至蔽於前方有非禮而視故制之於外以安其內則

克己而復禮也如是工夫而無間斷則久而自從容不免矣故
曰久而誠矣按輔氏云人心出入無時莫知其鄉何有迹
之可見然操則存舍則亡而操之之要則以視而為則而已
蓋人之視最先遇不當視者緣起一念要視他便是非禮
故當以視為操心之則也按葉氏云目者一身之照鑒五行
精華之所聚於心尤切目動則心必隨心動則目必注心之
虛靈千變萬化欲加檢防當先以視為準則也

問視與聽輕重如何

對曰按朱子云四者惟視為切所以先

言視而視箴之說尤重於聽也又云視是將這裏底引將去
所以云以安其內聽是聽得外面來所以云閑邪存誠

問聽箴何以特說性

對曰按朱子云人有秉彝本乎天性道

理本自在這裏却因雜得外面言語來誘之聽所以就性上

說

問閑邪莫只是為防閑抗拒邪外物使不得侵近否 對曰按朱子云固是凡言邪皆自外至者也然只視聽言動而無非禮便是閑也按輔氏云閑其邪使不為吾舍之入存其誠使不雜於人欲之私則自然非禮勿聽也

問聽箴之說似乎寬緩亦可移為視箴歟 對曰按蔡氏云視

是自內而引出外所以云以安其內聽是自外而引入內所以云閑邪存誠視為先聽次之所以視箴說得尤切

問發禁躁妄內斯靜專何也 對曰按朱子云此說身上最緊

切處須是不躁忘方始靜專終不靜專自家這心自做主不成如何去接物下文矧是樞機與戎出好皆是說謹言底道理按陳氏云疾而動曰躁震而亂曰妄人之欲言大槩不出乎此二者皆人欲之所為也故必禁之又云靜安專一皆天理之所存也外不躁則內靜外不妄則內專此二句為一篇

之關要處按輔氏云躁為氣妄為欲不為氣所動故靜不為欲所分故專也

問言箴一段如何 對曰按朱子云言箴一段說出許多病痛

也是人心中這許多事故從頭說起至吉凶榮辱惟其所

召是就身上說傷易則証難易其言則心不精一己肆物忤肆肆情也忤逆也傷煩則支煩

其言則心不精一己肆物忤肆肆情也忤逆也出者必悖而反之也是當謹於接物間都說得周備按雲峯

胡氏云易是輕言煩是多言肆是放言悖則純乎不善矣朱

子以為是四項病而諸家只解歸躁妄兩字非矣

問動箴所謂哲人與志士如何 對曰按朱子云哲人只於思

慮間便見得合做與不合做志士便於做出了方見得哲人

志士雖是有兩般樣大抵都是順理便安裕從欲便危險又

云思是動之微為是動之著這箇是該動之精粗為動思

云思是動之微為是動之著這箇是該動之精粗為動思

處亦動思是動於內爲是動於外蓋思於內不可不誠爲於外不可不守專誠於思而不守於爲亦不可專守於爲而不誠於思則亦不可看文字須要得箇曾子諸公且道動箴那箇是緊要有答云順理則裕朱子應之云要連從欲惟名這兩句是箇生死路頭

問習與性成聖賢同歸何謂也

對曰按覺軒蔡氏云聖性之

也謂哲人賢習之也謂志士及其成功則一也故曰同歸矣

問視聽言動四者橫渠東銘只云誠言誠動却是二件中庸非

禮不動又只是一件詳果不同何也對曰按雙峯饒氏云

詳言之是四件約言之只一件所謂言行君子之樞機是也

言是言視聽也屬動是行又約言之都只是動視是目之動

聽是耳之動言是口之動動是身之動故中庸非禮不動一

句蓋聖賢之言有詳有約顏子是問克復之目故以詳告之

也

問伊川遺書言人有三不幸少年登高科一不幸席父兄之勢
為美官二不幸有高才能文章三不幸何也 對曰不當得
而得曰幸席藉也少年登高科必至恃才挾貴恐非遠到之
器此第一件不幸之事席藉父兄之勢為美官必至恃勢挾
權而有驕盈敗亡之禍此第二件不幸之事有高才能文章
其氣必揚則恃其能多無德以將之此第三件不幸之事也
按朱子云子真謂學而優則仕為未仕者而言也蓋以其未
有以能明乎修己治人之道則未可以仕耳程子以少年登
高科席勢為美官為不幸其意亦猶是耳又云人有高才能
文章便被這些子能解擡閣過了一生更無暇仔細去理會
義理只從外面見得些皮膚便說我已筆下寫得去自然無
暇去講究那精微又被人以先生長者目之我更不去下問

至於少間傳得滿卿滿保都是這般種子故亦云不幸也

問范忠宣公之出處如何 對曰按標題記云公名純仁字堯

夫宋仁宗皇祐元年己丑進士及第哲宗元祐中除左僕射

文正公之第二子謚忠宣公初謫泉州時每見諸子然章惇公

必怒責之云命之如此何然於他嘗戒諸子姪曰惟儉可以

助廉惟恕可以成德世以爲名言事詳見名臣言行錄

問恕字之義范公蓋以寬恕爲言大學或問深辨其不然矣而

復錄其語於小學者何也 對曰按朱子云小學所取寬若

欲修潤其語當曰以愛己之心愛人爲善矣

問引呂榮公之言何也 對曰舉此以下五章皆廣威儀之則

也

問呂榮公之出處如何 對曰按標題記云公名希哲字原明

河南開封鄭州榮陽人申國正獻公之長子仕至光祿少卿

封榮陽郡公辨志錄並稱榮陽公事見童蒙訓公早從伊川
將有呂氏家塾記發明義理耐酢事變等集

問張思叔之出處如何

對曰按言行錄記云思叔名繹河南

壽安縣縣是邑

人伊川歸自涪陵始從游易傳成門人未有

傳者伊川一旦寢疾始以授尹焞張繹今遺書有思叔所錄
師說則其人亦可知蓋程門教人以敬為先思叔此銘學者
誠不可不佩服而深省之也

問引胡文定公之言何也

對曰舉此皆廣衣服飲食之制也

問成都在於河也

對曰按標題記云成都府屬四川漢益州

牧所治先主取劉璋遂都之初秦平蜀張儀築城象咸陽都

故因名曰成都

問引范益謙

名中宋高宗時人未詳所居何郡邑

之言何也

對曰舉此謹言行

而廣敬身也說見東萊辨志錄

問人附書信不可開拆沉滯何也

對曰按本註云發人私書

拆人信物甚者遂至結為仇怨凡得人所附書物雖至親里
幼者亦未嘗輒留必為附至及人託於某處問訊干求若事
非順理而已之力不及者則可至誠辭却之若已諾之矣則
必須達所欲至於聽與不聽則在其人矣

問與人並坐不可窺人私書何也

對曰按本註云凡與賓客

對坐及往人家見人得親戚書切不可往觀及注目偷視若
屈膝並坐目力可及則斂身而退候其收書方復進以續前
註若其人置書几上亦不可取觀須俟其人云某所惠書足
下請觀之方可一看若書中事無大小以至戲謔之語皆不
可於他處說

問凡入人家不可看人文字何也

對曰按本註云凡入人家

不可於几案上及書檠

檠檠今

內

觀看人家書簡及記事冊

子錢穀文胥若人將文字令已看切不可於背後觀皆無德之一端也

問借凡人物不可損壞不還何也 對曰按本註云凡借一物上至書冊下至器用苟得已者則不須借若不獲已則須愛護過於己物看用終畢即時歸還切不可借為名意在沒納及不加愛惜至有損壞大率豪氣者於己之物多不自愛若借人物豈可亦如此此非用豪氣之所乃無德之一端也

問凡喫飲食不可揀擇去社取何也 對曰按本註云凡飲食蒸餅去皮饅頭去蒂肉去脂皮之類皆非成人所為乃癡騃無知而已自非生硬臭惡與犯已宿疾之物豈有不可食之理矣

問引胡子

即五峯先生

之言何也

對曰此章言為學當治其身心

而不可以文藝

任進為務也說見知言書

問引顏氏家訓之言何也

對曰此章言讀書學問之要也

問齒弊舌存何也

對曰按標題引說苑韓平子問叔向曰剛

與軟孰堅對曰臣年八十齒皆墮而舌尚存正此意矣此喻強者死而弱者生也

問引伊川遺書之言何也

對曰舉此以下八章皆言講讀四

書六經及子史之序法也

問經與史如何

對曰經以載道史以記事事易見而道難精

按先儒云聖經淵奧子史浩博須從師受讀有疑難得以質

正而不差欲求聖賢之道當盡心竭力以從之方能有得也

問呂氏童蒙訓言前輩嘗說後生才性過人者不足畏何也

對曰按朱子云世之學者稍有才氣便自不肯低心下意做

聖賢事業與聖賢工夫故不足畏矣

問鹵莽厭煩何謂也

對曰鹵莽厭煩是苟且不用心也說見

莊子則陽篇按熊氏云人有才貴乎有學非學無以充其才有學貴乎有思非思無以充其學故後生可畏者非以其才之難既能學而又能思者為難也夫義理散在於簡冊之中聖賢之言不可以粗看不可以淺窺若鹵莽厭煩則何由知聖賢用心而窮其義理乎故孟子云思則得之不思則不得也此章本於此矣

問引顏氏家訓之言何也 對曰此章言愛惜書籍之敬也
問濟陽屬於何也 對曰按標題記云屬山東濟南府乃江祿所居之邑也

問狼籍几案何謂也 對曰按通鑑釋文云狼籍草而卧去則穢亂故物之散亂者為狼籍也言散污經書部用卷秩定累大德故顏氏家訓以為世戒

問其故紙有五經詞義又聖賢姓名不敢他用何也 對曰其

舊紙有經書之文與聖賢之姓名皆不敢別用所以廣敬也
問引明道遺書之言何也 對曰此章言聖賢教人入道之次第也

問遺書言既以為理無大小而又以為教人有序何也 對曰

按朱子云事有大小而理無大小事有大小故其教有序而不可躐等理無大小故隨其所處而皆不可不盡也又云若不觀明道說君子教人有序四五句來亦無緣看得出

問明道所謂道之不明異端害之也昔之害近而易知今之害深而難辨昔之惑人也乘其迷暗今之入人也因其高明何也 對曰此章言異端害道之由道者聖人之道異端則非聖人之道而別為一端如楊墨老佛是也按葉氏云昔之害楊墨是也今之害老佛是也淺近故迷暗者為所惑深遠故高明者反陷其中也按朱子云楊墨只是硬恁地要做為我

兼愛做得來也淺不能惑人老便是揚氏佛氏有精微動人處從他說愈深愈害人然他劈初頭便錯了如天命之謂性他都把做空虛說了吾儒見得都是實文云昔魏公好佛教夫無如之何此正明道所謂今之人因其高明所以為害尤甚不知這些邪見是壞却世間多少好人破却世間多少好事也

問所謂高明何也 對曰按程子云非中庸所謂極高明如智者過之若是聖人之智豈更有過

問自謂之窮神知化而不足以開物成務言為無不周備實則外於倫理窮深極微而不可以入堯舜之道天下之學非淺陋固滯則必入於此何也 對曰此皆辨異端似是而非也開物成務如三皇五帝始造書契以代結繩教民佃漁稼穡制衣裳宮室舟車之類倫理即人倫之常理也按蔡氏云自

謂通達玄妙實則不可有為於天下自謂性周法界實則外
乎人倫物理堯舜之道大中至正窮深極微是求過之而無
實也淺陋固滯者如刑名功利記誦詞章之類是也學者不
入於淺陋固滯則必入於老佛之空無按歐陽子云易大傳
謂庖犧氏之王天下也能通神明之德以類萬物之情作結
繩而為網罟以佃以漁蓋言其始教民取物資生為萬世之
利此所以為聖人也浮屠氏乃謂殺物者有罪而放生者得
福則庖犧氏遂為人間之聖人地下之罪人矣按廣信祝氏
云自正道之不明而異端之說日盛自聖賢之不生而異端
之害日甚所謂異端非吾所謂道而別為一端者也吾未見
別為一端之道行於世而天下國家之不受其禍也正道如
日月異端直燭火耳正道猶康莊異端直蹊徑耳日月不明
而燭火始得以衛其光康莊既塞而蹊徑始得以通人行誠

能以正道示人則異端之說不攻而自破矣先聖嘗有何憂乎異端孟子若有何惧乎楊墨昌黎若不死何畏乎佛老誠得聖賢常為吾道宗主則異端之害不至浸淫於天下矣故不患異端之說日盛惟患正道之不明不患異端之害日甚惟患聖賢之不生正道務正言以淑世異端則邪說以誣民正道貴時中異端則或過或不及正道以實教人異端以空虛垂訓不有二三聖賢之力天下生民將胥為禽獸之歸矣今之與異端辨者亦惟躬行正道而毋自蹈於邪僻之徑以聖賢之所以自任者任之而不至為其邪說所動而反陷溺焉則正道常明而異端自息矣

問右廣敬身亦有序乎對曰按京兆李氏云廣敬身九三十六章皆古之未有可法於今者首一十六章廣心術之要次五章廣威儀之則次二章廣衣服飲食之制節後二十三

章先論讀書之本先大學次論孟次中庸次六經以至讀書窮理之法借書之禮教人之序是學之辨皆備論之無非廣敬身之要也故附見于此

問善行何謂也 對曰按海虞吳氏云善者德之實行也此篇皆載漢唐宋以來賢者所行之善行亦稽古內篇以實夫立教明倫敬身之意也凡八十一章

問此篇無小序何也 對曰總序在於嘉言之篇首也

問首引呂氏之家訓何也 對曰此立家庭之教也

問呂氏之世系如何 對曰按標題云呂氏河南人其先居山東萊州後在汴京稱南北宅南宅呂龜圖生丞相文穆公名蒙正文穆公有九子北宅呂龜祥生蒙亨生丞相文靖公名夷簡封申國公文靖第四子丞相正獻公名公著字晦叔宋哲宗朝拜相亦封申國公所謂大小申公也按小學外

篇多引呂氏如正獻公榮公及舜從呂舍人即一門祖孫正
獻公生三子長希哲字原明即榮公次希績字紀常次希純
字子進榮公生三子長好問字舜徒次疑問字舜從次切問
字舜察舜徒生四子長本中字居仁即為中書舍人次揆中
次弼中次用中舜察生一子曰撝中弼中生大器大器生祖
謙字伯恭號東萊先生呂舍人有雜志重夢訓東萊先生有
小學辨志錄此北宅呂氏世系大畧讀其書者尚有考焉
問申國夫人何氏也 對曰按標題記云申國夫人魯氏乃魯
參政張特制呂申公宗道之女生三子榮公為長三女范
太史祖禹為長婿也

問正獻公通判潁州歐陽公適知州事然潁州在於何也

對

按標題記云潁州宋徽宗政和六年丙申改順昌府今復
名潁州屬今河南汝寧府汝陽縣歐陽公名修字永叔江西

吉州永豐人英宗朝參知政事賜諡文忠公生於綿州

或知長於隨州今屬湖南老於潁州仁宗皇祐元年己丑

歐公知潁州呂公通判州事按歐公遺事公還朝力薦呂公

由是擢用焦先生名千之字伯強客寓歐陽文忠公家故正

獻公招延之俾教榮公及諸弟按歐陽文集有送焦千之秀

才詩知潁州時作也

問諸生小有過差先生端坐召與相對終日竟夕不與之語諸

生恐俱畏伏先生方東降詞色何也對曰此言榮公與諸

弟或因學業或因言動微有過誤差失先生正坐召使相對

自朝抵暮不與之言待其恐懼畏伏悔悟深切方少舒辭色

以待之其嚴如此

問引唐陽城字元宗北直隸真定府定州人唐德宗時任國子司業之言何也對曰

此以下四章皆實學校尊師重道之教此章事見唐書列傳

問安定胡先生之出處如何

對曰按標題記云先生名瑗字

翼之上世居於海陵泰州故望從安定先生乃泰州屬南

府人今本州有安定書院蘇州為程熙按蔡君謨

作墓誌宋仁宗景祐中為蘇州湖二州教授仁宗皇祐

末年為國子直講管勾太學仁宗喜祐初仕至天章閣待制

仍領學事

問安定之學如何

對曰按朱子云安定開經義齋治事齋亦

非獨只理會這些子如所謂頭容直足容重手容恭許多說

話都是本原安定規模雖少踈然却廣大着實

問安定學甚盛何故無傳

對曰按朱子云當時所講止此門

人受去做官死後便已嘗言劉彝善治水所至興水利按言

行錄載安定在蘇湖二州教學者必以明体適用為本初安

定與孫明復石守道同讀書於泰山攻苦食淡終夜不寢一

坐十年不歸得家書信見上有平安二字即投之澗中不復
長讀其在湖學經義治事有齋仁宗朝劉彝賜對上問曰卿
師何人對曰臣少從學於安定胡先生瑗瑗以道德仁義教
諸東南諸生臣聞聖人之道有体有用有文君臣父子仁義
礼樂歷世不可變者其体也詩書史傳垂法於後世者其文
也舉而措之天下能潤澤其民歸于皇極者其用也國家累
朝取士不以体用為本而尚聲律浮華之詞是以風俗偷薄
臣師瑗當寶元明道之間以体用之學授諸生故今學者明
夫聖人体用以為政教之本者臣師之力也

問明道請修學校之制如何對曰按朱子云明道文集中所
論學制最為有本每讀其書觀其講論學處未嘗不慨然發
歎恨不生於彼時也伊川元祐之所定條制立尊賢堂之類
亦是此意

問其所以誘掖激勵漸摩成就之道皆有節序其要在於擇善修身至於化成天下自鄉人而可至於聖人之道何也 對曰按本註云以言教引曰誘以手扶持曰掖激勵謂激作勵謂勉勵漸如水之浸物摩如石之攻玉成就謂成就其材器也擇善者格物致知也修身者誠意正心修身也化成天下者齊家治國平天下也此皆大學之教也鄉人鄉里之常人也孟子曰我猶未免為鄉人也按熊氏云人皆可以為堯舜聖人之道不過修己治人而已固可學而能也

問伊川有詳學之制何也

對曰按標題記云宋哲宗元祐初

伊川充崇政殿說書先生同孫覿顧臨及國子監長貳看詳

國子監條制文集有禮部駁問數件先生所定大槩如此

問鶴鮮額以去利誘何也

對曰按熊氏云鮮額州郡貢士舊

無定額宋真宗大中祥符八年乙卯因諸道貢舉人數減於

常年初立額州郡貢士始有定額矣

問後世人材不振士風不美在於科舉之法然使使用明道州
實興之論伊川看詳學之制則今之任學校者當科舉中出
豈能遽變而至於道哉 對曰按朱子云明道所言始終本
末次序甚明伊川立法姑以為之兆耳然欲變今而從古亦
不過從此規模以漸為之其初不能不費力矯揉久之成熟
則自然不變矣

問引藍田呂氏之言何也 對曰此等實鄉閭之通相教也按
標題記云藍田秦縣名在今西安府呂氏長大忠字進伯次
大防字微仲次大約字和叔次大臨字與叔兄弟同受業於
伊川橫渠之門

問德業相勸者何也 對曰按本註云德者未見善必行聞過
必改能治其身能齊其家能事父兄能教子弟能御僮僕能

事長上能睦親故能擇交游能守縣介能奮施惠能受寄託
能救患難能規過失能爲人謀能爲衆集事能解鬭爭能決
是非能興利除害能居官舉職是也業者謂居家則事父兄
教子弟待妻妾在外則事長上接朋友教後生御僮僕至於
讀書治田營家濟物如禮樂射御書數之類皆可爲之非此
之類則爲無益也

問過失相規者何也

對曰按本註云犯義之過失凡六

一曰
對博鬭訟二曰行止踰違三曰行不恭遜四曰言不忠信五
曰造言誣毀六曰營私太甚不修之過失凡五一曰交非其
人二曰游戲怠惰三曰動作無儀四曰臨事不恪五曰用度
不節

問對博鬭訟何也

對曰按朱子云對謂縱酒喧競博傳謂賭博

財物鬭謂鬭毆罵詈訟謂告人罪惡意在害人誣賴爭訴得已

不得已者是也

問行止踰違何也

對曰按朱子云凡踰禮違法衆惡者皆是

也

問行不恭遜何也

對曰按朱子云凡侮慢恣德待人長短時

強凌人知過不改聞諫愈甚者也是也

問言不忠信何也

對曰按朱子云或爲人謀事陷人於惡或

與人要約退則見之或妄說事端惑衆听者是也

問造言誣毀何也

對曰按朱子云凡誣人過惡以無爲有以

小爲大面是背非或作嘲諷匿名文字及發揚人之私隱無

狀可求及喜談人之舊過者是也

問營私太甚何也

對曰按朱子云凡與人交易傷於括克事

務進取不恤餘事無故而好干求假貸受人寄託而有所欺

者是也此以上爲犯義之過失矣

問交非其人何也

對曰按朱子云所交不限士庶但凶惡及

游惰無行聚所不齒而已朝夕與之游處者是也

問游戲怠惰何也

對曰按朱子云游謂無故出入及謁見人

止務閑適者戲謂戲笑無度及意在侵侮或馳馬繫鞦而不

睹財物者怠惰謂不修事業及家事不治門庭不潔者是也

問動作無儀何也

對曰按朱子云九進退太踈野及不恭者

不當言而言及當言而不言者衣冠太華飾及全不完整或

不衣冠而入街市者是也

問臨事不恪何也

對曰按朱子云謂王事廢忘期會後時臨

事怠慢者是也

問用度不節何也

對曰按朱子云謂不計有無過為侈費者

不能安貧非道當求者是也此以上為不修之過失矣

問礼俗相交者何也

對曰按本註云謂婚姻喪葬祭祀往還

書問慶弔之禮是也

問患難相卹者何也

對曰按本註云一曰水火二曰盜賊三

曰疾病四曰死喪五曰孤弱六曰誣枉七曰貧乏

問水火何也

對曰按朱子云小則遣人救之甚則親往多率

人救且吊之也

問盜賊何也

對曰按朱子云近者同力追捕有力者爲告之

官司貧則爲之助出募官也

問疾病何也

對曰按朱子云小則遣人間之甚則爲訪醫求

藥貧則助其養疾之需也

問死喪何也

對曰按朱子云闕人則助其葬戮貧則贈及

爲之借貸也

問孤弱何也

對曰按朱子云孤遺無依者若能自贍則爲之

匡覈籍其出納或聞於官司或擇人數之及爲求婚姻貧

能存者叶衆力以濟之無令失所若有侵欺之者衆人力為之辦理若稍長而放逸不檢亦防察約束之無令陷於不義也

問誣枉何也 對曰按朱子云有被人誣枉過惡不能自伸者勢可以聞於官府則為言之有方畧可以救解則為解之或其家因而失所者衆共以財濟之也

問貧乏何也 對曰按朱子云有安貧守分而生計大不足者衆人聚財以濟之或為之借貸置產以歲月償之也按熊氏云若及也悛改也有不改則絕之使不與詰於約也此即古者族師月吉書孝悌之遺意書其善者而勸之書其惡者而戒之則人心孰不興起於善哉按何氏云朱子嘗為之更定鄉約約誓而勸勉之也有每月朔旦會集讀約之礼而置約正與副以主之今不敢悉取惟以增損其本文止將過失相規惠難

相卹條目附載於下生者有所考焉

問引明道之言

乃伊川所作

何也

對曰按葉氏云此章言教

人之法本末備具而循序漸進惟恐學者厭其卑近而務於

高遠至於輕肆自大而實無得其所以垂勉戒之意深矣

問右實立教亦有序乎

對曰按京兆李氏云首二章實家庭

之教次五章實學校之教後一章實師弟子之教其序畧與

立教同也凡八章

問引江革之事何也

對曰舉此以下十章皆實父子之親

而此下四章是言人子善處變而盡乎孝者也

問江革之出處如何

對曰按標題記云江革字次翁一字休

映後漢臨

沛邑屬山

東青州人少失父獨與母居王莽末世亂兵起

革負母出避母嘗乘車恐動革自入車中負轅徐牽之常採

拾草木之實以為養既而轉客下邳

即徐州今屬南直隸淮安府世祖建

武中天下平定華奉母孀鄉里鄉人稱之曰江巨孝事詳見漢書列傳按京兆李氏云處常為易而處變為難處他人為易而處家為難在古則易而居衰世為尤難若江革薛包諸子之行可謂衰世之中善處變而能盡乎孝者也史傳載之獨行非朱子表而出之又何以為人子之勸哉

問薛包之山處如何

對曰按標題記云薛包字孟嘗後漢汝

南

即舊何南汝

人好學篤行安帝聞其孝行建光元年辛酉

公車徵至拜侍中包性恬虛稱疾不起賜告歸鄉里加禮如毛義米千石歲以長吏而問起居頗以幣帛珍重年八十餘以壽終詳見漢書列傳按京兆李氏云若汝也指弟子而言頗憂傾之狀蓋子之於親一體而分如魚依水不能斯須相離也離則冠矣兄之於弟分形連氣如手之與足不能不相愛也不相愛則傷之者至矣包之不幸始也父出之積歲

餘而始還之終也弟子求分異居之雖中分其財卒復賑給之可謂善處所難而不失其正後世父子異居以為順命兄富弟貧而不相救濟以為衣食各異者其可哉

問王祥之出處如何

對曰按標題記云王祥字休徵琅邪臨

沂今屬山東兗州府沂州知縣

人漢王吉之後性至孝初仕魏後仕晉位

居三公以壽考終焉五子長曰肇次曰夏次曰護次曰烈幼曰分第覽字玄通仕至光祿卿孫王導興於江左祥覽事皆見晉書列傳及司馬溫公家儀按朱子云王祥孝感只是誠發於此物感於彼王祥自是王祥魚自是魚世間事雖千頭萬緒其實只是一箇道理理一分殊之謂也到感通處自然首尾相應或自此發比而感於外或自外來而感於我皆一理也

問王裒備元父儀之事可得聞其詳歟對曰按本註記云安東

將軍即司馬昭也儀為司馬昭參謀軍事之官東關之敗魏
嘉平四年壬申吳諸葛恪敗魏師于東興削昭之爵是也誰
任其咎言誰當其罪也元帥指昭也孤昭自稱也謂儀司
馬之職實參軍之謀何歸罪於我事見晉書孝友傳按標題
記云司馬氏懿生師師生昭昭生炎昭即安東將軍炎於魏
咸熙二年乙酉廢元帝為陳留王炎乃自立是為晉世祖武
帝追謚司馬昭曰文帝按朱子云王儀為司馬昭軍師昭殺
之雖無事衷仕晉猶有可說而衷不仕乃過於厚也

閻晉西河王延之出處如何

對曰按標題記云西河漢郡名

元魏改汾州後周改介州唐初名浩州後復名汾州今屬山
西大同府汾州介休縣王延字延元事親色養有繼母卜氏
盛冬令延求魚延於汾河叩頭而哭有魚躍出持之以進卜
氏大悅撫延如己生事見晉書孝友本傳

問引柳氏之家訓而言崔山南之事何也 對曰此實明倫

婦事舅姑之孝也

問山南之出處如何 對曰按標題記云崔山南昆弟唐世系

傳陵郡屬北直隸真定府定州是也第一房崔興宗生攜携妻長孫夫人生

懿懿妻唐夫人生題題生八子世比皆龍長名琯字從律為

山南西道屬今湖南常德府節度使故以山南拂之事見厥嗣崔珙

催詹家傳

問引南齊蕭梁庶幾之事何也 對曰此實明倫人子事親

之孝也

問庶幾之出處如何 對曰按標題記云庶幾字貞父名

易字幼簡生三子長曰庶幾次於音陵陵次有吾厚音厚厚

今屬湖廣荆州公安縣庶幾為是邑之令事見南史齊書

傳

問小學載庶黔姦父病每夕稽顙北辰求以身代數日而愈果
有此應之理否 對曰按朱子云禱是正理自合有應不可
謂知其無是理而姑爲之也按海虞吳氏云禮疾病行禱五
祀之神蓋臣子迫切之至情而黔姦之禱北辰求以身代其
孝誠感格爲何如哉後世罔知禮義崇信妖巫淫覲不務近
醫合藥而專禱淫昏之鬼正吾夫子所謂非其鬼而祭之詔
也豈安有其應哉愚聞伯父雲泉云北辰即北極也中紫微至
至尊之星故朱子所謂禱之是正理自合有應矣

問引海虞令何子平之事何也

對曰此言人子居喪憂癯之

禮也事見南史宋孝義傳

問子平之出處如傳

對曰按標題記云海虞晉縣名至隋併

之今屬南直隸蘇州府常熟縣子平劉宋時會稽人即古越
州今屬浙江紹興府大明乃宋孝武帝年號按大明八年甲

至宋明帝泰始七年辛亥九年東土乃會稽之郡號也
子平因浙東之士饑荒繼以師旅母喪經八年之久猶未及
葬每哀毀哭踊則遽然氣絕而後蘇醒露臂括髮結其髮而垂於背後也常如初喪之禮冬不求暖夏不求涼食不求飽
居室不蔽風雨子乎其純孝乎哉後蔡興宗為會稽郡守子守土舉郭原平等奉行憫子平之哀苦為之營建塚壙以
葬其母興宗其亦可謂賢乎

問引朱壽昌之事何也 對曰此言人子處變之道也

問壽昌之出處如何 對曰按標題記云壽昌字康叔揚州天
長縣人天長今屬南直隸鳳陽府泗州之邑父名異嘗為雍
州之守後鵠江壽昌年七歲父出其生母劉氏嫁之民間既
長知之故行四方以求焉雍州漢為京兆府晉魏隋因之唐
初改為雍州玄宗開元中仍為京兆宋初改為永興軍徽宗

宣和間復名京兆今屬陝西西安府是也熙寧乃宋神宗年號
秦即古雍州也又官於雍之秦地故入秦求母同州漢為
翊乃京兆輔郡西魏改同州今西安同州郃陽是也時中丞
李定不服所生母喪及壽昌尋得母歸士大夫多以詩歌美之
東坡為序李定大恨之東坡歌云嗟君七歲知念母憐君壯
大心愈苦感君臨老得相逢喜極無言淚如雨不羨白衣作
三公不愛白日生青天愛君五十着綵服况得得償當年
云錢明選字子飛乃錢希白之子時為雍州守以壽昌棄官
尋母之事奏以上聞神宗命其就職由是壽昌孝行天下無
不知也壽昌嘗兩為閬州驛政為閬中縣今及廣德軍分
隸他州屬南直守以其養親便近故令通判河中府屬山西
陽府蒲州唐玄宗開元八年庚申改名河中府與後母卒而
同州最近乃便於養親故不為郡守而但為通判後母卒而
有白鳥集墓服除又知鄂州府屬武昌縣蓋壽昌之孝於親

盡恩意於宗族非出於天性其能然乎哉

問引伊川遺書之言何也

對曰此言治喪不用浮圖一作屠一本

議不也

問治喪不用浮屠或親在而親意欲用之不知當如何處

對曰按朱子云且以委曲開釋為先如不可回則又不可拂親之意也

問引霍光之事何也

對曰舉此以下八章皆實君臣之義也

問霍光之出處如何

對曰按標題記云光字子孟河東平陽

州屬山西蒲州河津縣

人仲孺之子以兄去病任為郎光受漢武帝遺

詔擁昭立宣仕至大將軍出入禁闥二十年之久而行不失

尺寸其小心謹慎為人沈靜不浮詳書不粗可知矣事詳見

漢書列傳

問汲黯之出處如何

對曰按標題記云黯字長孺漢陽人也

辨大略辨開人漢景帝時為太子洗馬之官洗先也太子出則當前駐道威儀也事詳見漢書本傳

問武安侯田粉之出處如何

對曰按標題記云武帝諱徹景

帝中子七歲立為太子十六歲即位封太后王氏同母弟田

粉勝為丞相丞承也田粉勝也漢制以俸祿為階級有中

二千石二千石至百石之不同中二千石月俸一百八十石

歲俸踰二千石故曰中也中二千石九卿之官粉見之亦弗

為禮黷性剛直見粉不拜惟揖之而已

問內多欲而外施仁義何謂也

對曰按真氏云夫堯舜無欲

者也武帝好征伐好聲色好刑名好財利好神仙是多欲者

也多欲則邪念紛紜本心流蕩而欲效唐虞以施仁義其可

得乎按京兆李氏云人臣事君之義豈必有犯而為忠乎有

犯者處變之道人臣所不得已也與其有欺不若有犯而為

愈也故先聖之立五諫以慤為下汲黯之諫蓋以是哉然武帝之怒汲黯非辱之也特惡其剛直激亢揚己之過爾吁徒知敬禮而不能用其言卒為多欲之君也

問嚴助貢青公孫弘之出處如何對曰按標題記云嚴助會稽錫縣屬浙江人東漢有莊光子陵後避明帝諱史改莊為嚴貢育皆古之有力者孟貢夏育也衛青字仲卿姊為武帝后青為侍於禁中之官黯與亢禮或曰大將軍誠重不可不拜黯曰大將軍有揖客反不重耶青聞益賢之公孫贗姓弘名也黯初列九卿時公孫弘為小吏及弘為丞相黯見武帝曰陛下用群臣如積薪後來者居上蓋武帝於大將軍丞相之賢重待之亦薄獨特黯之禮甚重則黯見知於帝有素矣惜乎徒能敬禮而不用其言也

問上踞廁視之本註云踞擲物坐也則何氏云踞廁顏會註云

居高臨邊垂也如淳集覽云廁音側謂床邊側也胡氏云山
岸也據此諸說何其不同歟 對曰當以本註為是古者天
子見大臣則當攝座為起然則踞廁者蓋輕之也

問武帳何謂也 對曰武帳帝所坐之帳以其置兵衛於帳前
故名之一說帳織為武士之象亦通

問魏遼東公翟黑子有寵於太武之事如何 對曰按標題記
云魏元魏也拓跋魏興自詰汾其後孝文帝始自立姓為元
氏太武世祖無也黑子姓翟奉使并州今屬太原獻賦受布千
匹事覺帝怒殺之事見北史本傳

問著作郎高允之出處如何 對曰按標題記云高允字伯恭
小時崔宏嘆曰高子黃中內潤文明外照一代偉器也高允
事魏太武文成獻三朝允從子昂字叔曹有膽力與允同仕
允嘗對太子曰史籍乃帝王之寶錄至於書為朝廷起勳之

迹言國家得失之事此為史之本體不可隱微允事文成帝呼令公而不名事獻文帝興學校年九十八而卒

問太子誰也

對曰按標題記云太子武帝長子名晃也太延

元年乙亥立為太子後監國知萬機至正平元年辛卯卒太武嫡孫立是為文成帝追尊父晃為景穆帝

問崔鑒公孫質及崔浩之出處如何

對曰按標題記云崔鑒

字神具公孫質字子正時皆為侍郎崔浩字伯深崔宏之子有鑒識明元太武之世拔用遠方名士皆浩所為時位司徒太武神龜二年辛巳集諸文士撫錄修撰元魏先代國書浩等叙成三十卷令史閔湛等誦浩請立石刻文以彰其直筆人有忿毒者構浩於太武及浩誅殺於太平真君十一年庚寅

夏六月

問李君行先生之出處如何

對曰按標題記云先生名潛

州興國人三子皆中進士李朴字先之學於程氏官至符制
贈君行開府儀同事見呂氏童蒙訓度州宋高宗紹興二十
一年辛未改名贛州府屬江西

問泗州在於何也

對曰泗州郡名屬兩直隸鳳陽府是也

問京師在於何也

對曰京大也師衆也言天子之都大而且

衆也按標題記云京師謂開封府隋唐爲汴州梁開平元年
丁卯升爲東京開封府宋因之爲汴京又爲汴梁路今屬河
南開封府

問崔玄暉之出處如何

對曰按標題記云玄暉名暉父慎字

行謹按唐世系記云博陵第二房母盧氏戒玄暉時爲戶部

員外郎後相武后中宗謚文獻三世同財事見唐書列傳

問博陵在於何也

對曰博陵郡屬北直隸真定府定州是也

後封玄暉爲博陵郡王

磨盤器之出處如何

對曰按標題記云劉特制名安世字器

之大名府

直隸北

元城縣人世稱元城先生初登科時宋神宗

熙寧六年癸丑余中榜進士及第不就選從溫公學數年始

授洛州司法官至諫議大夫寶文閣待制賜諡思定公事見

雜錄及晁氏家語

問張觀參政誰也

對曰按熊氏標題云張觀參政諡文孝按

呂氏雜錄及言行錄皆作李若谷參政

問緩之一字何訓釋也

對曰按本註云緩謂緩於處事然緩

非迂緩之緩蓋欲遇事從容而詳審也故張公復因後生之

問遂正色以天下之事皆因忙後錯為斯言也可謂簡要切

當而不可易者乎

問伊川遺書言安定門人往往知稽古愛民矣則於為政也何

有何謂歟

對曰按本註云稽古即經義齋之事也愛民即

治事齋之事也言講道有素其於為政臨民又何難之有哉
愚按安定教人本末詳見元本卷實立教第四章劉彝奏對語
問呂舜從之出處如何對曰按標題記云舜從名疑問榮公
第二子守官會稽事見呂氏童蒙訓蓋榮公平生未嘗求舉
於人故舜從克紹父志嘗曰職事不敢不勤他事不敢不慎
此雖不求知而人必自知也先聖有曰不患莫己知求為可
知也舜從似之

問會稽在於何也對曰按標題記云會稽秦時郡名隋改越
州宋高宗紹興元年辛亥改為紹興府又為越州路今屬浙
江紹興府會稽縣是也

問引列女傳漢陳孝婦孝婦後漢時人姓陳未詳其名之事而載於是書何也
對曰舉此以下五章實夫婦之別也

問淮陽在於何也對曰按標題記淮陽國後為陳郡後周立

陳州隋唐因之宋徽宗宣和元年己亥改為淮寧府後復各
陳州今屬河南開封府陳州是也

問復之終身無所悔何謂也

對曰按本註云復之除之也誠

其役此其難九明言淮陽太守以孝婦聞之於朝因遣使賜

金且又復除其家之戶役以終孝婦之身無所干與故當時

稱號曰孝婦

問漢鮑宣

妻桓氏字少君桓氏之父史失其名蓋

之出處如何

對曰按標題記云宣字子都前漢渤海

南古邑名今屬山東

人哀帝時任為諫議大夫累上書極諫帝以宣名儒優容之

後拜司隸校尉不避權勢為正其所言宣之子名永世祖光

武時為將

郡屬山東

太守未之子名昱嘗從容問祖母桓氏

曰太夫人寧復識挽鹿車時否少君曰先君有言

吾安敢忘哉事詳見後漢列女傳

事見晉書列傳

問晉右僕射鄧攸之出處如何 對曰按標題記云攸字伯道

平陽人少孤與弟同居晉司馬氏初都洛陽

晉後都建康即今建康為東晉攸過江東即江亢而為西

元帝時求嘉西晉懷帝年號石勒字世龍本匈奴人父桑為立

姓名後稱趙王是為後趙

問泗水在於何地 對曰泗水觀熊氏言在淮南即今南直隸

鳳陽府之泗州而有泗水驛為證非山東兗州之泗水蓋石

勒之亂南奔江左矣按本傳記云是日過泗水攸棄己子及

暮子復追及明日繫之於樹而去攸棄子之後妻不復孕過

江納妾訊其家乃攸之甥攸素有行聞之感恨遂不復畜妾

至晉成帝咸和元年丁亥而卒史臣曰棄子存姪緩以義堂

恩若力所不能自可割情何至預加於微纒絕其奔走斯定

慈父仁人之心卒以無嗣宜哉

問庾衮之出處如何

對曰按標題記云咸寧晉世祖武帝之

年號庾衮名字淑襲

味辭色

居次兄名毗乃明穆皇后之

族初衮父常戒衣酒每醉輒自責曰柰何廢我先訓於墓前
自杖之衮貧作官賣以供養於母母見其勤苦曰我無所食
衮曰母食不其衮將何居母感而安之州郡察舉皆不就時
號衮異行事詳見晉書孝友傳

問楊播之出處為何

對曰按北史列傳記云楊播字延慶

居何

事元魏孝文帝為平東將軍楊播字延壽位至司徒

楊津字羅漢為司空楊津俱事明太后按標題記云楊播戒

子孫有言吾兄弟在家必同盤而食若有近行不至必待其

還亦有過午不食忍飢以相待君兄弟八人今所存者三不忍

別食也聞汝兄弟時有別齋獨食者又不如吾一世也又按

史傳所記仕魏以來高祖而下七郡守三十二刺史當時顯仕者少比焉

問並登台鼎何謂也 對曰按本註云台三台鼎鼎鼎乃三公之位上應三公以司鼎足而分故當時稱為台鼎謂攝位司徒津位司空皆三公也蓋兄弟年過六十則皆老矣並登三公則皆貴矣而弟朝夕謁問兄不命坐弟終不坐所謂相事如父子者是也

問肆州在於何也 對曰按標題記云肆州在河東之代州元魏因鴈門代郡立繁時郡北齊宇文周改立肆州隋文帝開皇間改為代州今山西太原府代州是也

問牛弘之出處如何 對曰按標題記云弘字里仁安定鶉泉人第名弘好酒而事隋為吏部尚書而六部之名蓋自隋始也事見隋書列傳

問安定在於何也

對曰按方輿勝覽記云安定郡屬陝西平

涼府涇州靈臺縣鶉觚乃弘所居之村也

問李績之出處如何

對曰按標題記云績字懋功曹州人本

姓徐唐賜姓李嘗疾醫云用龍鬚鬚和灰可治太宗自剪鬚

以和藥仕至左僕射

音夜乃唐字

高宗封為英公事見唐書

列傳績子震震子敬業亦仕於唐

問曹州在於何也

對曰按方輿勝覽記云古曹州今屬山東

兗州府曹州曹縣是也

問溫公之兄伯康亦曾仕乎

對曰按標題記云溫公之兄伯

康嘗仕為郎中致政為群從鄉飲書講學事見范太史文集

問近世故家惟晁氏誰歟

對曰按標題記云晁氏名迥字明

遠宋初澶淵人後徙濟州鉅野贈太子太保謚文元公子宗

慤字世長仁宗朝為叅知政事謚文莊公諸孫名在史傳者

補之無處說之字以道號景迂第說之字之道更詳見呂氏
童蒙訓

問近世何謂也 對曰晁氏乃宋初近代故舊之家故謂之近
世也

問澶淵濟州鉅野在於何也 對曰澶淵按史記註云古澶州
今改名開州屬北直隸大名府開州長垣縣濟州今山東兗
州府濟寧州鉅野縣是也

問引包孝肅公之事何也 對曰此一章以實朋友之信事
出呂氏童蒙訓

問善行篇實明倫似少朋友條何也 對曰按朱子云當時是
衆編類來偶缺此爾

問包孝肅公之出處如何 對曰按標題記公名極字希仁廬
州合肥直隸南人舉進士為京兆尹今屬陝西仕至三司使

副使賜謚孝肅按呂氏家塾記云包孝肅公尹京時令侍禁
止天下呼包待制又呼包家市小民指狗私者曰一箇包家
指貪汚者曰一箇司馬言包不徇私情司馬不貪財也筆談
云包公天性剛嚴未嘗有笑容時言包希仁笑比黃河清詳
見呂氏童蒙訓

問引萬石君石齋之事何也 對曰舉此以下一十章實明倫
之通論也

問石齋之出處如何 對曰按標題記云石氏漢初趙

齊人也

人徙居長安

西也屬漢西

事高文景武四帝奮父子五

人同時皆位至二千石故號曰萬石君石齋

其字詳

四子長建

次甲次乙次慶後為相國景帝曰石君及四子宜一千石人

臣尊寵舉集其門後為仕至二千石者九十三人事見前漢

列傳

問子舍何謂也 對曰寢室邊小房也

問中君廁牕何服也

對曰中君今之內小衣也廁牕亦近身

之小衣俗謂之袴褌註為汗衫恐非也此謂健年老已貴休
暇則私問侍者取親裏衣躬自洗濯而不欲親知者蓋盡已
之心而又欲親心安也况非純孝而能若是乎

問疏廣之出處如何

對曰按釋題記云疏廣字仲翁兄子受

字公子漢東海蘭陵

東海即今東南直隸淮安府海州是人也蘭陵未詳恐疑是東海之郡号

太子名奭宣帝許后所生宣帝地節三年甲寅立為太子疏

廣為大傅兄子受以賢良舉為太子家令宣帝幸太子宫受

迎謁應對閑雅遂詔為少傅太子年十二通論語孝經廣謂

受曰知足不辱知止不殆功遂身退天之道也豈如相隨出

關歸老故鄉受叩頭曰從大人議遂上疏於是公卿故人相

道古之行若必有相道之榮榮東都門外送者車數百兩道畢感飲而後行故謂之祖道

路觀者皆曰賢哉二大夫事詳見前漢列傳

問龐公之出處如何 對曰按標題記云龐公字德公襄陽

人本居峴山之南後挈家入鹿門山內採藥不還劉表

字景升乃漢宗室時為荊州刺史嘗候問之龐公答

之云云事見後漢逸民傳

問淵明之出處如何 對曰按標題記云淵明字元亮鄱陽

人後徙潯陽 古邑各屬江西今江西 之柴桑 地乃

陶侃之孫也侃字仕行生茂麟茂麟生潛潛生五子長曰舒

字子儼次曰買字子俟次曰雍字子份次曰端字子佚勿曰

通字子佟按張續云先生作孟嘉傳又系程氏妹而補淵明

至宋文帝元嘉中對檀道濟始補潛蓋在晉名淵明在宋名

潛俱字元亮南史補潛字淵明非也彭澤縣屬江州即江西

九江府彭澤縣晉安帝義熙三年丁未知劉裕將誅慕容

官遂賦歸去來辭云云事見晉書列傳

問崔孝芬之出處如何

對曰按標題記云唐崔氏傳陵第二

房崔挺字雙根弟振未詳其子妻李氏挺生二子長孝芬字

恭梓仕至太常卿弟孝師為趙郡太守事見北史崔挺傳

問王凝之出處如何

對曰按標題記云王凝字叔恬文中子

之弟也唐太宗貞觀初釋褐為監察御史劾侯君集出為胡

蘇蘇始姑蘇今屬南直蘇州府吳縣是也今號太原府君事見陽明篇按王氏世

系始祖漢徵君王霸十七代孫其銅川府君名隆字伯高生

五子長防城府君次通字仲淹號文中子次凝字叔恬次績

字無功號東臯子次靜字保明仲淹生二子長福郊字福時

福時生六子長勵次勳次勤字子安次助字子功次劼次勸

俱有文名見於唐史

問張公藝羣睦之事可得聞歟

對曰按唐書孝友傳云公藝

未詳東平

齊郡東平州

壽張

巨野縣

人自北齊東安王末

隋大使梁子恭皆尉尉撫表其門閭至唐高宗麟德中東封泰山幸其家召見公藝賜以綵帛問其睦族之道公藝書大小忍字百餘以獻蓋謂睦家睦族不過大忍小忍而已責望乖爭皆起於不能忍也

問韓文公作董生行見於何書

對曰按昌黎文集記云公名

愈字退之南陽

龍興人

唐穆宗長慶間仕至吏部侍郎

卒謚文忠神宗元豐七年甲子追封昌黎伯詔升從祀夫子

廟庭董生名召南壽州安豐人隱居行義以孝慈肅德宗貞

元元年乙丑韓文公有送董生遊河北序言董生舉進士連

不得志於有司而此詩叙其孝慈之行按東坡文集有詩云

君不見董召南隱居行義孝且慈天公亦恐無人知故令雞

狗相哺兒又令鶴老為作詩邇來三百年各處淮水東南馳

開壽州安豐在於何也

對曰按方輿勝覽記云壽州安豐古

六國秦屬九江郡漢屬六安魏為安豐郡唐屬惠州宋為安

豐軍今屬南直隸廬州府六安州是也

問淮水出桐栢山在於何也

對曰按標題記云桐栢山在古

唐州今屬河南南陽府唐縣乃淮水所出之處淝水在南直

隸廬州府合肥縣此言淝水不能千里以與董生居下不能

施遠也

問前云誰將與儔後云無與儔何也

對曰按朱子韓文考異

云上云誰將與儔疑而問之之辭也下云無與儔告而決之

之辭也

問柳公綽之出處如何

對曰按唐宰相世系表云柳子溫耀

州屬陝西西安府人

嘗為丹州刺史子溫生公綽公權公諒

三子子溫之兄子華生公器公度二子公綽字誠思官至

太

部尚書江南

寧屬武陽府

河東

屬山西平陽府蒲州是也

總領族

而娶開元

年

宗相國韓休

曾孫韓皋之女夫人生一

子四孫子仲郢字諭蒙憲宗元和末進士及第武宗時為諫

議大夫拜京兆

屬陝西西安府

尹知吏部銓宣宗大中十二

年戊寅又為河南

屬河南府洛陽縣是也

尹劔南

屬四川保寧府節度使

懿宗咸通五年甲申為太平

屬廣西太平府

節度使仲郢長

子璞為著作即次子珪為衛尉少卿三子壁為右諫議大夫

四子玘為御史大夫公權字誠懸為太子太保子仲憲仲憲

之子名璵璵小璵書外篇多引柳氏一門之事今按宰相世

系表述其大畧矣事見溫公家範

問丹州在於何也

對曰按方輿勝覽記云丹州在漢為上郡

元魏為義州後改

丹陽又為丹州唐宋因之今屬南直隸鎮

江府丹陽縣是也

問江州陳氏之出處如何

對曰按五代史記云南唐江州陳

褒十世同居長幼七百餘人而不置奴婢日會食堂上男女

未冠笄者別席鄉鄰感化其德昇元補唐驛初江州以閩南

唐主命復其家表其門閭至宋太宗時一十八世而不分居

按南唐節義傳載陳褒乃大唐憲宗元和給事陳京之後也

問江州在於何也

對曰按方輿勝覽記云晉隋為江州唐宋

因之今屬江西九江府德安縣是也

問李相昉之出如何

對曰按標題記云公名昉字明遠深

州古深州今屬北直隸

饒陽屬深州所人宋太宗朝兩入相

而為司空以致仕賜謚文正子宗諤字昌武中進士登第真

宗景德二年乙巳為翰林學士真宗嘗謂宰相曰國朝將相

家能自立不墜門閥者惟李昉及曹彬家按文正公子孫世

科宗諤二子長昭述次昭遠昭遠子杲卿杲卿子士廉宗諤

昭述拜世學士昭遠果卿士庶三世狀元事詳見溫公家範
問右實明倫亦有序乎 對曰按京兆李氏云程子嘗言大凡
為學者學處患難貧賤若富貴榮達即不須學也蓋實明倫
四十五章皆言處禮之變首一十章實父子之親次八章實
君臣之義次五章實夫婦之別次一十章實長幼之序次一
章實朋友之交後一十一章以實明倫之通論也
問引第五倫之事何也 對曰舉此以下一十四章皆實心術
之要也

問第五倫之出處如何 對曰按標題記云第五覆姓齊田氏
之後名倫字伯魚漢京兆長陵京兆屬縣西西安縣屬縣
人也人章帝時為司空蓋倫以公正稱或人疑其不能無私故
以為問也事見後漢列傳

問以第五為姓何也 對曰漢初徙國者多以次第為記故以

第五為氏語見本傳

問人之心果有私乎 對曰按朱子云如人遺之千里馬雖不

受後來薦人未嘗忘之後亦竟不應不薦自是好然於心終

不忘便是喚他取舉意思不過這便是私意又云如十起與

不起便是私這便是避嫌只是他見得這意思已是太段做

工夫太段會省察也按程子云不特安寢與不安寢只十起

與不起便是私也父子之愛本是公纏着些心便是私也

問劉寬之出處如何 對曰按標題記云劉寬字文饒東漢弘

農弘農人也 人嘗為南陽太守不忍施刑吏民

有過但以蒲鞭鞭而西安府華示罰每見父老慰以豐里之言而見少年勉

以孝悌之訓人皆悅而化之後為太尉事見漢書列傳按京

兆李氏云程子嘗言人之情易發而難制者惟怒為其第能

於怒時遽忘其怒而觀理之是非亦可見其外誘之不足應

而於道亦思過半矣若劉賓者雖由性度之美如此亦可謂
遷志其然而觀聖之是非矣學者宜師之

問張湛之出處如何

對曰按標題記云張湛字季孝東漢扶

風縣人

人矜嚴好禮動止有則居處幽室必自修

整雖遇朝聘妻子若嚴君焉事見後漢列傳

問三輔以為儀表何謂也

對曰湛嘗為三輔之官儀範也表

率也京兆扶風馮翊之三郡乃京都附近之地也按餘姚夏

氏云京大也天子而有兆民故曰京兆扶風言扶助天子之

風化也馮翊言依馮而輔翊京師也按黃氏圖云三輔者謂

主爵中尉左右內史漢武帝大初元年丁丑改主爵中尉為

京兆尹左內史為左馮翊右內史為右扶風而為三輔共治

長安城中至光武時扶風出治槐里馮翊出治高陵

問京兆扶風馮翊高陵平陵槐里諸郡在於何也

對曰按方

唐勝覽記云京兆乃藍田縣馮翊乃同州高陵即高陵縣平陵即興平縣並在西安府扶風邑在鳳翔府槐里未詳所屬何郡姑闕無考矣

問望寺門而步何數對曰按本註云寺者官吏所止之處淳
署入中國寄寓鴻臚後因以所居曰寺也此曰寺門乃湛平
陵卿郡官府之居如漢太常光祿衛尉太僕大理鴻臚宗正
司農太府九卿寺之類矣湛以夫子大聖居卿黨其禮猶若
是蓋湛扶風人自光武建武初為左馮翊告歸平陵皆在長
安故曰父母之國而過寺之公門宜當下車以盡禮哉

問楊震之出處如何

對曰按標題記云楊震字伯起東漢弘

農

考之方輿勝覽記云弘農屬陝西西安府華州是也

華陰人明經博覽諸儒語曰關

西

夫三楊伯起年五十始仕遷荊州

府屬刺史又遷東萊

東萊州

太守當之郡道經昌邑故所舉荊州茂才王密為昌

邑令昌邑漢武帝少子所封王賀國除立山陽郡後改并行
金鄉縣有昌邑王故城今屬山東萊州府平渡州是也事見
漢書列傳

問故人知君君不知故人何說歟 對曰故人楊震自謂也君
者震稱王京兆掾密茂才而為國用是故人知君之賢觀金
遺震以私謝是君不知故人之心矣密答之以莫夜無知
者欲震之受也則可見密之心不公矣下文震遂以四知答
之蓋密以利來震以義責故密宜當懷愧而去矣

問楊震四知只是一箇敬畏歟 對曰然按朱子云幾既動則
己必知之己既知則人必知之按熊氏云君子之德明不欺
天幽不欺神內不欺心外不欺人豈可特行於昭昭之際
昧心於冥冥之間乎按海虞其氏云楊震明經博覽年五十
始仕忠清亮直 時之士莫有能及其薦賢在於報國密

利為謝而密之負震多矣此知人所以難也後震仕安帝為
司徒汧太尉而卒子秉孫賜曾孫彪四世皆位三公以清白
名著

問茅容郭林宗之出處如何

對曰按標題記云茅容字季常

東漢陳留

詔屬河南開

人年四十餘耕於野與等輩避雨樹

下衆皆夷踞

謂躡蹠而坐也

相對容獨以足

反

高着膝而坐愈恭

郭林宗名恭太原

詔屬山西

人性和平於知人見容舉止獨

與衆人異故與之語而宿其家容殺雞奉母而以蔬食與之

共食故林宗起拜稱賢而勸之學後容遂為成德之士豫章

徐穉字孺子到江夏黃瓊葬祭畢而去不告姓名林宗選

能言諸生茅容追及於途容為設飯臨去謂容曰為我謝郭

林宗云云及林宗有母憂穉往置生芻一束於墓前祭畢而

去曰此必南州高士徐孺子也其知人類此事見漢書列傳

問茅容因林宗之勸以學廢後果成德歟 對曰學力至豈有不成耶按朱子云美質易得至道難聞學之至則可以為聖人不學則不勉為鄉人而已可不勉哉按熊氏云天下之人資質之美者固多但不知務學所以不能有成非遇先達明哲之士獎勵而造就之鮮有不湮沒者故非郭林宗則何以知茅容也

問陶侃之出處如何 對曰按標題記云陶侃字士行鄱陽

廬人

後徙潯陽鄱陽縣江州彭澤之柴桑侃性聰敏

恭勤初為廣州

府屬

刺史時東晉立國江左中原之地盡為

劉石所據侃欲致力興復然恐廣州事簡習成安逸故朝夕

運甓

也

以勤力而勵志也後為荊州晉治南郡屬江陵

刺史事見晉書列傳

問蒲博何器也 對曰蒲博局戲也如雙陸之類按他書記云

十篇名曰冲虛至德經又謂之列子書莊子名周字子休

州蒙邑

今為考城縣屬河南開封府睢州是也

人在戰國之初與孟子同時隱

遁而放言者也嘗為蒙邑漆園之吏楚威王厚幣迎之以為相莊子絕之終身不仕所著之書自分為內篇外篇雜篇內篇七外篇十五雜篇十一凡三十三章十餘萬言雖其分別次第如此而所謂寓言重言卮言三者通為一書其書最難讀筆端較舞變化不常其言每每過高况語脉機鋒多如禪說故自謂之南華經又謂之莊子書

問莊子比之老子較平帖也

對曰按朱子云莊子最跌蕩老

子較收斂莊子却將許多道理掀翻說出不拘繩墨又云莊子比老子便不同莊子又轉調了精神盡發出來龜列子比老子又較細膩又云老子之術須自家占得十分穩便方肯做然有一毫於已不便便不肯做如列禦寇莊周皆老子之

學故其書多引其語矣馬叔子書有云聖人不死大盜不止斯真妄証之言異端之徒益以清虛絕滅礼法而放曠為達者皆老莊之流也

問浮華何謂歟 對曰按鮑氏標題云浮華當作浮屠是也
問亂頭養望何謂歟 對曰亂頭養望當依通鑑作蓬頭跣足是也

問王勃之出處如何 對曰按標題記云王勃字子安絳州龍門人文中子之孫也父福時坐勃之故左遷交趾令而勃往省遂溺南海而死

問楊炯之出處如何 對曰按標題記云楊炯未詳其字華州華陰邑屬陝西人赴黔州盈川府今屬四川重慶是也令張說以箴送行至官舍嚴酷而死

問盧照鄰之出處如何 對曰按標題記云盧照鄰字昇之丞

州范陽

今屬北直隸順天府

奮投

潁水南開封府許州而死

問駱賓王之出處如何

對曰按標題記云駱賓王未詳其字

婺州義烏

今屬浙江金華府義烏縣是也

人佐李故禁起兵討武氏兵敗而

死按王勃傳記云勃與楊炯

號為王楊盧駱楊炯聞之曰愧在

士之致遠先器識

而後文藝

而浮躁踐謂其氣沉潛也豈事爵祿之器耶後皆如行儉之

言事見唐書裴行儉傳

問裴行儉之出處如何

對曰按標題記云行儉字守約絳州

聞喜

邑屬山西平陽府聞喜縣是矣

人時為吏部侍郎事見本傳

問孔戡之出處如何

對曰按標題記云孔戡字君勝先聖三

十七世孫與孔齊卿同列昆弟父某父字弱翁從子兄曰戡

字君嚴弟曰戡之方舉詳見昌黎文集孔司勳墓誌

問柳仲郢三為大鎮何也

對曰按本註云仲郢嘗為劍南

劍南府山南府今四川

太平太平府西太平府

節度使

故謂之三為大鎮也

問王涯賈餗之出處如何

對曰按標題記云王涯字廣津未

詳所居何郡唐文宗朝為同平章事兼度支塩鉄鑾茶法益稅性尚儉年七十餘貪權固位賈氏女竇紉妻涯之女王涯之誅親屬奴婢皆不免惟賈氏女以瘡疾得全賈餗字子美河南洛陽人文宗太和中為同平章事與王涯同被誅按其露之變涯狼狽步走為禁兵所擒誣服王涯與李訓賈餗謀逆皆被誅其露事在文宗太和九年乙卯冬十一月事見柳氏家訓按司馬溫公云涯餗與小人比有偷合苟容自謂得策一旦禍生不虞天誅之也

問蒼頭何謂也

對曰按史記云漢世僕隸少者為巾異於九

民故謂之蒼頭也

問臧獲何謂也

對曰按楊子云海岱之間罵奴曰臧罵婢曰

獲燕之北郊民之納奴曰臧女之歸婢曰獲故謂之臧獲也

問此雖一事作戒數端可得聞其詳歟

對曰按熊氏云奇巧

之物不可貪一戒也恩雉之盛不可恃二戒也溺愛徇私而

不能正其家三戒也失慈言而不能保其身四戒也不親

正人譬幸昵近威福恣行於外而不自知禍機伏發於近而

不能察五戒也

問王文正公之出處如何

對曰按東軒筆錄記云公名曾字

孝先宋青州府臨淄縣益都人本州解試第一省試復中第一真

宗咸平三年庚子廷試有物混成賦題狀元及第中山職

中山國使改爲定州今屬北直隸真定府定州新察院是也

劉子儀時爲翰林學士戮之

曰狀元試三場

一生喫着不盡公正色答之云曾平生之志

不在溫飽其見立志如此仁宗朝仕至丞相賜諡文正

問范文正公其於富貴貧賤毀譽歡戚不一動其心而慨然果

有志於天下歟對曰固是如此按朱子云文正公自做秀才時無一事而不理會過來及其一旦仁宗大用之便做出許多事業也

問溫公嘗言吾無過人者但平生所為未嘗有不可對人言者耳莫只是一誠敬歟對曰固然按建安何氏聞師之有云

先正嘗以溫公格言與趙清獻公平生日所為事夜必衣冠露香九拜手而告于天應不可告者則不敢為也一段作一

對刊石為座右銘此二事誠士君子立身行己待人接物之

成憲苟能不忤於人則不愧於天矣雖若二事其實則一理

而天人之際豈相遠哉

問引管寧之事何也對曰舉此以下七章皆實威儀之則也

問管寧之出處如何

對曰按標題記云管寧字幼安朱虛

北齊今屬山東青州府益都縣是也

人漢末避亂依公孫度於海外而日講詩

書所居成邑民化其德魏文帝立召寧浮海而還郡明帝

召寧陳情不仕事出魏志高士傳

問盤坐於理有害否

對曰按朱子云古人席地亦只是盤坐

又有跪坐者君前臣跪父前子跪兩膝頭屈前着地觀畫圖

可見古人密處未見得其疎畧即是如此如管寧嘗坐一木

榻積五十餘年未嘗箕股其榻上當膝處皆穿今人有椅子

若對賓客時合當垂足坐若獨居時垂足坐亦難久盤坐何

害

問講學以治心養性為本果何如

對曰按何氏云養性在治

心治心當寡慾蓋天理人慾相為消長總有一分人慾即消

一分天理若一分天理即消一分人慾首薄滋味以下皆為

寡慾之事也。愚謂講學即為治心養性之本如先聖之獲
憤忘食樂以忘憂顏子之博文約禮以至於所立卓爾而私
意淨盡天理昭融尚何慾哉所貴惟在於道矣

問葉氏言明道先生終日端坐如泥塑人即所謂望之儼然及
至接人則渾是一團和氣即所謂即之也溫果然歟對曰
固是昔朱光庭見明道于汝州歸謂人曰光庭在春風中坐
了一箇月可見明道氣象矣又安禮云明道先生德性充宗
粹和之氣溢於面皆樂易多慈終日怡悅立之從明道學十
年未嘗見其怒厲之容矣

問遺書言明道先生作字時甚敬然篤於持敬則無往而非學
歟對曰按朱子云這亦可以收其放心養其德性非是更
字好也而為之銘曰握管濡毫伸紙行墨一在其中點點畫
畫放意則差取妍則惑必有事焉神明默德

問劉器之問盡心行己之要於溫公溫公答之以誠又問行之
何先公復答之自不妄語始此莫是脩辭而立其誠歟對
曰按朱子云近看溫公所謂誠即大學所謂誠其意者指人
之實其心而不自欺也按熊氏云誠者真實無妄之謂立心
以誠則發念不欺行己以誠則制行無偽內外夾持表裏一
致無非真實所以終身守此無所往而不可行也自不妄語
始者人心之動因言以宣也發念不妄則出言亦不妄出言
不妄則操行亦不妄矣故自不妄語始也

問元城劉公問學道從何入曰自誠入又問誠自何入曰自不
妄語入南軒張氏嘗疑之何也對曰按真氏云誠者道之
極致學者必先窮理主敬然後誠者幾焉今以為入道之始
其語誠若未安而以朱子此說證之則知識之為義經傳所
指不同溫公之所謂誠主於不以詐無矯偽正學者立心之

初所當從事非指誠之至者而言也

問隱括何謂也

對曰隱括出荀子註云矯揉曲木之器也言

人自修之行如矯揉其木使之成器矣

問自相掣肘矛盾者多矣何謂也

對曰按本註云掣挽也肘

臂節也掣肘謂臂欲運動而為人挽之不能運也矛有鈎之

兵也盾即今之圓牌也矛盾謂矛欲傷人而為盾蔽之不能

傷也蓋矛所以傷敵盾所以蔽扞其用相反而不相入故事

之不協者謂之矛盾也如古人所謂方鑿圓柄鑿與柄皆指

連方底圓蓋婦紉之喻矣昔劉公初甚易其言及退而自

矯揉乃知言行有遠自相掣肘矛盾者多故勉力篤行七年

而後內外相應坦然由之有餘裕矣

問劉公力行而後成可得聞其詳歟

對曰按朱子云劉諫議

從溫公學溫公教之誠謂自不妄語始劉公篤守其說及調

洛州司法時轉運使吳守禮至州欲按一司戶贖以問劉公
公對以不知吳遂去而公常心自不足謂此人實有賊而我
不以誠告其遠溫公之教乎後因讀楊子避礙通諸理始悟
那處有礙合避以通之

問劉公見賓客談論時體無歉側有背竦直身不少動至手
足亦不移由此觀之則劉公存心正直可見其刑於外歟

對曰固然按朱子云劉元城每與人相見終日不甚交談欲
起屢留之然終不交談或問之元城曰人坐久必傾側久坐
而不傾側者必貴人也故觀人之坐起可以知人之貴賤矣
問學者要如徐節孝先生潛心力行做工夫始為志士勵行
歟對曰固是要如此按朱子云即孝這樣人都是資質美
所以一撥便轉終身不為惡也按熊氏云此章通上章與曲
禮所謂幼子常視母誼立必正方不傾聽之意同矣

問引文中子事君篇之言何也 對曰舉此章以實衣服之制也

問無長物焉何也 對曰長餘也無長物謂稱用而已不使之有多餘也

問君子非黃白不御婦人則有青碧何也 對曰御猶用也服被於體故曰御黃白君子所用之正色青碧婦人所用之正色此謂之服儉儉謂不以繁縟不矣

問青碧恐近於間色歟 對曰青乃東方之正色而碧雖近於間色則未有如紅紫之艷者然碧亦近於青故以青碧兼言亦可謂之正色矣

問引柳玭而言高侍郎兄弟之居清列何歟 對曰舉此以下六章皆實飲食之節燕言居室服用以儉之禮也

問高侍郎兄弟之出處如何 對曰按標題記云高氏兄弟唐

人未詳所居何郡長名鉞字翹之為翰林學士次銖字權仲
為給事中次錯字弱金為禮部侍郎速召也如易經不速之
客之速同不二無蕪味也羹載謂切肉齋以為羹也藪藪也
藹藹也藪藪也皆菜蔬之名夫高侍郎兄弟皆位清要而
飲食之奉如此則其他可知矣事見柳氏家訓

問李文靖公之出處如何

對曰按標題記云公名沆字太初

宋洛州肥鄉

肥鄉縣是也

人真宗朝拜相為同平章事真

宗景德四年丁未賜謚文靖公事見溫公訓儉文

問居第於封立門在於何也

對曰按標題記云居第仕宅也

封立宋汴京城門名古封父之丘故謂之封立今屬河南開
封府封立縣是也

問宰輔聽與太祝奉禮聽如何

對曰宰主也輔相也乃文靖

公為宰主輔相之職故謂之宰輔聽也太祝奉禮者為大臣

以蔭補子孫之職而典祭祀也公言今日為宰相聽前談狹窄若他日子孫為太祝奉禮居之則寬廣矣

問張文節公之出處如何

對曰按標題云公名知白字用晦

宋滄州清池

屬北直隸滄州府

人太宗端拱二年己丑及

第授解州

屬山西平陽府

推官定武

屬北直隸真定府

節度掌書

記真宗咸平中召為中書仁宗天聖二年甲子為同平章事公居相五年名重器清有若寒士既終于位贈太傅中書令

賜謚文節公事見溫公訓儉文

問河陽在於何也

對曰按方輿勝覽記云河陽郡古屬孟州

今河南懷慶府孟縣是也

問公孫布被之譏何也

對曰按漢公孫弘事武帝時為相而

曲學多詐及黜嘗面責之曰弘位三公俸祿多而為布被此詐也弘謝之時張公奉身皆儉約故時人引是為誚而公嘆

而答之如此嗚呼公之志豈常情輩所能知哉由儉入奢易由奢入儉難誠千萬世不易之言也

問溫公言先公為群牧判官可得聞其詳歟 對曰按標題記

云溫公之父名池字和仲宋陝州夏縣府屬山西平陽人舉

進士登第初為永寧府屬今屬山西主簿再任光州光山府屬今屬河南

知縣令而生溫公故因名光仁宗天聖中為群牧判官後

為天章閣待制歷鳳翔府屬今屬陝西河中府屬今屬山西同

州府屬今屬河南杭州府屬今屬浙江杭州是也

郡事見溫公家範與訓儉文

問酒非內法何謂也 對曰乃天子宫內所造之法故謂之內

法極言其貴美也

問溫公自言吾家本寒族世以清白相承何謂也 對曰寒族

乃溫公之謙辭也清者淡而不濁之謂白室素而不污之謂

猶言其家世之聲譽而潔淨也按標題引東坡懷神道碑云
普安平王孚之後司馬陽葬陝州夏縣凍水之鄉子孫因家
焉云云事詳見神道碑

問書登簪花出於宋之何時 對曰按標題記云宋太祖開
寶六年乙亥始宴進士於瓊林苑太宗太平興國二年丁丑
賜狀元呂蒙正等宴其後新進士例賜宴於禮部之貢院名
曰開宴宴仁宗寶元元年戊寅溫公以呂秦檜中進士甲科
及第亦賜是宴故溫公而有是言此以上四章皆溫公訓儉
之文前二章乃言李文靖公張文節公為相之時居室服用
之節後一章乃溫公自言其居家奉身飲食衣服之節大抵
崇簡約而尚質素之意矣

問汪信民之出處如何 對曰按標題記云汪堇字信民撫州
臨川南鄉烏墩人博學好詠高逸林泉自號清溪居士呂居

仁集江西詩之宗派以豫章黃太史為宗信民寺曾其派也
事詳見呂氏師友雜志

問人常咬得菜根則百事可做何謂也

對曰言人立志能守

堅苦恬淡不為外物所分故天下之事無不可為矣按朱子
云學者須常以志士不忘在溝壑為念則道義重而計較死
生之心輕矣况衣食至微末事不得未必死亦何用犯義犯
分役心役志營營以求之耶其觀今人因不能咬菜根而至
於違其本心者幾矣可不戒哉按標題記云此與實教身第
二十二章同意學者可以互看

問擊鄭或云擊手指即一說擊器物為鄭義以嘆咏何者為是
與 對曰抑與推之當以二者兼言始備如今人嘆美一事
亦將其手指抑或仰或側而扣於几之上即是器物但又
謂之鄭義以說不通矣

問明康侯問信民之言何以有是嘆歎 對曰按熊氏云胡文
定公嘗言人須是一切世味淡薄方好不要有富貴相蓋其
用志之同故喜其言大抵人之於學惟立志堅苦而不以貧
窶動其心於世味無所好而後可以有進在小學尤為當務
之急故朱子舉此一條以終之 按海虞吳氏銘銘字云朱
子集是書有引胎教以為之始至此引咬得菜根之說以終
一書之義其示人之意切矣讀者不可以為淺近而忽之也
問右實敬身亦有序乎 對曰按京兆李氏云實敬身凡二十
八章首一十四章實心術之要次七章實威儀之則次一章
實衣服之制後六章實飲食之節也

歷代道學統宗淵源問對卷之七